

鄒平縣志序



濟南之鄒平在古爲鄒侯國漢  
稱今名有伏生勝傳尚書秦火  
之餘名垂後世而宋范文正公  
仲淹嘗讀書縣之覺堂嶺書堂  
在焉邑多文人予按部至謁伏

鄒平縣志序

生祠墓與諸生講學望長白山  
雲氣來接賦詩樂之徵縣志文  
字多磨滅不辨縣令徐君聖齊  
彬彬文學君子也以扶墜補闕  
爲已任請從事修輯是時比部  
張舉之請告家居藏書多善本

博採勤蒐進士馬宛斯討核詳  
實而吳門顧寧人自上谷來悉  
授以按之書遂成三君之言曰  
志者一邑之掌故貴事核而言  
簡核取其徵簡取其嚴非若世  
之文集家乘遊山記可矜竒而

鄒平縣志序

二

務博納交而貢諛也君子以爲  
然故徵文考獻網羅遠近放失  
而向所附會及詞不雅馴者皆  
辯正芟去其載在編者皆可信  
而觀也六郡惟濟南登州二志  
燬余旣從臾成登州志而濟南

缺焉以爲憾苟得賢有司及士大夫踵而成之是可以爲法焉舊志四卷刻于嘉靖十二年今更定之凡八卷

順治歲次己亥九月督學使者宣城施閏章書

鄒平縣志序

三



鄒平縣志目錄

卷之一

方域

山川

古蹟

卷之二

城池

公署

學宮

祀典

卷之三

戶口

土貢

田賦

物產

卷之四

封建

職官

鄒平縣志

目錄

卷之五

后妃

戚畹

卷之六

名賢

隱逸

孝子

列女

流寓

卷之七

科目

辟舉

貢監

封蔭

武職

吏掾

卷之八

仙釋

寺觀

冢墓

災祥

遺文


雜志

鄒平縣志

目錄

二

疆域圖




圖立以北為上方鄒平  
形勝負陽而抱陰故  
以南為上方并載鄰  
封各盡疆界而縣域  
之廣袤如指掌矣  
邑人馬驥識

城池圖

龍王廟

沙河

白兔下巷



奎星閣 今廢

西關 三官閣

東關 東岳廟 文昌閣

關帝廟

關帝廟

厲壇

春社

關帝廟 石天廟

天峪山圖

天峪山

蓮花峰

趙壑峪



勝峯

天峪

天峪





上真山

御山

象山

松

大略二

種金頂

古樂  
老友

生卷

大谷三



會仙山圖

會仙山

玩湖頂

書臺在南

南石戶

北石戶

黃谷庵

刻



千  
葉  
山

印  
臺  
山

老  
人  
峰




會  
仙  
二

醴泉寺圖

醫堂  
嶺

鳴窩亭

流星嶺



桃花山

澗山灤圖



澗心臺

宋家庄

段家橋

伏生墓圖

伏生墓




長白山先生祠圖



伏生墓  
道碑



黃山圖



泰山行宮

泉林

兔柴

翠微亭

吳郡徐政聖齊父輯

方域

蓋讀史至于郡國分合更併之故雖博物君子猶且難之若此邑之在漢有鄒平梁鄒三縣梁鄒之名今不存而相傳以為孫家鎮是其遺址鄒平之名今存而非其故地邑治屢遷不可考矣自宋以前所謂鄒平者當在今之高苑新城界而今縣境乃唐宋之長山地遺碑可據也其鄒平縣志 卷之一 方域 一

遷邑之故史不具載靡得而詳余為志乃並古之鄒平而志之以邑所自名不敢沒其事而備

書以待後之君子 舊志合而為一甚謬

唐虞夏 屬禹貢青州之域為鄒侯國 詳封建

殷 屬營州 爾雅齊曰營州注云自岱東至海此蓋殷制按爾雅無青州營州即青州

之地也

周 屬青州 按周禮職方氏幽州其川河沛其浸苗時師古云苗出萊蕪時出般陽又

似屬幽州又按班固東都賦云制同乎梁騶註引魯詩傳云古有梁騶者天子之田也左思魏都賦亦云邁梁騶之所著其即此地及或名之偶同俱不可得而知矣

戰國 屬田齊

秦 屬齊郡

漢 屬青州部濟南郡置鄒平梁鄒三縣高帝於

梁鄒置侯國詳封文帝十六年分齊郡置濟

南國治東平陵縣並屬濟南國東平陵廢

景帝二年改濟南為郡按漢書濟南郡之縣

三日臺其四日梁鄒而功臣表有臺定侯戴

野後漢書濟南郡十城其四日臺其七日梁

鄒其八日鄒平而安帝紀注云臺縣故城在

今齊州平陵縣北二史之文固昭然也後人

讀前漢書誤從鄒字絕句因以鄒為一縣平

臺為一縣而又見晉書樂安國下單書一鄒

字齊乘因之遂謂漢濟南郡有鄒縣後漢改

為鄒平又云晉省梁鄒入鄒縣夫漢之鄒縣

自屬魯國晉宋二史梁鄒之名亦屢見焉乃

齊乘既鑿空為此說而通志邑志一切仍之

承謬踵訛以至乎今日茲為正之

鄒平縣志

卷之一

方域

二

後漢 屬青州部濟南郡

魏 無考

晉 屬青州部樂安國按樂安本漢千乘郡和帝

改為樂安郡移治臨濟漢之狄縣晉為樂安國治

高苑割鄒縣以屬之考晉列傳有梁鄒侯又

有鄒平令疑地志有脫字魏書地形志云臨

濟有鄒平城水經云濟水東過梁鄒縣北又東北過臨濟縣南似晉太康後併省鄒平入臨濟而梁鄒仍存永嘉後梁鄒始廢

宋

屬冀州平原郡按武帝僑立平原郡於梁鄒

舊城僑立平原縣以屬之胡三省通鑑註云梁鄒冀縣晉省宋

於此置梁鄒皮為平仍屬青州文帝元嘉九年分青州地僑立冀州於歷城以平原郡縣

屬之

後魏

屬齊州東平原郡皇興三年宋淮北盡入於

鄒平縣志

卷之一

左城

三

魏改冀州為齊州平原郡為東平原郡按魏

形志刺魏郡宋置魏因之其屬縣多在今章丘鄒平境如云博平有長白山安陽有魚溝

是也今不可考

北齊

屬齊州東平原郡天保七年併省境內州郡

以東平原清河二郡入廣川郡總曰東平原

郡治武彊移平原縣於梁鄒城以屬焉清河郡今

之淄川廣川郡即武彊今之長山通志云今長山縣城即古東平原縣恐是東平原郡之

誤

隋

屬齊郡開皇三年廢東平原郡以平原縣屬

齊州十八年移治鄒平故城因改名曰鄒平  
大業三年改齊州為齊郡

唐

屬河南道淄州淄川郡按武德元年置鄒州

治臨濟領鄒平縣

舊唐志云臨濟漢之營縣隋日朝陽尋改名臨濟非

樂安之臨濟也其廢城在今章丘縣界

又置淄州於淄川二年

又置譚州於平陵

即漢之東平陵

八年鄒州廢縣屬

譚州貞觀元年譚州廢縣屬淄州始分天下

為十道以淄州屬河南道

五代

仍屬淄州

鄒平縣志

卷之一 方域

四

宋

屬京東路淄州淄川郡景德元年移治濟陽

廢縣

按濟陽唐景龍初析高苑縣置至元和

廢城在今高苑界

熙寧七年分京東為二路屬京東

東路

寰宇記云鄒平故城在縣西南十五里俗名趙臺城八年移於今理即隋開皇

移平原縣來者所稱故城今理皆不可考史又云移治濟陽然則自隋至宋凡三遷矣

金

屬山東東路淄州按志云有系河濟河有鎮

三日淄鄉曰介東曰孫家嶺舊有哩店鎮後

廢

此縣治在今地當是宋末金初所移不可考其歲月矣

元

屬中書省山東東西道濟南路總管府按元

初猶屬淄州至元二年始割屬濟南

明屬山東布政使司濟南府舊有八鄉曰伏生  
曰長白曰禮泉曰梁鄒曰會仙曰仁義曰青  
城曰齊東洪武十二年割會仙齊東二鄉屬  
齊東縣十七年割青城鄉屬青城縣增坊廓  
爲六鄉編戶五十七里

大清因之

鄒平於天官當危宿之分其在鄒侯以前不可得  
而紀也春秋戰國之世邑號亦楚聞焉自漢以後

鄒平縣志

卷之一

方域

五

爲鄒平爲梁鄒南北朝爲平原隋唐以後復爲鄒  
平其屬隸則漢爲濟南晉爲樂安南北朝爲平原  
隋爲齊郡唐以後爲淄州元以後又爲濟南其城  
治則廢置不常遷移無定南北分爭亟有離合雖  
前史亦莫能詳也自洪武初析置齊東青城二縣  
鄒之幅員又去其半矣今治在濟南府東少北一  
百八十里其疆域則東至長山界一十里西至章  
丘界三十五里南至長山界三十里北至青城七  
十里廣六十里袤九十里其形勝控長白而枕黃

山跨小清而滌沙水其風俗士敦禮義農務耕桑  
邇來主瘠民貧崇尚儉朴薦紳之家不事浮夸鄉  
曲之子不習健訟駸駸乎有復古之風云

山川

山川之書昉自禹貢而桑欽之經酈元之注後  
之言水者必稽焉以其脉絡明而形勢悉也矧  
邑志與藩志不同藩志貴簡簡則但標舉山水  
之名日而已邑志貴詳詳則岡嶺之向背谿谷  
之起伏湍流之迂回必一一書之而後輶軒之

鄒平縣志

卷之一

山川

六

使得以辨方丘壑之宿於焉覽古邑接長白頗  
稱輿衍雖無驪山之遺事紀於臨潼少室之幽  
蹤稱於雒下而層巒別嶂長陂廣灤多有賢棲  
僊宅可得而指數者用述原委以備九丘之採  
云

長白山亦曰常白高二千九百丈周六十里跨連四  
縣之界

名勝志引抱朴子云長白泰山之副嶽繡江發源  
於此酉陽雜俎云古肅然山也按史稱漢武帝元

封元年四月乙卯封泰山丙辰禪泰山下趾東南  
肅然山今長白去泰山東北三百里非一日可至  
金史云肅然山在萊蕪明非長白矣長白山之名  
見於史志者魏書在東魏郡博平縣宋所僞置之  
縣也隋書在章丘縣金史在章丘長山二縣今則  
盤據四縣之間其東北屬長山北屬鄒平折而西  
屬章丘南則淄川界也又考唐醴泉寺碑故屬章  
丘後周景和公墓碑故屬長山今則兩處俱屬鄒  
矣此山以北平曠無際直達燕京長白諸峯羅列

鄒平縣志

卷之一 山川

七

挿雲故自北方來者於三百里外望見之焉

提學僉事施閏章詩 雨後明霞冉冉紅浮雲猶  
裊半山中多年夢想赤松子何處招尋白兔公列  
嶂臨城餘澗雪虛巖面海更天風從來副嶽誇形  
勝杖策憑陵誰與同

邑西南之最高峯曰會仙山其勢巉巖拔秀形若覆  
敦去縣治一十五里

一統志云長白山一名會仙山山中雲氣長白故  
名隋書開皇中改武強縣爲長山縣宋白云以西



南三十五里。長白山爲名。今長山故城正去會仙山三十餘里。知此山一帶總曰長白。而會仙一峯爲最高。舊志分長白會仙爲二。恐非也。登山之道南由大峪書堂北由魯家泉風門道。近頂五里許。峭立險仄。非攀援不可上。登峰覆視。長白被脈。蜿蜒俱在。月中環山四邑。列如畦畹。遠望秦岱隱隱。大半在萬山之外。莽霽日不能見。

天將雨則雲覆山頂。土人以候陰晴。

山谷出雲。旣而覆。歷山頂不崇。朝而大雨。徧數邑。鄂平縣志

卷之一 山川

八

矣。俗謂會仙山戴帽。若山頂無雲。雖雨亦不久。羣仙之所集也。故名會仙。歲以三月三日爲清明節。則仙燈夜見。

仙燈之說。舊志以爲理所必黜。然近世往往見之。狀如星光。燭火大者如盤盂。飄渺空際。時遠時近。乍開乍合。前哲靜山成公華東張公各有記。又崇禎己巳。適三月三日爲清明節。仙燈甚盛。士女來觀者數千人。順治戊戌三月二日清明。先是自二月晦前夜。夜夜見之。是夜游人聚觀。果見數十炬在。

來分合一最大者如輪山上道士云每歲二三月之際天氣寒凜風起霧合此夜定有仙燈不必其爲清明節也

張廷登仙燈記 會仙山在鄒平西南十五里舊傳月重三有仙燈見金母祠前先祖封吏部郎登峰翁曾見之庚申春余有京請沐歸道人陳六吉來謂曰仙燈近年數見茲維其時盍往觀之遂約友人同往時桃杏花盛開爛灼山谷士女裹糧不絕日夕至山前翠微之上書堂小憩度漏下可二

鼓出祠後半里露坐候望時四野昏黯狂飈忽作道人曰風伯戒塗燈兆也良久無所睹余意倦欲返一僧忽呼佛曰彼非燈乎余瞥視則見一燈色如白鏐自西向東去山不二尺許飄渺行如人導者已懸空如月漸如星而沒方共稱異友人噉呼曰西南霧中紅蓮花現余錯愕不及視歎咤間忽見谷口爛爛如列星無何山頂放大光明高千餘丈螢紅燄朱燼輝輝千枝萬縷絡如幢幡如冪如屏合而忽迸非煙非雲燭龍吐照翳陽復旭莫得

而名狀之矣從人誦佛山谷響荅咫尺身在蓬瀛  
不知奇遇之至是也次早山上道士至云山頂百  
餘人見山南燈七間以山頂燈不知也蓋山上人  
身處燈中不自見正如余處山下又不能見山南  
燈也如意寶珠四面滿光隨人照取耳余考傳記  
蛾眉山中天晴雲湧銀濤五采如輪謂之佛見夜  
半有光熠熠來自天際謂之聖燈豈其是邪然竟  
不知其何理友人曰揖金母拜木公人不識唯張  
子房知之余遜謝因圖而爲之記

上有玉皇閣有金母祠

張道士嘗言古塔中時聞木魚誦經聲傳爲老僧  
禪寂處又言其祖某道士往年山坳遇一人鰲面  
跛足戴野花一枝旣至金母祠則鐵拐仙儼如其  
像花在左耳訊爲樵童戲簪云

轉而南下有宜風洞

或云旋風洞或云先鋒洞近山頂一里許登峯之  
總路也洞口面南中有浮屠大像戊戌巳亥間有  
野人敝衣垢面往來諸山谷人不見其飲食言伏

欲頗驗一日死於洞中或欲瘞之忽失其所在  
有上書堂有范公泉

去山頂三里之翠微巨石環抱中關異境隱秀軒  
朗泉涓涓出巖下承以石井四時不渴實長白之  
奧區斯邑之勝地惜前人詩記闕軼志莫得而述  
焉昔范文正公亦嘗讀書於此故名書堂舊有三  
教祠久圯明萬曆中邑中丞張仁軒公重修  
其側爲貓頭峯前爲俊猊峯

俊猊峯當書堂之正南勢蹲如生二峯皆以形似  
鄒平縣志

卷之一 山川

十一

得名

南向東轉崇巒屏列隱然天塹其陰爲羅圈峪

北人謂山谷爲峪通志云大峪山在縣西南十五  
里其實谷也今土人通謂山曰長白谷曰大峪羅  
圈峪最爲險峻芻牧所不能遊積雪盛夏不消峪  
口石垣傳爲元人避兵所築戊寅壬午之亂保聚  
者萬家上有水泉故可以持久

又東南爲摩訶頂

高與會仙埒上有石塔山頂平廣北有大壑限之

故羅圈峪之險可恃其東爲回路峪沙河出焉則長山縣境也

自羅圈峪委折而東有超壑峪有種金頂有劈尖頂有水尖頂有桃花峪此長白之南嶂也

皆土人所命名志記無聞

其北嶂則自會仙以東爲老人峯

俗名黃姑山有巨石錯立狀如老人俗又謂之石翁石婆壽考之祥也山民有孫嶺者其母董氏年百有六歲聰明強健如五六十歲人能上山採薪

鄒平縣志

卷之一 山川

十一

晝夜紡績不休順治丁酉無疾而終又生員魏之道年九十餘矣猶應督學考試山之靈異鍾爲人瑞信不誣矣

又東爲鍛砧峯

當縣治之正南十三里上有石峯突起狀削成如鍛砧高可三丈廣可坐百餘人日正午其影倒於山麓立縣取此爲印臺之象又名印臺山由此山下轉入向西則夫峪也故俗又謂之轉角堆

兩嶂之間謂之大峪峪有二十四村良田滋焉甘泉

出焉佳樹所生百果時熟

通志云大峪山高廣幽深中多良田佳木山谷崎  
嶇村落所聚大不過數十家小者數椽而已中產  
桃李杏柿棗栗胡桃之屬甚多有老栗古幹扶踈  
其大蔭馭數百年物也華東張公立碣識之題曰  
古栗老友

新城徐元善詩 來聽山僧偈柑逢栗友碑寒交  
三較雜石丈一無奇繫我山河感餘公齒德思從  
遊仙事遠惟此見型儀

鄒平縣志

卷之一 山川

十三

有象山有松山

象山在劈尖頂之北松山又在其北山小而多松  
栢最堪遊憩

有峪勝菴

在峪西最深處原名柳家菴崇禎中僧圓湖創修  
四面皆山澗水環流樹色參差紅綠映帶北與書  
堂上下遙對峪道紆回至縣二十餘里

有黃谷菴有生菴皆大峪之勝槩也

新城王象春遊大峪詩 百年每負青山好今知

海鶴凌天表憑虛直能窺帝座扶搖而上星關  
澗巒步步可探奇片石孤雲莫草草相將但漱玉  
龍湫寧惜穠華暮春少長日深潭霜雪飛對之蒸  
炎去稍稍況是石林宿雨餘時當修禊氣嫋窈山  
頭陰霧雲全白何言齊魯青未了山谷弄雲雲弄  
山儵忽萬變誰爲考述西傳是聚仙峯仙子何年  
煉西卯又云東牢有大藥我欲求之苦不早曳馬  
吳門有也無對面滄溟目中小有松不受大夫封  
有芝但延黃綺老老僧卓錫制毒龍童子長竿落

飛鳥蒸霧桑麻十萬家嶼回谿合桃源宵煮鹽鑄  
鐵勝事遺海右孤城嚴聚保數年鑿礦傷地脉此  
山藏靈不藏寶山民不識使君來犬吠牛鳴山悄  
悄座中更有竹林賢白髮灑灑玉山倒夕氣淋漓  
鳥聲清直北湖田暮光森

會仙之北有南石戶頂北石戶頂有滴水崖

兩峯巉巖對峙澗崖滴水不絕北峯尤險峻可以  
避兵

有玩湖頂下爲魯家泉

山頂西玩湖光以此得名或云萬戶頂上可容萬戶也邑西南之諸峯林壑尤美魯家泉去縣治十里澗水幽折人跡罕到參寥子成公棄官學道構小樓於巖下坐臥其上數年不出又嘗徧遊名山五嶽多遇異人授以心訣視組綬如敝屣可謂蟬蛻汙垢而游乎太清者矣

成澹石詩 我步南巖下野觥可獻酬逢僧若癯鶴對客似閒鷗花面迎人笑鳥聲隨意求探奇無盡興斜徑得山幽

鄒平縣志

卷之一 山川

十五

有唐李菴

在魯家泉西北二里地僻而景幽相傳古有唐李二仙修真於此往年僧居清潔前輩多讀書其中兵荒以來無復曩時之佳勝矣

有徐郭洞

居民鑿崖爲洞而穴處靜山成公嘗讀書於此去縣八里一名玉泉洞

有朝陽菴

去縣十五里道由城西山麓轉而向南高谷之中



與唐李菴表裏相背山同幹而異途也  
由石戶頂而下伏而復起轟而北九峰如聯珠爲九  
龍山有啞婦口有聖水井

長白枝脉北出蜿蜒若龍在縣西十五里孔道經  
其上第五六峯之間爲搭山道步與騎可陟第六  
七峯之間爲啞婦口車輜之所由也通志云俗傳  
孔子去魯至此問道有婦人佯啞以滅跡蓋因孔  
子去魯之歌遂以附會舊志亦辯其訛或稱隘阜  
口山路狹隘穿鑿而成昔劉伯溫過此望見有王

鄒平縣志

卷之一 山川

六

氣因鑿而斷之後猶生章皇后焉野人妄談莫可  
究詰又舊志隘阜飛塵爲鄒平八景之一今亦無  
取聖水井在七峯遇旱取水祈禱輒應通志云在  
醴寺西蓋訛謬云

自大峪越嶺而西當會仙之西南山勢崑崙從曰覺堂  
嶺亦曰覺山去縣治三十三里

通志云覺山在章丘東三十里又云覺堂嶺在鄒  
平西南三十三里其實一也蓋邑志互取者  
相承而誤今爲辯正

嶺北有范公讀書堂有范公祠有醴泉寺

醴泉寺古名冽也其地南倚重嶂北望潞水形勢弘濶豁谷雄奇寺不知起於何時說者以爲始自誌公今殿東有唐碑鐫誌公像碑陰文剝落不可讀舊志云昔有海東異僧於此醫治痼疾龍穿此泉其味甘冽是有醴泉之稱嘗辨識碑文中亦有此語豈其然乎昔范文正公幼時讀書寺中日煮粟米二升晝爲四塊蚤晚斷齋啖之一日於寺內得窖金覆之不取及貴始語僧出金以給修繕又

寺之南巖石洞傳爲公讀書之所公爲一代名臣文章功業實基於此人傑地靈兩足垂不朽矣通志云公幼孤隨母適長山朱氏先名朱說舉進士始乞改名世傳其表云志在投秦入境遂稱爲張祿名非霸越乘舟偶效於陶朱旣迎其母歸養仍念朱氏撫育爲乞贈蔭報之公性至孝初母嫁居秋口去讀書處百里公往來省視後知青州優人戲云落霞與孤鶩齊飛秋日到長山一百公感動泣下此語雖鄙亦足見公之至性云

青城楊夢袞記 長白山最勝處在醴泉一寺  
據山腹負陽而抱陰三面青嶂旁圍北面空濶一  
望無際入山取道有二自東北來則道澗山鋪自  
西北來則道青陽店山麓綿遠行數十里以漸而  
高翠微中萬木蒼蒼乃醴泉寺也寺有范文正公  
祠祠面南祠後有佛殿面比如屍相對殿臺高數  
尺臺北有閣登而眺焉蒼翠環抱撲人眉睫北望  
莽莽蒼蒼有瀦水在澗山鋪以西去山十里餘內  
亦有菱芡蓮藕之屬每遇高秋鶴鶴水鳥羣集喧

呼宛然澤國也寺東崖間有方池鑄醴泉二字好  
事者覆以亭今廢寺西有澗日夜潺湲自南山而  
來且斷且續莫得其源入春山澗泠泠到處流溢  
曾引而灌蔬或引入院宇中遵澗南行三四里澗  
窮懸崖石罅中有水下滴纍纍如貫珠旁有積雪  
春夏不消澗水蓋出於此至穴地小泉埋沒於草  
根木葉間者甚多脉脉汨汨匯而爲一流注澗中  
掬而飲之味甘芳不亞中泠惠山醴泉所由名也  
南岳上絕險處有不洞可容三兩人四旁亂山無

數人跡不到惟一鳥道可側足行相傳爲文正公  
讀書處俗呼上書堂寺兩旁僧四五十家山有祭  
田供文正公春秋俎豆耆宿遞主其事祭之日令  
君臨焉文正公讀書寺中畫粥斷葷事最著學士  
大夫至今慕之四方來遊者不絕壁上題詠玉石  
錯雜僧稱公爲范爺稱其祠曰聖人殿尸祝之若  
畏壘然隆中抱膝峴首墮淚又何讓焉此山泉甘  
木茂谷中產柿栗胡桃之屬澗中魚蝦歷歷具介  
而已蠨僅錢大亦可敵第山田瘠确治生爲難又  
鄒平縣志

卷之一 山川

九

菰蔬稀火酒脯更乏客至沽酒必抵青陽店往返  
二十餘里所喜者塵囂不及堪以習靜余於萬曆  
己酉與二三同志曾結社其中丁巳春復往遊居  
半歲許空門晝永鳥聲上下樹色參差玉笙鐵笛  
時時斷續劃然長嘯手弄潺湲身臥煙霞真可樂  
而忘返矣

又詩二首 東風吹雨入僊家何物絳綉綻彩霞  
地暖由來花爛熳林深一任月橫斜千尋絕壁猿  
啼樹百道清泉客試茶坐對山僧傾斗瀉寒雲片

片繞袈裟 空山寂歷晚煙消策杖條然過小橋  
雲水爭開摩詰畫風林漫掛許田瓢禪房夜靜天  
光漱樵逕霜清木葉凋歸到洞窻誰作侶懶殘好  
把芋重燒

新城王士禛詩 清境難久留申旦戒徒御引領  
瞻前峯抗策辭東路數武卽嘔噉危蹊少安步顧  
盼見百里雲日媚烟樹馮高俯澄湖風帆競孤鷺  
晴旭移峯巔明吻變川陸褰衣入空翠溪流漱南  
注慘踈曠遊眺蒼茫失昏曙東山清風來西澗涼

鄆平縣志

卷之一 山川

三

雨度澄澗益蕭瑟遊鱗紛散聚前賢跡已遠山川  
緬猶故夙昔思古人三歎讀書處

由柳菴踰西山至醴泉拜范公

祠作

蚤讀神僧傳緬希誌公迹劒水蹤已遙鍾山

事成昔豈知常白峯留此千年石鳥爪帶銅綠鏡  
面瑩薜碧磨滅開元碑蟲鳥紛難譯披蘿究遺文  
剥苔理殘畫斷關發聞見樵牧增歎惜陸銘地塞  
冢王碑委荒僻廬陵傲珠犀東武比博奕淪棄多  
名珍何憚窮鉤索一勺醴泉冰供此風雨夕

譯誌公闕

碑作碑開元三年立

風雨湖上來蕭條麗飛閣殷雷起肩

際極目窮廖廓遙天壓烟水空濛氣磅礴大澤盤  
蛟龍斜風偃鵬鷲却眺鴻濛中日光遠廻錯草木  
暗四山急湍鳴萬壑望遠懷古歡大雅何時作醴泉  
寺高閣  
懷范公

山之麓有靈泉

去縣西南二十里其水井冷冬夏不涸舊有靈泉  
寺久圯榛莽中有峭竇題曰靈泉寺之碑記

醴泉之西有鵬窩峭

俗傳黃巢起兵處非也嘗是王薄之訛峒口西向

鄒平縣志

卷之一 山川

三

越嶺而東則醴泉寺矣

又西爲鳳凰山峯巒起伏勢欲翔舞有迎峒有翔鳳  
巷

青城楊夢來記 長白之西有神關曰迎峒地狹  
而境奇客自西來不見峒及山半懸崖上矧稍見  
場圃之屬折而北有松扉樹空翠間曰翔鳳神菴  
及扉又東折躡磴而上則僧居也茅屋不甚高而  
楚楚可愛每數椽別爲一院高下相間層層有致  
下處矯首仰觀人在樹杪間意瀟灑如僊居高

處俯身憑欄則紫煙一縷自香積中起如畫真有  
天造地設之妙地間寂俗客不到余游其菴所謂  
興上人者慇懃甚屋中設淨几一張垂簾出蔽核  
烹茗而薦壁上有名公題詠徃徃得佳句庭除散  
步樹陰鳥語之外寂無見聞峭壁嶙峋環抱斗室  
居者不扁而嚴有佛幾一區小而繁上人曰新爲  
之檀越氏梁鄒張封公也菴外有老農三五家懸  
崖置屋僧園丁佃夫也崖下有木四時清徹掬而  
飲之若瓊漿然自興上人沒而水涸

鄒平縣志

卷之一 山川

三

張延登記 鄒平西南三十五里有山曰鳳凰長  
白之支也中有迦峪最勝丁酉秋余有陽丘之後  
始聞之士人欣然往遊焉斜徑行由石磴而上  
巨石中矗如堵傍有泉清冽可嗜入菴軒朗望華  
不注隱如翠髻中爲佛宇時重新僞赭至前古楸  
二鱗皴蔭歲蕤然左僧舍尤闕密可憇深林雉鳴  
寂無人聲至夕星辰歷歷長河半落簷前因呼酒  
與僧談空話偈覺塵廡一時都盡僧曰吾檀越也  
請記之余約再往未果因歎世人日爲俗事忙過

歐陽永叔所謂比其汲汲得遂其志非老則病良可悼息如此山去邑非幾由旬也余道經其下不知凡幾將不能一徃徃矣卽不能再如其約何况慕向平五岳之遊效季仁生平三願乎余不佞生性踈曠羈縻繼世締於人情濃艷處每幻泡視之獨此一段烟霞膏肓不可砭療而塵劫未了身當再縮邑綬矣昔人云今日視此雖近邈若河山此山有靈不更煩移文哉菴創自嘉靖初年日久頽壞僧祖興苦募重修求易今額僧頗知禪理余故悅而許之

鄒平縣志

卷之一 山川

三

黃山在縣治東南三里狀如伏虎上有虎頭崑

通志云土色多黃故名記纂淵海云虎頭崑在鄒平縣南西北當縣治處有平臺地理家云宜建文峯塔山半爲翠微亭山之麓爲遐景亭

元大德中處士安仁甫卜築二亭爲吟眺之所濟南府知府王構爲之記今二亭俱廢故址猶存王構記節文 安氏世家梁鄒去城三里爲黃山處士君築亭其下今年垂耆耄神觀克悅未嘗一



造城市真古之隱君子也內翰楊公損齋名其亭  
劉集賢仲淹題其額予聞宗主疊紱踴然聲利之  
塗衆人之所同趨君子之所不屑以軒冕爲柴棚  
以名利爲桎梏枯項黃馘矯激世故亦君子所不  
爲今處士安於一丘壑克然自得其子思義參劃  
縣務動稽章程將躡青雲歷華要父子出處兩適  
其宜余家世天平久幸草堂之約異日棄官徑歸  
扣還景亭爲不速之客處士其不我拒也

滕州知州張新詩 田園成趣享遐齡百卉香中

鄒平縣志

卷之一

山川

一

幾醉醒爲愛東西山色好翠微深處結茅亭

歷城王克當詩 浩蕩雲烟四面開竹花深處起

亭臺好風吹醒紅塵夢閒看青山枕上來

山陰爲兔柴

明萬曆中華東張公創闢爲之此地最近城市邑  
人游憇其間日可三返南山固多幽境然每歲花  
時霜候唯此地游人載酒不絕

張延登記 黃山度長白敦丘耳山南來盡處也

縣城枕焉中有巨壑如雷雷上得坪不足二畝之

幽而旁多佳樹以其迫於城市徒爲牧豎所狎時  
萬曆戊戌春余偕友人郊行於此有兔駭草中條  
而上跡之正當坪中余曰此古地也從土人讎得  
之乃疏土出石卽坪中鑿爲洞先君子中丞公謂  
洞廣不容膝而窟胷隱邃出眺則萬井鱗次北原  
之野色都盡因命曰超然左緣石徑而登爲小亭  
覆洞列嶂周環如負屏坐前施小檻可以肆目余  
署曰挹翠亭迤西不數武得坂周交構室一楹中  
供大士像余每來輒趺坐室內稍汰塵濁名曰問

岱山房西望則九龍會仙諸勝列峯弄碧若與此  
山競秀曰西佳外周門壘石爲垣躡磐上得大石  
垂揭如丁上平衍可羅坐胡床八九弄仙指參差  
森隱可辨曰佛脚石磐下傍垣建小坊瓜甬不容  
行人友劉稗頗喜其地闕寂顏曰似此山房之背  
餘地陡削乃誅茆于房左右翼爲斗室自亭左飛  
橋以渡縹緲嶺爽曰雲盈盼同年友石伯成曾遊  
其地留題曰宿雲洞東再得隙地方廣出大甯上  
乃甃磚石剏樓一楹正與會仙峯相望

大壑中土洞舊有二元人避兵所鑿甲申之亂邑諸生孫鍾瑞等率郭民復鑿數洞逃避數千人于茲山在縣東南十里

三峯列秀當大峪之口舊有于菴仙翁祠今廢富相山在縣西南五里有乳泉

一名賀家山下爲賀家村山不甚高而樹木繁盛三春杏花九秋柿葉徧山滿谷爛熳如錦山上原有北極廟近又增建玉皇閣三教樓廟西有泉色白若乳是爲乳泉邑人以釀乳酒構亭於其上知

鄒平縣志

卷之一 山川

三

縣徐政爲之記

張一元詩 霞峯秀挿白雲重佳節名流此日逢  
搔落不堪登眺處挈壺還欲撫青松 東籬秋色  
映南山逸思悠悠共水滸不是山翁饒酒興風流  
常傍客星閒

成巳詩 直上雲山第一重黃花巖畔喜相逢道  
人久有棲霞念何日逃名問赤松

知縣徐政乳泉亭記 天下之土一也而有剛柔  
燥濕之異天下之水一也而有清濁輕重之異人

生其間氣類從焉故水之清而重者其人必濬哲而敦龐孔子擊芻于蒙而取山下之泉以爲聖功之基實由乎此鄒平西南五里有一小山名富相山山下有賀家莊亦以氏山春則紅杏滿谷秋則朱柿盈林在邑中差爲沃土而山之西麓有泉如乳名曰乳泉則又異乎凡水者矣余觀邑人之性大約質樸遲重而少踈踈之士其讀書秀拔者亦間出乎其中殆水之清而重有以孕之因里人之蓋亭而爲之記且告以果行育德之旨焉若政令

鄒平縣志

卷之一 山川

三

茲四載不能爲乳哺斯民之謀愧斯水矣

景相公山在縣西南三里

山培塿耳以下有景範墓得名

宿山在縣西十里

圓峯孤立道側九龍山繞其西俗謂之九龍戲珠舊志云下有古店行旅止宿故名

沙河源出大峪屈從縣南西流又北逕縣西一里又北流去縣十二里注于漯河

一名德會水齊乘謂之蒙水遶城南西二部爲邑

之襟帶雨則洶湧洲漲晴則澄光如練舊志沙溪引練爲八景之一前人頗有題詠原入小清河自小清河廢而沙河之下流改移無常今會于潔白條溝河源有二一出鑑埠一出楊堤莊合流北逕縣東七里又北流去縣東北二十里注于潔河

卽魚子溝水經云瀧水至梁鄒東南與魚子溝水合水南出長白山東柳泉口卽陳仲子夫妻之所隱也北流注于瀧水按瀧水卽孝婦河也蓋白條溝舊入孝婦河自小清河東行而此水遂入小清

鄒平縣志

卷之一 山川

六

矣實錄云永樂九年十一月浚鄒平縣白條溝三十餘里舊志稱嘉靖九年知縣葉林挑濬白小清河廢水道亦塞東北諸田常祲淹沒其下流亦入于潔

潔河源出長白山西麓南過章丘縣東十里又屈流東入縣境又東逕縣西北十二里沙河注之又東逕縣東北二十里白條溝河注之又東北流入長山縣界

舊志不載潔河者時潔河自章丘境內已入小清

河矣自小清河廢漯河循小清故道以東流迤又南徙接連澚山灤之水又東會沙河穿小清故道而非流其地名對門口者也決塞爲害知縣徐政議修之未果而去

知縣徐政議疏漯河詳文 看得小清河西接源于章丘之刁家莊漯河堙高家莊之東而入鄒平之段家橋等莊至舊口而入長山由新城高苑博興等縣而達于海此小清河之故道乃漯河之尾閭也時異勢殊滄桑屢變小清河漸淤成陸不期

鄒平縣志

卷之一

山川

二

河伯肆虐於順治五年漯河驟然潰決平地橫流接連澚山灤水勢益甚向稱膏腴之地頃焉陸沉爲害不止鄒平一邑也荒蕪之田十有五六被害之家不可勝數當此十室九空賦繁役重之日奚堪積欠包賠無所底止以致富者貧貧者逃賦誦丁虐職此故也前據子衿劉鏞應示陳言卑職會以應濬緣由叙入條議彙詳外今蒙 憲臺准據本生條陳下詢勅查遵經移會諸邑隨准長山新城等邑俱稱急宜疏濬惟章丘視爲稍緩想止就

一邑起見也凡治水先利其源今之致潰上游者首在章丘爲今之計必章邑倡率先築漯河之口以導潔流仍由故道鄒平以下諸邑各疏小清以導其流順歸于海如是則水由地中行無復荒滄之害矣但河延袤甚遠所轄不止一邑畚鍤工程甚鉅非旦夕可以計成伏祈 憲臺俯念事關重大或嚴督各邑舉行或賜具題請 旨嚴飭勒令各畫界址相度估計設法派夫約會起工協心同力不視爲道旁之築功可易奏害可永除矣

鄒平縣

卷之一

山

二

小清河故道在縣北十三里今廢

濟青之間有大小清河焉大清河卽濟渠也小清河本爲濼水源出歷城水經注云水湧若輪卽今趵突泉也又云北流注于濟謂之濼口然則古濼水固北流矣自僞齊劉祿導之東行始爲小清河其水由華不注山下東流會巨合水又東逕章丘縣北會滑潔二水又東逕鄒平縣北會沙河白條澚又東逕長山縣北會孝婦河又東北逕新城高苑博興樂安諸縣會烏河入于海此小清河之故

道也元于欽奉其母柩自小清河達于新城之錦  
秋湖往年舟楫浮于二清商鹽徧于齊魯明初猶  
然通志稱永樂以來壘塞不通成化癸巳當事者  
濬之自歷城至樂安水循故道退出鄒平等邑膏  
腴之田數萬頃迄嘉靖癸巳蓋六十年小清河復  
塞涓沙孝婦等河潰漲當事者復濬之三年而畢  
諸水悉平咸注之小清河矣今則灤流仍歸濟渠  
小清久塞不通滄桑陵谷之變不知始於何年父  
老不能記憶邑之沙白二水秋雨暴至漲溢爲災  
望於司牧之君子云

鄒平縣志

卷之一 山川

三

北野下涇之地盡爲鹵莽念民瘼而溯禹功是所  
濟山灤在城西十五里九龍山之西麓周廻二十餘  
里接連章丘之境灤水匯焉

往年爲潞水遇旱則涸可以藝麥近年來灤水流  
逕其中汪洋千頃魚藕之所產也水禽之所宅也  
夏秋之際芙蓉蕖滿面羣鳥唼喋漁舟唱晚山色映  
帶南望醴泉禪寺如在畫圖西北平遠無際洵鄒  
邑之勝槩也按灤字字同音異灤水音洛此則音



泊云

古蹟

稽古郡邑之沿革境界之分合余既詳載於方域之篇矣而說者據漢書濟南伏生之說遂謂今縣北之濟南廢城即漢郡之舊址而實非也鄒之在漢濟南屬縣耳前史舉郡略邑而隋所置之縣適在伏生墓側舊志之舛有自來矣今為正之

漢梁鄒縣城

在城北四十里今之孫家鎮是也漢置屬濟南郡至晉而廢宋於此僑立平原

郡後魏改為東平原郡北齊天保中改為平原縣隋廢

鄒平縣志

卷之一 古蹟

三

南宋平原縣城

在城東十二里即今平原莊宋武帝僑置屬平原郡至北齊天保中移治

於舊梁鄒城而此城廢

隋濟南縣城

在城北十八里伏生墓之右隋開皇十六年置屬齊州大業之初省入長山

鄒平縣志卷之二

吳郡徐政聖齊父輯

城池

昔夫子繫易之坎曰王公設險以守其國而春秋特書莒潰之文以爲不備之戒夫自大道隱而世變生戰爭多而守禦始是以城郭溝池雖曰小康之事而先王所必謹也往者已卯之役郡邑並皆失守唯此與章丘得全遯尹鐸之遺勞推子囊之舊畫邑之士大夫多有能言其事

鄒平縣志

卷之二

城池

一

者語曰前事之不忘後事之師也守斯土者可不念哉

城周圍四里高三丈八尺上闢一丈二尺下闢三丈門四東曰通齊南曰興賢西曰迎恩北曰仁義元至元十二年縣尹陳堃先創立教諭張崇文記明萬曆八年知縣李瑞重修砌以石吏部稽勲司主事呂坤記崇禎九年知縣韓文焯重修邑人張延登記

張崇文記節文 至正十有二年八月乙未朔尹歷下陳彥武命作城門東西南北各一屋以楹計

者八閩以枚計者十有二規制端敞勢壓崇墉殆  
如天設越十月乙卯落成邑民咸稽首賀崇文時  
職縣庠謹採輿論以紀成績系之辭曰維昔梁鄒  
土沃民殷望于他邑閔歲滋久城廢不修西鄙陸  
梁夜入焚劫民庶嗷嗷孰究其居時維陳公受命  
來牧仁涵義揉姦慝清肅變呻爲謠旣庶而封人  
力有餘百廢斯舉乃諮邑士爰作城廡量功命日  
戒以勿亟民役弗徐事如子趨輦石輸財爭先有  
期自旭至晡役罔有怠厥功告成實堅實麗邑民

改觀罔不瞻聳以固藩屏以扞寇侮明明天子嘉  
惠我民繫公之力是布是宣長白峩峩灤流湯湯  
天子萬民荷茲多祉乃刻珉石以誦厥美尚俾來  
者知作之所自

呂坤記 鄒平有縣至今千六百年增以崇墉甃  
以堅石則自萬曆八年邑令李侯始始侯之來也  
登城城隘不可以車圮者有牛羊跡出入者攀躋  
以行不請關鑰每歲議修修輒壞壞復議修計歲  
歲費不減數萬前令憂之議以歲歲費費於一歲

新其城計亦不減數萬父老曰諺云屢常補其直可新而貧者必補補費廉而常補之費易辦也民力不能新矣請罷萬曆戊寅汝南趙公來撫山東下郡國城城亟不可罷於是李侯爲令歲餘矣父老以爲憂詣侯罷其事如謁前令者侯曰無以城爲也則罷之便如用城則作之費視罷幾何乃以憂二三子邪明日下令度之城環六百六十丈下廣丈餘上廣三尺有咫土堞城內外片石一甃無有也公集父老於庭謝之曰茲城也吾欲厚之下

倍二上倍五易堞以甃被城以石可乎衆愕然曰是前侯議數萬之所未及者也問歲修之費幾何曰千餘金侯曰吾欲以一歲費已歲歲費令千百年不復費可乎衆益愕然曰是猶工具器而猶不足者也侯曰第爲之是時括公家積得銀千八十兩穀二千五百石侯泰然無憂也曰是常有餘城城下廣三丈上廣一丈二尺懸溜一百五十有九隅樓四堞甃爲之高閣如舊之半凡一千二百有八十柵門十六警舍十八通水橋一斫山砌城固

以焚石蒙葺之草不根焉其丁夫每三人城一尺  
客戶三日役主戶五日一踐更終始役其督工官  
三人耆民十六人其匠木十石十有八其器物爲  
索之縶百斤人出草五束得甌一十九萬稅間架  
錢一百四十千得灰九十三萬上七則家戶持畚  
鍤一人持木一工已還之其費銀五百五十餘兩  
粟四百六十石其興作僅五閱月而鄒平遂稱金  
湯云始驗封大夫張鳴春一元鄒平人也與余同  
年友又爲郎同舍歲庚辰大計天下郡邑吏語及  
侯鳴春爲予悉其事如此余嘆曰此天下才也因  
民之力與財而督責是亟怨乎日不侯之信於民  
也三自常祿外一介不取諸民贖錢幾絕而人信  
侯之廉里之地瘠而民貧者悉籍爲役食其兩徵  
通邑之兩徵者又食之流移復逋負完而人信侯  
之均門外有待鞠之人侯雖饑不退食堂下有枵  
腹之卒侯雖懼不竟席而人信侯之仁役之日以  
節省爲施予以獎勞爲鞭扑歲寒弛役風雨弛役  
農時弛役人勇於赴事也如乘屋樂於效其有也

如衡邑誠貧不告疲也城兩城而有餘權又何怨  
余歎曰使民有道得其道雖令赴湯火可也宋人  
乃以一臺賈怨豈不悲哉侯名精林縣人太宰王  
公通家子不通謁及以最績徵又爲權貴所銜授  
大理寺評事其操尚如此今改工部員外郎事敏  
功精節財恤下藉甚有賢聲城其一事云

張延登記 鄒平城周三里許委土耳其萬曆己卯  
縣令李公瑞始斫石而築之崇禎辛未東平戍卒  
至吳橋反戈連破新城等六縣鄒平獨仗城僅完

鄒平縣志

卷之二

城池

五

於是當事徵諸郡邑人自爲守邑人張延登劉開  
文孫贊等請於令君倡諸士紳伐黃虎函之石砌  
子城四座砲臺十座各如城之高議糧灰料糜金  
錢二百三十餘萬士紳省喪殮爲之一毫未歛於  
里甲丙子二月起次年三月迄工新令韓公爲之  
聞于上臺以竣其事或謂是役也壯金湯堯前烈  
節民財一舉而三善具延登所述其概大書鐫石  
以告後人詳載碑陰

公署

古之君子重民力而謹興工堂垣門宅具焉而已不求其飾然未有若鄒平之縣堂傾圮至于呼

高曠宇之中聽訟茂陰之下者余視事二載始獲苟完視諸鄰邑不無樸陋之議傳之後人要議艱難之意若內宅中舊有茅舍則因而不改焉國儉固當示禮而時誦未可舉廢以望之繼余者矣

縣治在西大街迤北明洪武二年知縣張椿建沿川鄒平縣志

卷之二

公署

六

縣丞王蒙記成化二年知縣李備重修後之令丞或不時增益大門臺高二丈五尺上建譙樓重簷三楹儀門三楹角門東西各一座戒石亭在儀門內中路今亭廢石存

王蒙記節文 皇帝卽位之元年兵定齊魯得郡六州縣以百帝命中書宜以時置學有司之職丞相于是徧舉於衆士惟勤懇廉慤者克膺茲選嘗歷宰屬簡于帝心者任以郡守中書曹掾議論詳傳及諸百執事以儒術進者長州縣序秩有等丞

相率以陞辭與是選者數十百人而中書掾張侯  
椿出宰鄒平書史江斌授主簿縣隸濟南郡在郡  
東百有餘里長白聳峙其南清河繚繞其北乃漢  
伏生故鄉至今多通經之士中原板蕩二十餘載  
邑治塌颯蓬蒿中元政陵夷日就姑息急則叫嗥  
徵輸已則閔然棄去侯視政之初刮磨舊俗敷布  
新仁三月而培一大治邑中三老詣侯言曰昔者  
民無攸居栖止若穴豺虎是違麋鹿是依孰識軌  
則教化孰施矧茲邑治燬于兵燹頽然遺址鞠爲

茂草茅屋三椽不蔽風雨邑臨通衢使車旁午宵  
憇民廬蝶媿威武城有麗譙以警昏旭官有犴狴  
以繫奸辟昔旣蕩然民罔瞻聽豈侯之心憫我彫  
瘵未堪命邪將謀及父兄率我子弟爲侯樂成焉  
侯曰噫我承天子之明命夙夜祇慄惟爾民是恤  
斯蓋未遑也於是聚財鳩工庀材陶甃爲廳三楹  
重以南榮翼以兩輔爲堂視廳游息之所廊廡軒  
然曹吏所治廩庫崇卑罔罔嚴密庖傳潤園部分  
有別經營侯心匠石拱手侯自至官未及一載民



化政成不疾而速余以公事抵鄒平有白叟數輩  
遮余馬首請銘

正廳五楹扁曰平政堂順治十五年知縣徐政重建  
改曰誠求堂太子太保刑部尚書長山李化熙記

李化熙記節文 鄒平古巖邑東西當道之衝郭  
郭內外民居稠雜公私廬舍通闕帶闔鱗次櫛比  
其西北爲縣治繚而南學宮峙焉規度宏翼雖不  
敵大郡之半濟以東諸支邑不及也自兵燹頻仍  
轉輸供億徃徃悉索敝賦以從於是昔之盛者減

鄒平縣志

卷之二

城池

八

十之五而縣治及學官其荒殘爲獨甚順治丁酉  
邑侯徐公始來治茲土越歲政聲蔚然家無弗伸  
之寃庭無弗直之訟咨詢利弊振飭綱目百務畢  
舉於是始決策更新之某嘉肺之美餘者可借也  
某儲粟之無害者可食也長吏歲入之祿可捐也  
民之力可隙而用也旣受事矣凡木章竹筒瓦甃  
丹髹悉畧時低昂交手昇與吏不得緣以爲姦而  
梓匠朽鏝百工之來者得直皆如私家自經始迄  
落成爲時財朞月以數十年之廢而難舉者以不

日成之而人若罔聞知者於是邑之縉紳大夫及諸父老子弟則又礱石以待日是不可以無記乃走而請於余余不佞竊以爲邑之有令所以承流宣化攸暨斯民其責不緊重哉昔漢重郡國凡良二千石以治行稱最者寧增秩賜金而不卽召所以久其任以盡其能自吏道襍縮半通者率以傳舍恥其官欲興一利則日前之人未之及也吾寧畫一守之耳欲別一弊則又曰吾其家於官邪曷以是待來者日昉昉然瓜期之及而去也嗟乎因陋就簡凡若此者又寧僅一縣治一學宮之日圯哉侯下車無幾時而乃約已使人裕民東吏不以難止不以毀疑不以費懼不亟不徐不侈不陋不資於公不歛於民則侯之不以傳舍恥其官而毅然有爲可知也

後廳五楹 幕廳三楹 庫樓一座 架閣庫 鑿

駕庫 東西吏舍各九楹在正廳前 獄舍在正廳

東南明正德中知縣王瀛洲重修 清理所三楹在

儀門外西 寅賓館在儀門外西 知縣宅在正廳

北明隆慶三年知縣趙維鄉增修 縣丞宅有二在  
正廳東北今廢 主簿宅舊在正廳西北今廢 典  
史宅在正廳西南順治十四年典史侯可封重建  
收糧房東西各十間在儀門外今廢 倉房在大門  
內西 榜厦東西各三間在縣治前今廢 旌善亭  
申明亭各三間在縣治前今廢 影壁一座在縣治  
前 牧民坊在縣治前 仁育坊義正坊在縣大門  
外東西今廢

布政分司在縣治西一百二十步明洪武元年知縣  
鄒平縣志 卷之二 公署 十

張椿建成化十六年知縣李興修正德元年知縣秦  
環增修 大門三間 儀門一間 角門二座 正  
廳三間 吏舍東西各三間 後廳三間 左右厨  
庫各三間今俱廢

按察分司在縣治東二百二十步明洪武元年知縣  
張椿建弘治六年知縣鄭瑾修嘉靖元年知縣王瀛  
洲增修九年知縣葉林重修 大門三間 儀門一  
間 角門二座 吏舍東西各三間今止存一間  
正廳五間 穿堂三間 後廳五間 左右厨庫各

二間後改爲察院行臺

左都御史林聰詩 山城匹馬控吟鞭風景依稀  
薄暮天范相齋居塵寂寂伏生祠宇草芊芊三春  
尚積殘冬雪六月纔耕負郭田駐節諮詢民隱處  
愁聽父老說前年

都御史陳鳳梧詩 石磴縈紆探復深空林啼鳥  
忽聞音連雲秀巘還青黛夾道垂楊自綠陰宿雨  
已全消暑氣清風時復滌煩襟民謠土俗頻勞問  
徧野桑麻是賞心

鄒平縣志

卷之二 公署

十一

濟南府館在縣治南二百二十步明嘉靖元年知縣  
王瀛洲修八年知縣葉林重修 大門三間 正廳  
三間 吏舍東西各三間 後廳三間 左右廚庫  
各三間後改爲按察分司今俱廢

寅賓館在縣治西十餘步 大門一間 正廳三間  
後廳三間 前後東西各有房二間後改爲府館  
改寅賓館於縣儀門外西今俱廢

演武場在城西二里東西五十步南北一百二十步  
明正德十一年知縣鍾錫建 正廳三間 後廳二

間 廚房三間今俱廢 旗臺一座尚存

稅課局在縣治東七十步舊設大使一員今革廢  
預備倉在縣治東南二百步明成化十一年知縣劉  
鎰建弘治十五年知縣秦環修今廢

義倉在縣治西南二十步明嘉靖九年知縣葉林修  
今廢

馬厰舊在縣治南廡三間馬房二十四間門一間明  
嘉靖元年縣丞崔環建久廢今在縣治大門西

養濟院在北門外明嘉靖元年知縣徐九疇建今廢  
鄉平縣志

卷之二

公署

十一

青陽店馬驛在縣西三十里鼓樓三間儀門三間正  
廳五間後廳五間東西廂房六間廚房三間吏房三  
間馬房三間驢房一間正德十六年知縣王瀛洲修  
嘉靖九年知縣葉林重修今廢舊設驛丞一員有驛  
丞宅在廳東正德十六年建隆慶四年裁革

金華集仿青陽驛詩 日出朝煙歛川迴古渡平

遠山迎立馬疎樹引行旌野潤桑麻接風涼布葛  
輕三農憂歲旱秦石望雲生

青陽店遙運所在城西三十里今革

急遞總鋪在縣治東二十步 鮑家莊鋪在城東十  
里移七里鋪 宿山鋪在城西十里許山鋪在城西  
二十里 青陽店鋪在城西三十里 程和鋪在城  
西北四十里原在宋家莊今移辛梁鎮 波洋店鋪  
在城北二十里今移韓家店 孫家鎮鋪在城北四  
十里 舊有花溝鋪在城北七十里今無 泉州府志  
日鋪字從  
金借誤  
作舖  
陰陽學舊在縣治西六十步明嘉靖十一年知縣葉  
林改建縣治東十步今廢

平陽縣志

卷之二

十三

醫學節惠民藥局在縣治東七十步今廢  
僧會司在真如寺

道會司在城隍廟

漏澤園在縣東南地方四畝五分

知縣李興記節文 禮記載孟春之月先王命掩  
骼埋胔至宋元豐間始有漏澤園之創收瘞貧民  
死無所者其亦掩骼埋胔之遺制歟我太祖高皇  
帝受天明命奄有四海仁涵義育東漸西被慮鰥  
寡孤獨或失其養也設養濟院給以芻米頒以布

帛又勅天下諸司設郡邑厲壇春秋祀之今上皇  
帝又於京城隅建漏澤園朝廷於貧民養生葬死  
之際何其周密至此哉然漏澤園雖設于京城而  
未徧于天下邇年山東饑饉薦臻餓殍盈途今秋  
大叅文安邢公居正出按屬邑見而憐之遂檄所  
部各建漏澤園興奉行惟謹建於邑之巽隅隙地  
崇其垣墉列其次序凡貧民死無後者悉收瘞于  
此用紀其歲月勒之貞珉垂示來世

學宮

鄒平縣志

卷之二 學宮

十四

自唐宋以下澤宮文廟徧于郡縣而茲邑復有  
伏生范公二書院爲改德問藝之所其時文學  
之士未減于稷門箎弦之音不衰于魯壁載在  
碑記者班班可述也輓代以還鞠爲茂草卽令  
甲所存猶置不理而古寺荒蕪黌堂寥落所不  
待言矣余今葺殿堂之後將次第新之以吏治  
亟而物力艱懼弗克就以諭邑中好義君子

儒學在縣治東南百餘步基址四方南抵城墻街北  
抵東西橫巷東西抵南北直巷肇創之始闕記無徵

元至元八年尹蕭革等建提舉學校益津高詡記至  
正十三年尹陳整仙等重修邑博張崇文記元末兵  
燬明洪武元年知縣張椿修耆儒王守素記正統六  
年知縣李昉重建明倫堂成化四年知縣李儒重修  
十六年知縣李興重修弘治四年進按御史向紳委  
知縣趙瑄重修邑人言芳記正德七年知縣薛瑞重  
修自爲記舊志稱學宮往爲民侵占西北隅缺東西  
巷塞正德九年知縣王瀛洲贖買故地悉復之嘉靖  
五年知縣徐九疇重修自爲記

鄒平縣志

卷之二 學宮

七

高詡記節文 梁鄒古鄉侯國山川雄秀民物繁  
盛視他邑爲最舊有宣聖廟在邑東南隅兵火焚  
蕩以來鞠爲瓦礫之場者積四百餘年居人屢欲  
建之力弗瞻也中統改元之後守土之官鳩工購  
財什七八矣屬青寇之亂孑然無遺至元六年縣  
令蕭公來蒞此邦慨然有興作之意聿相厥基寔  
惟隘陋旁有故公廨一所聞無人居可爲春秋釋  
奠及弦誦之所乃陳其事于府府乃騰牋于部得  
允其請乃卽故廳臺基增築而殿之蕭公自公之



暇鳩材于遠方克徒于籍外朝夕弗遑縣丞劉公  
縣尉蘇公多方贊成之自七年九月興工至八年  
二月落成堂構巍然簷牙高啄仍以故堂爲師資  
講習之所

言芳記節文 鄒平學始建無考自元迄今雖碑  
額僅存然皆修治殘缺而非創設之文弘治紀元  
夏監察御史四川通江尚公紳按治我邑首謁先  
聖詣學課士之餘周視明倫堂兩齋號餘暨饌堂  
司厨之類規模隘陋日且就頹乃曰此有司之首

務何悉如是詢諸訓導侯公廣張公禎暨學諸生  
欲得人以任興修之責僉謂主簿郝公謙可郝公  
夙夜皇皇身任其事凡所籌畫罔不出盡工役出  
於流甲一夫不科需料出於公羨一錢不歛經始  
于是年十月明倫堂東西齋厨射圃殿之前左右  
門皆撤舊易新者也東西號舊各五間今各增爲  
十二司房三皆增舊創新二賢堂殿之後左右門  
射圃亭學之二門及饌堂各因其料而新焉崇經  
閣大成殿東西廡櫺星門戟門及學之大門則修

補而已廟學諸墻雖因其舊則又塗新學之西並  
買地一方架號于上知縣趙公瑄縣丞宗公璽汪  
公恢典史韓公俊以次相繼來治我邑凡其所未  
成者則必倡率協力以底于成越三年七月落成  
會教諭王公璉領符來教斯邑遂求予記

徐九疇記節文 嘉靖丙戌秋余承乏來尹茲邑  
蒞政之後法當廟謁環視殿廡齋率領圯弗治予  
竊嘆之而力未逮閱歲乃移文請諸當道咸獲俞  
允卜工有期予與二三僚佐暨學諭諸君謀曰惟

茲興役百需攸萃第帑竭民匱不可少侵匪酌量  
區畫烏能善厥事耶爰集邑工石取諸山瓦甃造  
諸冶榱桷梁棟擇地之材且美者伐之且各捐俸  
餘爲廩餼之費兩閱月事緒咸舉相與告成于廟  
退予識諸石

文廟大成殿三間 東西廡各七間明嘉靖九年知  
縣葉林添設祭臺 戟門三間東西角門各一座  
櫺星門三間 宰牲房廚庫各三間知縣葉林建今  
廢

元劉敏中題加封大成至聖文宣王碑 天地生  
萬物人居其中而物皆役焉故人爲萬物之靈人  
之中有謂之聖謂之賢者而人皆下焉則聖賢又  
人之靈也彼聖賢其生也有神明仁誓之用其沒  
也有盛德大業之著是以歷代盛王莫不取古聖  
賢德業之所在祠祀之封崇之使一世之人有所  
景仰則效遷善遠罪弇化而成于治而聖賢之中  
其道與造化同混融與天地相始終者獨惟孔子  
焉故其子孫襲世爵祠祀徧天下而褒崇之典愈

遠而愈加也蓋自漢而下日侯日公唐開元間始  
王號文宣宋加至聖我朝加大成焉大成之義蓋  
取諸孟子其所以尊奉聖人者於是至矣鄒平廟  
學將勒制書于石監縣以其屬請曰願有述惟鄒  
平古名邑漢有伏勝嘗以尚書授鼂錯今名其鄉  
曰伏生宋有范仲淹讀書長白山中今號其山曰  
黌堂而民皆祀之所謂景仰則效者可以槩見况  
乎大聖人之號揭于至隆平之時民之視聽必爲  
之一新不啻開霽之視日月當春之聞雷雨也其

秉彝之好油然而中感動興起有不期然而然者  
矣爲之師帥者從而布宣朝廷所以尊奉聖人之  
意開導勸獎休養而培植之則一邑之治朞月之  
間可不勞而致夫若是當復有大儒如伏生大賢  
如范公者出而爲他日治效之應嗚呼聖人之道  
帝王之制大矣哉

明倫堂五間前抱厦五間 東西齋各五間 東西  
號各十二間 饌堂三間 厨三間 學舍三間俱  
在大成殿後今並廢 卧碑一通在明倫堂內

鄒平縣志

卷之二

學宮

九

學門三間在櫺星門東 中門一座  
御製敬一箴碑亭三間 門樓一座在學門內知縣  
葉林建自爲記今廢

葉林記 恭惟皇上御極以來經筵直講聖學緝  
熙尤法天行乾不自滿假廼於萬幾暇日御製敬  
一箴圖義理淵微旨趣雋永蓋上繼唐虞欽明精  
一之傳下開來學于無窮也猗歟休哉旣又因大  
學士張璉所奏於宋儒范浚心箴程子視聽言動  
四箴皆爲之傳註焉天章宸翰照耀萬古其與敬

一殿實相爲表裡誠萬世道統源流所繫也臣林  
嘉靖己丑秋八月奉命來尹茲土適遇欽差山東  
等處按察司提學副使臣夏尚朴遵行禮部欽降  
御製箴式俾各府州縣刻石樹之學宮以垂後世  
林奉命唯恐遂於是歲冬估值今歲夏訖工建亭  
三間植碑七通斯亦有司之常事耳雖然凡官于  
是邑與夫師儒游于是庠者登是亭誦是碑尚當  
體我聖明頒降作典之意云

崇經閣三間在明倫堂後元至元十五年尹孫周卿  
修平縣志

卷之二

學官

二十

建邑人王文燁記明景泰六年知縣顧瑄重建僉事  
李琮記

王文燁記節文 自古鄉魯之邦庠序如林藹然  
文化之盛非他郡比矧鄒平又漢儒伏生家焉者  
平民物之夥固甲諸邑而百里之內俗尚淳雅悅  
禮義而敦 昔者十室而九去古雖遠遺風未泯

獨惜邑之學雖設廢不治已久闐然無弦誦聲講  
室齋舍隘陋弗稱且欲就歷將奚以爲藏書之所  
肄業之地哉至元丁丑虞陶孫侯周卿來尹是邑

蒞政之始輒慨然興嘆欲更新之適歲歉未克舉也越明年遂卽講室故基增築之建爲重屋翼以室仍厦以承之乃出已所藏書度于上其下則爲師友講肄之地可謂一舉而兼得矣規模之壯雄跨一方實廟學增重焉侍御史華峯張公聞而嘉之爲大書崇經二字以扁其額衆復請予記之予惟道之在天地間未嘗一日泯也其精微之蘊功用之懿非經將奚傳焉故求道者必求諸經蓋經所以載道者也古者聖賢治天下之大訓大法悉

載諸經其所以垂世之教者纖悉備具擴而明之舉而行之其爲政也何有宜乎有國天下者尊崇而不容少緩也自秦人肆虐蕩滅古法經之不絕猶綫漢興以來購求遺書於天下而經之殘缺者日完復置博士及弟子負彬彬然中外多文學之士由是以經術見用者磊落相望人咸知儒者之道爲尊矣至宋儒尤尊信而發揮之六經之道益昭然大明於世俾學者有所據論治者知所本厥功大矣然則經學其可一日廢而弗講乎夫學校

之設本以育士士之所明者經也以之修已治人  
舍經將奚以哉此侯惓惓一念于是而不可少釋  
也況是役之興掄材鳩工皆出於人之樂輸而願  
爲故吏不告勞而民不知擾力省而功倍之協贊  
而董成者則幕府釋思溫也噫文翁守蜀儒化以  
成常衮使閩貢士與內州等矧齊魯之邦乎將見  
是邑人材之盛俗化之美洋洋乎愈倍于前日也  
李琮記節文 鄒平縣儒學明倫堂之北舊有崇  
經閣歷年旣久頽圯無遺所存者廢址而已景泰

鄒平縣志

卷之二 學宮

三

癸酉上黨顧瑄由國子生來知縣事下車首謁文  
廟詢知廢閣始末慨然有興作志遂謀之同寅各  
捐俸貲鳩工集材經始于明年之二月落成于七  
月其閣楹數如舊而壯麗高明則倍于昔教官蔡  
蘭李通恐久泯其事微言以記之

泮池在戟門南明萬曆十年知縣張書建邑人張一  
元記

張一元記節文 歲壬午十月邑大夫蒲源張公  
客遷於鄒鄒人士不薦於有司科四矣惟時文學

來安張君翼輩爲興學計質於公公乃割餘俸庀材鳩工卽戟門外鑿池形象瓊取泮之義池西南數十武爲井以供泮水又於櫺星門外隙地樹坊二左曰騰蛟右曰起鳳自癸未春三月始事凡再閱月訖工鄒之學制自是始大備焉一日公鳴鸞戾止飲酒在泮予竊獲與於環橋之觀於是多士問記於予予曰泮宮之宜有池非視古侯國制哉乃鄒寥寥數百年未有舉者舉之自張公始夫今之長人者率孳孳急程書卽民事疾苦若罔聞何

問逢掖乃遷客抑又興矣日吾其朝而稅車夕而秣馬吾之官旦暮耳一切米鹽雜運且去之若免安使之舉數百年之曠典哉公於鄒爲遷客鄒民一日得徼福於公惴惴焉不獲借寇以終惠吾民公獨不以旦暮遇其官慨然厚捐以佐逢掖之急俾數百年之曠典一朝舉之獲見其全則公之爲政可知矣

騰蛟坊 起鳳坊在櫺星門外東西萬曆己酉年知縣王黠修題東曰德配天地西曰道冠古今今俱廢



黃甲吉士坊在學西大街 青雲嘉賓坊在學東倉巷西則進士題名東則舉人題名萬曆九年知縣李瑞建

啟聖祠三間在崇經閣後

五賢祠先是有二賢祠祀漢伏生宋范文正公在戟門外明成化四年知縣李儒建正德元年知縣秦環改建學門迤東嘉靖二年知縣王瀛洲改建增入陳塾仙張臨周起扁曰五賢祠在學東南祠三間門一座前後俱植槐栢四十四年知縣甄有恒改建分爲

鄒平縣志

卷之二 學官

雷

名宦鄉賢二祠

提學副使陸欽詩 漢代經生宅范公丞相祠古  
今文在世憂樂志匡時野鵲下荒塚寒泉帶墨池  
觀風聊駐節仰止一興思

名宦祠三間在戟門外東祀元縣尹陳塾仙明知縣薛瑞李瑞張書翁愈祥

鄉賢祠三間在戟門外西祀漢伏勝宋范文仲淹周起元張臨明孫文澤張一亨張奇策成巳

張延登議曰鄒平學鄉賢祠中原祀漢伏生勝宋

參知政事范公仲淹諫議周公起元司業張公臨  
萬曆初益以主簿孫公文澤時月且紛紛吾祖疊  
翁封君謂中丞翁暨封祠部翁曰伏生范文正周  
諫議張長白何等人物吾百年後汝等不可入吾  
祠中竝坐使吾冤鬼不安也後中丞翁祠部翁每  
舉以謂登言猶在耳以是疊翁祖塲後絕不及鄉  
賢事天啟癸亥年余承乏大理少卿署縣印通判  
湖廣袁君子訓遂採通學之言舉祠部翁鄉賢余  
知之實不敢止夫祠部翁親受疊翁之言於膝下

鄒平縣志

卷之二

學宮

五

至熟矣且祠部翁與中丞翁難兄難弟先中丞翁  
入祠亦豈其志哉登觀今日海內各州縣鄉賢有  
祖孫父子兄弟同坐一堂者余竊非之又如范文  
正流寓山東幼讀書長白山中後登第有復姓表  
可據此公功業文章昭揭古今原籍吳下豈鄒平  
所得私耶併當議正者也

觀德亭卽射圃在學東明嘉靖二年知縣王瀛洲改  
建又創置射器若干門一座亭三間今廢  
教諭宅在明倫堂西 訓導宅二所在教諭宅南俱

明嘉靖九年知縣葉林修

學田八畝元元統二年邑人張臨記歲久爲人侵占無稽明嘉靖二十九年知縣劉格復置田三十餘畝邑人陳其蘊記其文湯斌惟碑陰尚可辨識

張臨記節文 鄒平縣有學無田積有年矣縣大夫賢者拘農家子弟製糧庠舍厚進束修以故農家父兄往往不願子弟受學至有訟于上府反爲賢大夫善名累春秋重禮闈縣士民鳩楮幣半饋于市俎豆邊爵陳陋儉薄不可責以如禮遇門廡

鄒平縣志

卷之二 學官

五

傾圮齋館蕪廢亦闈縣士民鳩楮幣爲木瓦之費以故草率苟且不務堅緻屢壞屢葺每修泮宮聞者戚然學校因之不與闈縣士民皆受不好善之譏學無田無所取費力欲興之難矣主簿淮陽楊侯禮律已以廉蒞政以勤徃役均平獄訟剖決自監縣長貳皆賢其爲人乃復竭力于教事不惟泮宮葺理欲得沃衍之地歸諸學校以爲講習資始楊侯署政欲爲泮宮南接城擇地二畝民屋之以居櫺星門外不容旋馬縣士周君恭知廣平路事

捐楮幣十定買入學醴泉鄉劉莊民宋炳自言匿  
逃地八畝有桑梁鄒鄉孫家鎮謝丘嫂逃亡鎮中  
宅一鎮北地一畝鄒平縣城中宅一今悉歸縣學  
聞周恭之風感于衆者必不但已也

劉格碑陰記節文 學原有田八畝先賢張臨記  
其來歷後更變年久其田遂爲人所侵占莫有訪  
求該學月課卷紙茶食或出於師或歛於生殊非  
事體欲爲訪古立田以處供億隨據伏生鄉二圖  
民景文恒景應會告爭五代前朝景丞相墓田租

鄒平縣志

卷之二 學宮

七

價斷令入官該田二十六畝二分一釐四毫申明  
院道撥入該學校租公用復慮前田租少不敷用  
度據坊廓鄉一圖致仕孫綺與親侄孫承教告爭  
祖分田一十七畝界段各相誣捏量情發落亦斷  
令所爭田入官同前田撥入該學收租本職捐俸  
一十六兩分給孫綺孫承教各八兩量補價值以  
杜日後侵賴釁端復慮文獻無徵事難垂遠請記  
於鄉進士陳其蘊伐石鐫鑿明倫堂之南 計開  
景文恒等入官田二十六畝二分二釐四毫坐落

碑樓庄迤西相公山之南東西一段六畝南北一段二十畝二分一釐四毫孫綺等地一十七畝坐落教場河北南北地一段以上二項田地俱派與硝礮則例輕糧合令佃地人承納

社學三一日在城社學在縣西一百二十步門一間房六間明正德元年知縣秦環建嘉靖十二年知縣葉林重修一日南關社學在興賢門外門一間房六間正德元年知縣秦環建一日東關社學在東岳廟左門一間房三間正德元年知縣秦環建今並廢

鄒平縣志

卷之二 學宮

天

伏生書院

見祀典

范文正公書院在縣西三十五里醴泉寺南明成化十六年知縣李興建

長白書院在縣東一十里明成化十八年知縣李興建中肖元處士張臨像祀之

邑人張延登長白先生祠記節文 鄒平邑南十里許層巒疊嶂亘綿如翠屏者長白山也志載元有張公臨者字慎與嘗讀書山中淹貫經史教授生徒千里負笈三徵不起稱長白先生云明興建

徵仕坊以旌之縣東七里相傳爲先生讀書故址  
成化間縣尹嵩縣李公卽其地建祠號長白書院  
至嘉靖丙辰龍岡馮公益爲增飾萬曆己卯朝議  
大撤天下書院先生祠宜在毀中余大父封公請  
于邑令豐海李公輸價留其地至歲戊子先君子  
中丞公乃形造正室三楹甃磚爲門昇舊像其中  
改稱曰長白先生祠規制比昔益宏壯矣延登日  
余小子生也晚聞見淺眇先生善言遺行掇羅無  
所表見唯元太史明善爲先尹完顏去思記內稱

與齊處士張臨善及閣楊廉夫鐵崖集鮑孝子志  
中載先生至元間由丘園官至祭酒狀元張夢臣  
中丞張朴大蔡張誠等皆先生門人之顯者又縣  
北地名河溝有先生爲其父阡表殘蝕不可辨全  
文內自云爲司業貳上庠僅半載足占廉夫之言  
非盡訛豈先生初年丁順帝星變改元徵薦儒臣  
不得已暫出後見世亂不可遂棄官歸堅卧不復  
起如晉陶靖節初爲彭澤令後仍稱處士者哉不  
然元太史與先生同時國初去元未久何稱處士

徵士里人高其義至今不忘也余一日登長白山  
五龍池上有三賢祠不知勦自何人中祀伏生范  
文正公并先生而三矣夫伏生口授遺經羽翼絕  
學希文流寓醴泉後相宋室厥功爛焉兩公者誠  
爲不朽先生遺榮歸塾授徒自樂不必著述乎文  
章聲施于竹帛而唯自甘澹靜恬讓處夷然托行  
隱君子之列焉百世之下聞風而俎豆之古稱太  
上立德豈其人與

祀典

先王之制天神地祇壇而不廟城隍之有廟也  
見於唐李陽冰之文其前無攷焉今則載之  
國典神所憑焉不敢議矣惟是山川之外復立  
東嶽其不爲季氏之旅乎若四月八日環四五  
邑之民畢聚于黃山祀碧霞元君則又不知何  
自始也一張一弛文武之道故前此之令長亦  
不得而禁之特著于斯以爲先簿正而已

每歲春秋二仲上下知縣躬率僚屬祭文廟至聖先  
師用羊一豕一四配用羊豕東西各一十哲用羊豕

東西各一敎聖祠名宦祠鄉賢祠用羊豕各一次則山川壇社稷壇城隍廟土地祠獄神祠馬神廟八蜡廟伏生祠范公祠各用羊一豕一皆於是月畢祭以上歲凡兩舉芒神則祀於立春之日歲凡一舉邑厲則祀於清明及孟秋之望孟冬之朔旗纛則祀於驚蟄端午霜降皆歲凡三舉

風雲雷雨境內山川共爲一壇舊在縣南門外神門四座神庫三間神厨三間牲房三間壇垣東西一十二丈五尺南北一十七丈五尺壇臺高三尺廣二丈五尺袤一丈五尺成化十六年知縣李興建嘉靖初徙黃山之巔規制如舊今唯存其臺而已

鄒平縣志

卷之二 禮典

三

社稷壇在縣西門外迤北神門四座神庫三間神厨三間牲房三間齋房三間壇垣東西一丈五尺南北一丈五尺壇臺高三尺五寸廣二丈五尺袤二丈五尺成化十六年知縣李興建今僅存臺基

邑厲壇在縣北門外迤西壇高二尺廣三丈一尺袤三丈一尺祭文碑一道碑亭一座垣門一座壇垣東西一十三丈三尺南北十三丈一尺成化十六年知



縣李興增建今圯

城隍廟在縣治東二百五十步明景泰元年知縣顧瑄建

土地祠在縣治儀門外東

獄神祠在獄舍內

馬神廟舊在馬厰今在北極廟前之右

八蜡廟在北極廟前之左

旗纛在演武場臺上祭之

伏生祠在縣北十八里其來已久元至順二年縣尹

鄒平縣志

卷之二

三

曹明叔重修禮部尚書張起巖記至正十五年縣尹陳堃仙建伏生書院吏部郎中焦榮祖記明正統十

四年知縣石璞等修副使彭勗記祠堂三間東西房

各三間前門一間碑記祭田二十七畝內地一畝前

地四畝後地四畝東地三畝西地十二畝節被僧民

侵占嘉靖二年巡撫山東都御史陳公按臨謁祠增

置祭田五十三畝四分共田八十畝四分以備春秋

二祭并修葺祠宇嘉靖九年知縣葉林重修自爲記

今書院廢

順治十七年知縣徐

題

曰伏夫子廟

旁置講堂三間名曰

人堂

張起巖記 秦焚滅經籍欲愚黔首黔首固未  
可愚祇自愚以速滅亡而經籍之在人心者如日  
月之揭乎天固亦不可得而滅也噫秦灰已冷漢  
業聿新孰謂禍難散亡之餘而有伏生歸然久存  
獨能壽遺經於胸臆以傳來學而新生民之耳目  
哉是蓋天相斯人畀之以九十之年而其所以托  
之者有在也濟南鄒平縣泊東北十餘里號伏生  
鄉伏生之墓在焉卽墓所有祠歲久弊漏縣尹大  
寧曹明叔視事之歲躬拜祠下顧瞻徘徊瞻先賢

之所藏仰遺像之有託慨然興懷營修完飾輪奐  
一新率邑人士與凡在官者具牲醴以祀復專其  
子獻來請曰願有述起巖緬惟先生之有功於斯  
文天下所共知後世論次其功贈乘氏伯號曰大  
儒從享孔廟天下通祀惟鄒平以其鄉獲私展其  
敬旣列祠縣學又卽基建祠其趨向可知也今曹  
尹復能崇墓葺祠俾邑人益知有以景行前哲而  
進于學于以化民成俗是真能舉其職矣起巖濟  
陞也聞其請故不敢辭旣書其事因附所見俾來

者有攷仍繫以銘按漢儒林傳伏生名勝爲秦博士  
辭藏書以避禁兵後亡數十篇獨以二十九篇  
教于齊魯文帝欲召時已年九十餘老不能行詔  
掌故晁錯往受之衛宏云伏生老不能正言言不  
可曉使其女傳言教錯孔安國書序但云失其本  
經口以傳授藝文志尚書二十九卷乃其所受者  
漢儒謂之今文隋經籍志乃云伏生口傳二十八  
篇作書傳四十一篇以授同郡張生張生授千乘  
歐陽生歐陽生授兒寬寬授歐陽之子世傳至魯

孫高謂之歐陽學又張生傳夏侯尉有大小夏  
侯學宋葉夢得以書出伏生者二十三篇傳歐陽  
歛崇文德目尚書大傳三卷爲伏勝撰晁氏以爲  
勝終之後歐陽生張生各誦所聞特撰大義名之  
曰傳其說互有不同要之今文尚書出于伏生者  
則一也先生爲秦博士秦坑儒無所施其學其學  
至漢始傳然則先生之學旣施于漢而名以顯於  
後世故余不繫之秦而繫之漢題曰漢濟南伏先  
生祠碑云銘曰於維先生始焉其屯終焉則亨獨

抱遺經以淑後人以慰幽貞行法俟命天錫老年  
庸待治平竟以所授列于學宮其道大明書以人  
傳人以書顯垂萬世名稱古之力斯文與俱茲不  
日崇後祀孔廟備于案區用不敬承矧茲梁鄒鄉  
耆儒在彌世作程沉沉玄扁體魄斯安祠以妥靈  
茂宰尚賢有壞必葺適觀厥成于鄉于學祀享相  
望觀千百於寄碑有銘教之弦歌用侑爾牲

集身相伏生書院記節文 鄒平北十五里故濟  
南城東先生墓在焉編聖五年縣尉李泮會誌尚

在旁有道士墓縣志王君命從之天曆間鄉耆修  
葺祠堂設像于中得張起鵬文刻諸石繼而主簿  
楊溫構講堂四楹及東西齋既完趨進奉施地以  
建書院山東憲司命總府治中李公詢其實具以  
聞省都長之主以山長每朔望率里中長少會集  
祠下恭奉祀事諸生執經問難濟濟可見孔泮忝  
列宜聖五十三代孫首席是任嘗懼教育未至衆  
議勸堅珉紀書院之所因以文爲誦直書如右且  
書祭出于碑陰

彭勗記節文 伏生墳祠在古濟南城之東今鄒平縣治之北二十里背小清河面長白山久爲大賢棲神之域奈經兵火墳夷祠毀正統己巳冬勗承上命按察山東過詢故老特發慨嘆縣官石璞羅政錢鎮躬督力役崇其墳而垣之義民蘇景綱拍貲市財構其祠而像之旁復一戶俾視守之春秋官吏師生秩而祀之越三年景泰壬申勗載過謁覩其完美不勝欣豫遂書其興復之由畀刻諸石

提學僉事施閏章記 六經自大易外尚書最久遠其所載二帝三王政治得失之林最詳鉅秦棄書籍壞先王之法懼諸儒生引古帝王得失相議論切切焉務磨滅無遺者宜莫先尚書而齊伏生以一人晦跡終老年九十餘卒以腹記口授傳其書萬世嗟乎初伏生以書授生徒其坑者不知凡幾伏生以博士得免幸也然人之童時誦習老不能舉其辭者衆矣嚮使漢文帝不詔求尚書求矣而伏生不待或老眊荒忽不復記憶或又言語迷

越無人焉能辨而傳述之則是書終亡也而上有  
其君生又有其年竊意且死能舉其魄以授幼女  
女能述其辭以授龜鑽豈非天哉鄒平縣北十八  
里有伏生祠其墓在焉蓋伏生故里宋新蔡氏伯  
有司修祀惟謹歷年既久祠廢廢更亦不觀至今  
今者徐君甫受事詣祠行禮即率諸生新之余至  
是其像備肩豐額垂流垂髮如古侯王幼女及龜  
鑽皆侍側壁上書當日授書狀如平生余不禁愾  
乎其悲愴乎其悲也特請生數十輩皆治尚書余

鄒平縣志

卷之二

三

告曰爾諸生生子是猶謂是書亦知先生傳之之  
難天之意遠一老之書平書實祖豆以時曾禮俾  
異日通達政事請生書也諸生皆拜受教已又拜  
請曰是祠也書長矣跡久矣今徐侯之必將必先  
新之必以其力也且惠邀先生之流止也其何忍  
無以詔來者余既感伏生之事嘉徐君之義而益  
以見伏生之教思與世無窮也故既為詩歌又詳  
次其事為之記

又詩 祖龍烈燄燔天地斷簡殘編盡劫棄諸儒

白骨成山丘倉頡史籀夜垂淚上蔡李斯甘罪首  
忍使萬古斯文墜天遺一老在人間火燃不到骨  
中宇須臾赤帝重瞳來阿房一炬咸陽灰表章經  
學漢文出詔求蝌蚪驅陰靈是時先生老且病以  
口代手瀉濛開五十八篇尚書備配享立廟何崔  
巍我來再拜心徬徨側身涕淚沾衣裳避秦博士  
窮獨叟姚虞三代今未亡龐眉碧眼冕服古丹青  
滿壁生光芒有女被繡珥明璫受書晁令拱其旁  
豐碑古篆不可詳諸生俎豆歌樂章靈旗髣髴來

鄒平縣志

卷之二

祀典

節天

朔翔

儒學教授焦芳聲伏夫子廟記 鄒平之北十八  
里有冢巋然冢前有室三楹載在祀典有司以春  
秋致祭者漢濟南伏生祠也顏夏喪亂祠宇榛蕪  
太倉徐候來令茲邑始親詣祭喟然歎曰暴秦燔  
滅經籍漢興以來典謨泯沒至伏生以耄期之年  
口授尚書俾帝王之大典得傳於後世其功不在  
思孟下茲其所生之里宅兆憑焉而猶循儒林列  
傳之文僅以生名於禮未稱依宋儒周程張朱之

例改題曰伏夫子廟立之牌額墓上樹以松栢墓後藝以桃李設公館於其旁以爲祭時與諸生講學之所名曰敷文堂而伏夫子之廟貌煥然一新邑之人士夫亦愈知學矣於以表章先哲興起斯文其功又不在伏夫子後也芳聲泰司教鐸躬逢盛事因爲記以饒諸石用告來者俾守之勿壞云

徐侯名政壬午舉人

芳聲又讀舊志云伏生墓之右九濟南城卽漢郡遺趾其

實非也按漢濟南卽治在東平陵縣今歷城東七十里平陵廢城是矣而墓側之濟南則隋開皇所置之縣名也漢書稱濟南伏生舉郡署縣史有此法然今墓所在漢時亦不屬鄒平意伏生非梁

### 鄒平縣志

### 卷之二

祀典

灸

鄒人則於陵人矣

范文正公祠在縣西南三十里醴泉寺南元大德庚子工部郎中賈棊建於寺東南進士魯昌祖記明成化中義士耿煥重建正德三年按察司副使王哲命知縣秦環改建於今處祠堂三間後廳五間又買祭田二十四畝其後耿煥之子鸞又置祭田五十三畝十五年監察御史熊相增祭田七十六畝自爲記嘉靖十一年按察司僉事王賜命縣丞劉士達修葺後廳左右置兩書房又修遊年所貯祭田穀若干石買



僧地一隅起造倉房三間貯所收穀麥以備祭需萬曆年戶部郎王之垣重修少師兼太子太師吏部尚書中極殿大學士申時行記

魯昌祖記節文 邑西南一舍許山之阿有公讀書堂上下二所在焉上書堂公嘗誦讀于此更名其山爲黷堂嶺徑北十里許會仙峯之巖公之讀書堂遺龕在焉工部郎中賈侯莊在茲山之下仰公之德欲創建祠堂于山之麓出楮三千貫文縣尹石侯縣丞成君主簿丘君典史王國昌君同心

協助於少北一里許醴泉寺之巽隅經始于大德庚子八月至辛丑四月落成

張起巖記 有際天人之學斯可以服天下之望有擴宇宙之量斯可以成天下之務有堅金石之操斯可以任天下之重隆然燁然震耀于世者則文正范公其人也夫大聖大賢必曠世而一見天之降才不偶如此唐虞之盛邈矣孔子之聖而不能得時以行其道三代以來惟伊尹周公之道能施於用下此則子房之於漢祖不屑盡其用孔明

之於漢室不克盡其用魏鄭公裴晉公之於唐粗  
兒於用而公於宋慶曆皇祐之間雖用之而猶未  
完也然而公之精忠大節正言直氣固已昭三光  
而徹兩儀亘千萬年□然猶在□非學際天人量  
擴宇宙操堅金石者其曷能與於此公諱仲淹字  
希文范氏世爲蘇州人蚤歲讀書長白山祠于山  
之醴泉寺舊矣惟公功業在世名聲在人與天地  
同不朽固無待乎祠而存而祠之屢壞屢葺閱歷  
世如一日有以驗人之慕公之深而其講學之地

來遊來歌者慨其風烈有以興起則是祠也於名  
教風勵甚大尚論公之平昔俾來者有所法公勤  
茹淡篤行力學堅強刻勵壁立□載信道不屈守  
職敢言屢貶屢復蹇蹇益勵絕迹凡近宅心高明  
窮達無間始終一致其操其學爲如何嘗條政務  
至萬餘言迨其得位舉見於用立朝奏陳皆可垂  
憲崇化厚俗敦尚風義救荒惠貧所部晏然出帥  
西師夷夏聳服西羌來歸卒臣元昊及參大政清  
一明黜陟抑僥倖精貢舉擇守宰均公田厚農桑修

武備均徭役釋逋口重命令更蔭補之法嚴監司  
之選皆經國遠圖嘗自誦曰士當先天下之憂而  
憂後天下之樂而樂其自任以天下之重而力於  
成天下之務者爲如何公輕財好施尤厚宗族恩  
例俸賜常均及之置義田宅聚族以給在邊恩賚  
皆以上意分賜諸將坐呂相貶公其再起懽然相  
約戮力平賊其量爲如何民饗公利以范爲姓公  
所履歷民口立祠中國外夷莫不喜稱公之姓字  
而樂道其善夏師之擾口輔掙動聞其出鎮人心

遂安夏人謂公腹中有甲兵數萬至有破膽之譏  
仁宗聞其往援定川喜曰吾固知范某可用也及  
登政府一以太平期之降手詔開天章閣賜坐趣  
條具天下事天下之人視其去留以驗治否其所  
仕于宋而其人品器量風節則偉矣三代之臣也  
宋儒言本朝人物以公爲第一蓋確論之不可易  
者起巖濟西晚生東瞻長白山不遠五舍逕拜祠  
下惕然興懷旣條其蹟復繫以辭俾歌以祀公其

陸曰繁真才之間出兮羌兩儀之效靈在地則爲  
山岳兮在天則爲列星膺半千之名世兮必與運  
之是丁開一王之盛治兮示四海之儀刑復隆古  
之秦道兮措羣生于救寧惟公之生允無愧於是  
兮固已揭日月而奮雷霆績效著於人心兮口金  
石之勒銘咸望振於外夷兮忠赤簡於大廷不希  
世以詭隨兮惟大猷之是經上方執於三代兮下  
垂譽於千齡沒而凜乎不亡兮功烈貫乎汗青復  
元氣于太虛兮佐玄造于冥冥尚歛福以錫民兮

鄒平縣志

卷之二

祀典

三

驅疫厲而殄蝗螟瞻故山之陳迹兮鑒醴泉之清  
泠俯岫幌兮款巖扃息風馬兮駐雲輶薦松醪之  
醲郁兮擷埜藪之芳馨仰精爽之來下兮庶肅然  
之一聆儼鄙頑與貪懦兮將如寤而如醒恍神遊  
之無方兮盼荒祠而涕零耿英靈之如在兮齊長  
白之高崇

熊相祭田記節文

鄒平之西南有醴泉寺宋范

文正公依毋于長山時讀書之所也長山去寺特  
數十里寺在長白鳳凰會仙三山之間近寺西有

醴泉昔人鑿爲井而以覆之寺是以名而祠堂因之也祠堂正德戊辰重修於憲使王君哲祭田二十四畝亦其所買其七十六畝則增于余與僉憲黃君昭道計豐年之所入當得粟八十斛丞嘗之外以葺祠宇亦足矣鄉之人引禮耿鸞能任其事承命王君先有成效故今亦命之王君東吳人黃君岳州人予爲台學熊相江西瑞州人特爲巡按山東御史所之所在與其事者則載之碑陰申時行記 濟南之屬邑鄒平治中有山隆然負

陽而抱陰綿亘聳拔于兩山之間者長白山也山之前有溪淵然而渟泓其左有泉潄然而湧出藜沐蔚蒼枕山而帶溪者醴泉寺也去寺不數武廟宇巋然言言真真肖像而俎豆其中者宋范文正公祠也蓋聞父老言公自吳中從母之長山讀書山中嘗見白鼠探其穴得金不取去之以告守僧僧得金遂拓其寺公仕宋爲名臣稱百代殊絕人物而茲山其藏修之地人所景行而仰止斯寺所以存而祠所繇建也祠創于至元間歲久蕪廢

正德中憲副王君哲重建于寺之南南向益以祭  
田距今垂百年矣漂搖摧剝浸失舊觀于是戶部  
郎新城王君昆季以嘗讀書其中乃率其子弟及  
鄉之人倡義修葺而鄒平令王侯點章丘令游侯  
漢龍各出資佐之殿堂門廡黝堊丹漆咸復其故  
以某月日興事某月日訖工戶部君以使事來吳  
屬余記余按宋史公風節在朝廷威名在疆圉循  
良之政在郡國仁恩義澤在其鄉里與族之人而  
其經世大指曰先天下而憂後天下而樂公之希

古聖賢身任天下之重者以此然天聖慶曆之間  
公嘗進百官圖對天章閣經客西夏所爲振恥扶  
敝規政之闕矢折衝禦侮于行間蓋蒿日怵心深  
思而極慮憂未嘗一日釋于懷而公執政無何再  
遭貶謫朋黨之論遂起方召用而捐館舍香山綠  
野之致茫乎無聞則公所謂樂者固未嘗一日目  
覩之而身遭之也古之大臣肩鴻鉅而歷險艱能  
必之已而不能必之天類如此雖然秉彜好德之  
心不待生而存不隨死而亡不以更世易代而淪

沒公逝且數百年而純忠大節崇德茂勲能使山  
陬海澨衿紳襍禛之倫家誼而里誦卽蘧廬暫寄  
吾伊佔畢之區方且慕循其跡想見其風采顧瞻  
祠宇低回而不能去蓋金石可銷陵谷可徙而公  
名不可滅名者造物之所寶也限公以一時有涯  
之樂而昇公以百世無涯之名所謂天篤之者非  
耶公所至有祠幾滿天下而此則齊魯之鄉古所  
稱爛于文學斌斌質行者將無有聞公之風而起  
紹明其學術而興建事功庶幾先憂後樂之遺範

鄒平縣志

卷之二

祀典

聖

者乎是公之功德奕世而彌光也夫酬德而報功  
者祠也公之祠與溪山而並永也固宜

提學副使陸軾詩 寺門煙霧藤蘿障丞相祠堂  
松檜開地湧靈泉千澗落僧傳香火百年來調羹  
業著留青史洗墨池空長碧苔夜靜孤峯明月上  
鐘聲偏到讀書臺

長山李士翱詩 丞相騎箕天上去巍巍遺廟枕  
河陰堦前草木空榮悴門外溪山自古今十事規  
模宗社計一生忠孝聖賢心人才百代真殊絕仰

止高風爲正襟

邑人劉光澤詩 范公出處今遺像霽日微風古  
殿開花色香隨簷外落泉聲響近座中來書堂隔  
樹啼黃鳥碑石經年半綠苔憂樂無端從世改興  
亡幾載只空臺

其不在祀典而邑人祠之者東嶽廟在東關明成化  
十三年知縣劉鑑建

邑人張延登重修東嶽廟記 鄒平之有東嶽廟

自金明昌六年始其沿脩可考者國朝在成化則

鄒平縣志

卷之二 祀典

哭

有羅山劉侯之碑在萬曆則有宣城許侯之碑皆  
俚淺僅識年月邑人孫君少泉碑頗雅可讀又專  
爲祭田而作廟之興革不詳也廟故弘麗年久圯  
壞四周堧垣多爲居民鄰侵無賴擄蒲日穴藏其  
中明神不歆戊午秋遂付於祝融燹毀且盡矣邑  
父老陳增宋紹儒等虔心發願首謀於余求所以  
新之者余首肯增等遂於癸亥春擇日鳩工殿廡  
臺門剏者什九因者什一殿後偃小復市地晦餘  
建道室四程翼以兩廂爲羽流焚誦祝釐之所



靡金錢八十萬餘咸取於施者凡五年落成廟貌  
巍然闕血如也非神之靈能臻此乎增等於是攻  
他山之石復謀於余永所以記之者余曰上應乎  
天下稽之地中協之民是役也三物具焉衆曰何  
謂天何謂地何謂民余曰秦岱萬物始生五嶽之  
長於時屬春於行屬木古帝王受命告成東諸侯  
實主焉攷神異經稱岱神爲金甌氏有功在長白  
山中長白政吾邑之鎮也夫觸石而出膚寸而合  
不崇朝而雨天下而况近在懷抱之間者乎祭法

有功於民則祀之故以祈年而報本天之道莫大  
乎此矣邑巽維長白之裔名曰黃山狀如行空天  
馬邑城枕焉廟之址實迎其脉上映奎壁而位蒼  
龍則文明之象也遠市在宇絃歌址屋地靈人傑  
譽髦斯士將有蟬聯而起者乎以降賢而興文地  
之理莫大於此矣凡人之情不觸不感不感不畏  
按塵外記東帝爲大司命以隸天上人間罪福其  
諸司命三十五所取爲胙蠻凡人禳禱爭訟質辯  
朝以告而夕聽命廩廩臨之在上卽甚頑無敢譎

誌置辭者虛誠倍於真罰易稱神道設教豈候微  
發期會哉以戡志而防滯民之事莫大於此矣夫  
濬防則裏不偷文與則隱不匿本報則心不惑不  
忒仁也不匿知也不偷禮也本之以仁出之以知  
歸之以禮君子維風調俗之善經也故曰三物具  
焉於是衆共唯唯稱善而退余復繫之銘以垂不  
朽詞曰於天之道東仁而首昭回法象嶽鎮維久  
寧區保大生育九有明禋嘉薦玄功不朽震方置  
位日觀開場五嶽攸宗秩比侯王矧茲長白神所

翱翔猶之懷抱俎豆一堂小清後繞黃山前峙俯  
瞰千家環帶百里山邑窺牕溪聲入耳鐘竒毓秀  
才賢鬱起神之來兮雲車軒軒肩隨東華膝擁炳  
靈龍輻虎箱縱橫空明陶陶娛舞瑤觥歡迎九風  
十雨川原若沐耕耨方殷來牟大熟我鄒四民時  
樂人足貞珉不崩攸同萬福

北極廟在北關 三官廟在西關郭門上 關帝廟  
在城外西北隅知縣歲時以羊豕祭又一所在城內  
東北隅其餘鄉村亦多有之 奎星祠舊在西關外

郭門上明萬曆三十一年知縣王紹徽建崇禎十二年移於城東南角樓 文昌祠在東關郭門上嘉靖九年知縣葉林建 龍王廟在南關 石大夫祠在城外東北隅 長白山中有石俗稱爲石大夫病者禱焉 舊志有義祠在縣西四百五十步 祀鄉民之有行誼者嘉靖十一年巡撫都御史袁宗儒檄各州縣建今廢

鄒平縣志卷之三

吳郡徐政聖齊父輯

戶口

先王之重民也至矣故祭有司民之星而王拜  
兆民之數自秦罷侯置守而其制猶存蕭相入  
關首收圖籍郡國戶口先上太史歷代因之名  
爲版籍其猶古之遺意也以迄輓世人習具文  
冊仍舊貫不過書役抄騰里胥科斂之事而已  
安得有戶口之實數乎天下皆然今仍舊例書

鄒平縣志

卷之三

戶口

之

舊志嘉靖年

戶八千二百三十五

男子四萬五

千七百八十三

婦女二萬二千六百四十七

人丁舊志無載

萬曆三十七年原額人丁二萬八

百六十八內除逃丁一千七百九十一實當人丁一

萬九千七十七內有地人丁一萬六千一百一十四

按地之多少分別等第五則起派外無地人丁二千

九百六十三每丁派徵銀二錢五分

新刻賦役全書開載

萬曆年間人丁一萬九千五

百五十六崇禎年間人丁一萬九千八百三十二今  
依崇禎年額內順治四年奉文除豁逃亡人丁一萬  
一百三十八續於順治十一年清出新增人丁一千  
八十六見在人丁一萬七百八十內除鄉紳舉貢生  
員優免人丁一千二百一十五實在當差人丁九千  
五百六十五十二年分新增人丁二百一十一  
十四年分新增人丁一百四十七以上通共見在  
人丁一萬一千一百三十八每丁一例徵銀二錢七  
分內實在當差丁共徵銀二千五百八十二兩五錢  
鄒平縣志

卷之三 戶口

二

五分新增人丁共徵銀九十六兩六錢六分各入則  
例各隨田賦條鞭徵輸

按萬曆年間則例人丁分別金木水火土五則起  
科每丁原徵銀二錢五分凡有地五十畝者爲土  
字丁加銀五分地至一頃五十畝者爲火字丁加  
銀一錢地至三頃者爲水字丁加銀一錢五分地  
至五頃者爲木字丁加銀二錢地至七頃者爲金  
字丁加銀二錢五分連原徵科銀五錢爲率此則  
權輕重於貧富之間寓丁力於地畝之內其法良

便今一例科徵固屬均平但單丁與田多之家並驅而役寧不償事耶以故並載前例以俟後賢參酌

土貢

任土作貢昉自唐虞今之所謂貢者不過派於地畝之中折銀支解而已邑例舊有土貢今仍志之

唐杜氏通典淄川郡貢防風五十斤進理石五斤

宋文獻通考淄川郡貢綾防風長理石此一郡之貢而鄒平亦在

鄒平縣志

卷之三

三

其中

舊志本縣貢羊皮二百九十張

田賦

昔人有言撫字心勞催科政拙今之官山東者無不苦于催科而鄒平尤甚則以其稅常逋而又重以新增荒地之糧未開尺寸之土坐派銀五千餘兩民焉得不困官焉得不累乎今日者咨嗟動於繡衣讜直敷於

當宁是可以陳于薦之歌而賦小東之什者拯民水

火實與此邦之人日夜望之

田地

舊志嘉靖十二年本縣官民地六千二百五頃四十三畝一分四釐

山東觀風便覽本縣原額田六千二百一十九頃一十九畝三分八釐一毫萬曆九年丈量共田六千四百九十六頃二十九畝八分一釐九毫

新刻賦役全書原額萬曆年間清丈過四等地六千五百二十六頃三十畝八分六釐七毫至崇禎年間

鄒平縣志

卷之三

四

三等地六千二百六十一頃三十六畝三分二釐七毫九絲一忽比照萬曆年間少額地二百六十四頃九十四畝五分三釐九毫有崇禎十六年印刻則例為憑今以此為額內于順治四年奉撫院丁諱文盛題

豁地一千二百九十三頃二十三畝三分九釐三毫八絲順治九年奉撫院夏諱玉題豁復荒地一千二百

九十一頃二十九畝一分八釐七毫順治十年奉文清丈勘報開墾地五百八十六頃九十一畝七分七

釐一毫此項于十一年奉司編入成熟地內實在地四千二百六十

三頃七十五畝五分一釐八毫一絲一忽內上地二千二百九十頃四十二畝四分一釐九毫一絲八忽中地八百一十三頃六十四畝六分七釐八毫五絲五忽下地一千一百五十九頃六十八畝四分二釐三絲八忽

新增地畝數

順治十年興屯奉委屯廳臨縣按原荒地三分之一坐報無主荒地四百三十頃六畝六分三釐六

毫內本年派徵穀草地二百一頃其餘二百二十九頃六畝零至十一年並徵屯租未經給領屯

鄒平縣志 卷之三

五

本 十一年興屯奉委屯廳臨縣又報無主荒地

二十九頃九十五畝未領屯本當年派徵屯租穀草 十二年興

屯奉委屯廳臨縣報無主荒地三十五頃 又報

有主復荒地三百一頃九十畝未領屯本當年並徵屯租穀草

以上三年四次共報無主荒地七百九十六頃九十一畝六分三釐六毫概未給領屯本至順治十二年

分共徵租地六百一十一畝六分三釐計徵屯穀三千二百四十五石一畝六分三釐

奉調二分實徵數內除解木色軍需外餘改變價折納解部後因屯長通逃荒戶無徵終難清勢

止存未派租地一百八十六頃九十畝至十三年分起分別上中下三等照依大糧編入由單一體派徵本折

糧編入由單一體派徵本折



順治十二年又奉巡道清丈認墾地四百二頃四

十七畝四分一釐六毫

本年起科下地名為新地銀至十三年分起連前興

屯地畝通共派徵新屯地銀五千五百餘兩每年連欠難清

十四年奉文報

墾地五十四畝一分又查出欺隱地三十八畝

五分八釐二毫十五年奉巡道行報自首地一

十頃五十七畝三分五釐五絲又報勸墾地一

十頃六十畝五分八釐五毫五絲十七年分起科

等地俱入新屯地項下起徵大糧附入全書由單後

順治十六年冬奉

鄒平縣志

卷之三

旨差山東道監察御史陳

諱

清查通省地畝本縣知

縣徐政奉丈清見上中下三等成熟並招墾自首

等地共五千五百一十九頃九十四畝七分八釐

三毫四絲三忽內有丈出溢地及小清河身成地

共一百一十一頃八十五畝三釐三毫五絲除抵

下地內缺額地七十七頃一十八畝四分三釐八

毫一絲八忽外尚溢地三十四頃六十六畝五分

九釐五毫三絲二忽現行續請院臺抵補包荒

屯額又查丈見額內下等項下有成糧荒地五百

五十五頃一十三畝二分七釐六絲八忽即係招墾額地如以此提入荒數恐碍成額若收入成熟又恐荒熟混淆姑且另列本等款下書明成糧荒地以別源委今諸生程電馭等所控包荒地畝即屬此項已詳 巡道轉請 院臺求豁候奪  
丈存無主荒地七百四十一頃四十一畝五分四釐四毫四絲八忽

學田四十三畝二分

坐落 鄉

公占地三頃六十九畝一分四釐六絲內伏生祠

鄒平縣志

卷之三

七

祭田九十九畝三分四釐

坐落伏十里李家莊 范文正公祭

田一頃五十六畝五分八釐七毫

坐落禮一里化莊有

孤山 莊 餘係教場義塚等類

額外荒田八十四頃一十八畝七分七釐一毫內  
成熟地三十二頃二十二畝六分七釐每畝例徵  
銀三分解 部拋荒地五十一頃九十六畝一分  
一毫

請蠲坐報開荒屯糧詳文

濟南府鄒平縣為包荒之苦累難堪等事蒙 本

府糧儲通判薛 信稟蒙

欽差分巡濟南道山東按察司副使楊 憲稟蒙  
欽差察荒監察御史陳 批據鄒平縣生員程電馭  
等呈前事呈稱竊炤興屯以厚民生以裕

國課察荒以清冒派以釐虛加皆各載在

勅旨甚盛典也惟是鄒平縣於順治十年十一年十  
二年十三年捏報興屯地四百九十五頃五十一  
畝零而接年正當水旱蟲災民力匱竭已極成熟  
之區尚不能耕惟正之供亦不能納原未有餘力

鄒平縣志

卷之三

八

以開墾荒蕪實實分毫屯本未願實實尺寸地畝  
未開順治十年十一年十二年十三年以來俱在  
成熟地內接年賠納穀草屯糧順治十三年派徵  
大糧數猶另曆催徵至順治十四年則全併入大  
糧曆內積欠難完據按虛加荒地四百九十五頃  
五十一畝零內分三等地炤徵糧則例每年賠納  
糧銀二千三百七十餘兩漕米三百六十餘石歲  
月益深數日益廣日積月累子遺之皮骨俱銷公  
家之賦稅逾欠撫字催利兩處其難官府窮黎同

歸于病陷累無涯敲朴堪憫闔縣方圖呼籲請命  
乃值本省 察荒察院李 尚未竟事奉

召還朝今見河南 察荒察院李 疏稱洛陽縣未  
墾荒地一百二十四頃零又虛加包賠地三百一  
十二頃零孟津縣未墾荒地一十一頃零又虛加  
包賠地四十九頃零嵩縣未墾荒地三十五頃零  
魯山縣未墾荒地一十四頃零淇縣未墾荒地二  
十二頃零逃亡復荒地二十頃零題明除豁訖又  
一疏稱據輝縣生員常鍾秀等呈控包荒之害事  
鄒平縣志 卷之三 九

行道路勘該縣當水旱之餘實將行糧地內復荒  
一千四十五頃零除豁又河南 撫院賈 會稿  
具題豁除部覆奉

旨依議爲此比例陳請今逢 太宗師福耀臨蒞二  
東興利除害惠政覃被伏望速爲具題豁虛冒疾  
痛之苦拯殘黎水火之災誠謀國之大端固本之  
至計也叩天上呈等情呈准蒙批是否有例濟巡  
道確察報批行到道轉行到廳備牌抄詞仰縣蒙  
經行委六鄉耆民老人查勘去後隨據耆民霍三

畏等老人李志心等呈為查明興屯地畝據實田  
報事回稱畏等奉委隨查得各里興屯荒地于順  
治十等年報墾地七百九十六頃九十一畝六分  
三釐六毫十二年清丈報墾有主荒地四百二頃  
四十七畝四分一釐六毫逐一清查除已墾成熟  
外今丈出賸糧實未開墾原荒地三百一十六頃  
七畝三分七釐荒蕪日久難以墾種各有勘報實  
荒地數花名四至坐落處所具冊回覆到縣據此  
該本縣知縣徐政看得任土作貢庶民之職乃所

鄒平縣志

卷之三

十

以酬

國恩也前項興屯之舉豈徒益

國計原以阜民財如奉行得善上下寧不咸利焉冊  
查順治十年至十二年興屯報墾上中下三等地  
七百九十六頃九十一畝六分三釐六毫十二年  
清丈報墾下地四百二頃四十七畝四分一釐六  
毫二項共地一千一百九十九頃三十九畝五釐  
二毫維時召給屯本而資助之初止徵穀草至三  
年後成糧用寬政而招揀之俾其樂于趨承宜無

下閩之士矣惟此民之不願承領屯水者先亦並  
慮地之難墾矣。之之功甫奏而士民之訟經承  
訟里書憲詞叠出初猶謂其私以撓追徵穀草  
令徭拖欠科徵屯銀歷歲懸逋改編大糧逋欠如  
故當年之屯長屯頭或難或逃現今里甲無不疾  
首特至先後兩令積逋案內叅及者大半為此新  
屯也畢職十四年季夏接徵始亦但知按冊追徵  
不知從前奉行本末至後追呼不應歷詢紳衿里  
鄰者得述先年當事者欲速其成意揣里書必過隱

匿之樂集于公所示以利害休以峻刑止憑里書  
一手寫成以報委無履地開弓亦家何戶取贖閱  
邑之議若出一口畢職迨奉清丈翻閱其冊有戶  
有田傳載坐落口至非不井然可觀但按冊徵求  
有是莊而無是地是此戶而非其田欲求地戶相  
符者十無一二其流弊可勝言哉洵乎提報二字  
未為誣也然而根本既紊涇渭難分荒者混熟熟  
者混荒黠者欺調愚者包賄富者累貧貧者受  
民之化離國苦未自甚于此者恒慮其害未

止恭逢 憲臺奉

命察荒一蒙騰黃

勅書頒至 卑職 奉騰遍布士民湧觀讀至興屯地畝

有因該管官加派冒功虛增畝數者悉與釐正將  
虛加者除去丈出者增入等語人皆手額稱慶歡  
聲沸騰以是通庠子衿程電駟等具陳疾苦援引  
豫省已成之例願于 憲恩蒙批查例蚤已洞鑿  
此方興屯之害矣 卑職 既當清丈之會敢不仰體  
憲衷出斯民于湯火而登衽席極其致慎加意

鄒平縣志

卷之三

十一

清釐檢查呈內開稱捏報興屯地四百九十五頃  
五十一畝零較之原報甫及四分之一此必荒中  
更荒包賠猶甚者也隨委現今管丈六鄉耆民公  
同老人分頭查勘除稍可開墾及荒熟不時量可  
償糧者概不敘造外勘出實未開墾原荒地二百  
一十六頃七畝八分七釐委係報墾以來歷歲包  
賠民不堪命大都乘除之例有陞有除今計此清  
丈百計搜尋通其丈出上中等地一百一十一頃  
八十八畝四分九釐六毫二忽先已除抵招墾缺

額下地七十八頃二十一畝七分六釐三毫一絲  
三忽止存溢地三十三頃六十六畝七分三釐二  
毫八絲九忽僅抵十分之一然乘除之主出戶  
憲裁應否儘此先抵非下吏之敢于置喙者其餘  
欠補之數頗多尋抵計窮議豁非易至伏查除豁  
事例就本省本邑言之於順治四年除豁荒亡九  
年又除復荒此已往之成例也今伏釋院臺暨  
憲臺勅書均有開載于例昭合此奉現行之例  
也以豫省言之早職越省雖未敢移查例之有無

鄒平縣志

卷之三

十三

第前曾見有部抄諸生之援引委非虛謬但關豁  
除成糧招墾地畝重事尤非下吏之敢擅議者也  
緣于奉憲行查豁荒是否有例事理行據耆老勘  
確造冊具繳前來相應據實請詳乞祈憲臺睿  
裁俯賜核奏倘蒙邀例請豁庶  
國無虛懸之賦民免貽累之虞上廣

皇仁下蘇民困造福豈淺鮮哉等因具詳蒙分巡濟  
南道山東按察司副使楊諱轉詳荒院該本道  
看得程電馭包荒一案據原呈四百九十五頃五



十一畝零行據該廳轉行該縣查明除陸續開墾外實存荒地三百一十六頃七畝八分七釐此皆當日興屯不善按畝虛加之數以致歷年包賠貽累久遠無怪電馭等之嗷嗷鳴控也遵查該縣地畝丈量清楚尚有溢額地三十三頃六十六畝七分三釐二毫八絲九忽似應抵補其餘荒地三百八十二頃四十一畝一分四釐懇乞 憲臺爲民請命特疏題瀾使民無包賠之累官免考成之罰造福豈有涯哉鄒平之民且世世歌頌高厚不忘

鄒平縣志

卷之三

古

矣伏候 憲裁 順治十七年四月 日

附朱都憲胡掌科因旱陳言二疏

都察院協理院事左副都御史 臣朱國弼

題爲請

勅新按速察兩省包租之累以甦窮黎以回

天變事 臣惟人當勞苦倦極不呼父母則呼

天誠以

天者人之所從出也凡人一念精誠可以格

上帝若合十萬之百姓齊齊呼

夫天未有不應者也臣以爲今日之亢旱大約由於山東河南包租之累所致也山東河南自撫臣以開荒蒙賞而百姓以包熟受累其實開荒未必如是之多也攤之熟地而已其所多增數十萬之賦稅大約多得之鞭笞刑比呼天搶地無處告訴之才遺而實非額內樂輸之賦稅也不肖有司樂于得撫臣之歡心以博功名而肯不取盈焉卽有一二賢者亦誰不畏撫臣之權勢以顧性命而敢不取盈焉上官下官朋比雷同各保其功名各護其

鄒平縣志

卷之三

五

性命

天固無如之何也惟有降災以警之故兩省之旱爲最烈臣聞山東河南處處有包租之苦而山東之西三府河南之彰德懷慶等府爲甚有包地者有包租者有一兩納至數兩有一錢多納數錢者有併山林陂澤而皆筭爲熟地者呼額四出無人申理怨苦之氣積爲菑沴所固然也夫以兵火之餘百姓復業未几況當荒歉之際而又甚以重困勢必編民化爲流民熟地變爲荒地伏祈

皇上勅下新按速為清理細查花戶詳冊熟地若干  
包地若干應納租銀若干包地租銀若干隨時入  
告使百姓早出湯火勿致朦朧再令部駁彙遲歲月  
以屯

恩澤臣等不時詢訪如有秋同情弊察出即行

題參如是則百姓無不通之情地方無朦蔽之苦

上下之情通即天人之感應其格

天弭災所關匪淺鮮也如果臣言不謬伏乞

皇上睿鑒施行 順治十七年六月 日 題奉

鄆平縣志 卷之三

六

聖旨這奏內包租具民情弊係何地何人還着明白  
指實具奏該部知道

戶科給事中 臣 胡悉寧

題為遵

諭陳言事疏列八事其一曰兩省勒報包納之錢糧  
宜停也河南山東田地大半荒殘蓋疊經兵燹之  
後流亡逃散既已荒蕪即有見存耕種者無力開  
墾儘多廢棄非若江南寸金之地竭力治之足以  
取償也如河南撫臣新開錢糧至四十萬矣山東

撫臣新開錢糧至一百萬矣此中豈果有欺隱處  
處經撫臣踏勘督之開墾者乎亦不過苛責各有  
司使其開報而有司奉行惟謹勒令里書開報完  
之包納不能只有紙上之空文而撫臣加級紀錄  
皆由于此嗟乎以

皇上加意撫恤之赤子爲撫臣邀取功名之左券况  
兩省疊報水旱完納不前以致逃亡併見在成熟  
之田地且棄而不治是正額方缺遑問其新報乎  
合無請

鄒平縣志

卷之三

七

勅部議將兩省新報錢糧暫爲停止寬以歲月俟人  
民稍聚年歲稍豐庶不患土滿而

國課自增矣伏候

上裁 順治十七年六月

日

題奉

聖旨該部議奏

按本縣地畝自順治初年有牛力不足而告荒者  
謂之有主荒有逃亡無人而拋荒者謂之無主荒  
勘報後又陸續荒蕪謂之復荒至十年間奉

旨開墾改作屯地有願墾者領給銀兩買牛買種謂

之屯本待成熟之後還却屯本然後每畝徵穀若干石草若干束本縣並未有一人領銀開墾者彼時當事者差屯廳到縣勒令將荒地三分之一捏報成熟于察院內均集算手逼以嚴刑一夜造成文冊前後報開墾共七百餘頃每歲徵穀徵草後奉部文一切屯地俱入大糧與前熟地同派徵有主之荒累在一家無主之荒累及里甲近奉荒院行文丈地因據諸生公呈懇切具詳會荒院報滿之疏已出未及題幣而

天子因旱求言憲臣科臣各有蠲荒之請雖事關兩省不爲一邑茲亦備錄之以見當道之公言非一方之私計也援近例而乞

新恩得無望于上臺之勤恤者乎

今丈地之役某矢志清釐奈初值漕務方殷後又

督催過迫馳驅遠鄉躬督踏丈風餐露宿事繁時促獎冗人奸今魚鱗冊雖成第夙弊既深烏能一時盡絕至如以田領戶不以戶領田及創立分庄截丈繪畫圖式挨次編號斯亦粗立規模畧如清

丈册籍但奸民圖倖隱縮弓步未盡如法容或有  
之而虛加攤派之弊未敢效尤貽害于後也計成  
坐庄册三百 帙稍可爲異日清田張本云  
爾

### 賦稅

舊志嘉靖年間

夏稅一萬四十二石八斗七升一合二勺  
秋糧二萬二千八百一石六升一合五抄  
馬草二萬七千三百八十二束

鄒平縣志

卷之三

七

農桑絲絹二百五十二疋一丈一寸二分五厘  
京庫花絨九十四斤一十兩九錢

萬曆三十七年則例書册

夏稅麥一萬四十二石八斗七升一合二勺 與嘉靖十

二年同 本色紅花濶布德州倉無麥 納米本縣及儒學官俸折麥亦在內 農桑折

絹二百五十三疋二丈二寸二厘每疋折徵銀七

錢 與今同 稅絲三百四十九斤九兩八錢六分五

厘七毫六絲五忽每斤折銀一兩 與今同 以上按

本年則例共編徵夏稅銀五千六百八十七兩九

錢七分七厘七毫五絲五忽

秋糧正耗米二萬三千五百八十八石七斗八升

一合五勺

漕米臨德二倉德府廣受倉俱派折銀  
京庫綿花絨等學二倉折米亦在內

京庫地畝綿花絨一百一十斤八兩九錢六分

每斤折銀七分

與今同今折多木少

以上按本年則例共

編徵秋糧銀一萬八千五百六十八兩二錢六分

五厘五毫二絲三忽八微四塵

馬草二萬七千三百六十二束

與今同

編徵折銀

一千六十三兩六錢七分八厘五毫六忽四微

鄒平縣志

卷之三

二十

均徭銀力二差里甲等項共編派銀一萬五千五

百一十四兩六錢一分五厘一毫五絲八忽二微

內銀差編派銀三千六百六十二兩二錢二分

五厘四毫

即今工屬料價木柴所積柴夫京班柴  
直屬鎮民兵德府民校柴薪藥材團操

節庫糧道皂隸按察司學子木府庫子府學齊膳

訖

力差編徵銀一千二百六十二兩八錢

即今民壯

馬快門皂燈庫倉

夫禁子司兵等項 里甲夫馬編徵銀二千二百

三十八兩

即今里甲走送馬驢青白夫等項

驛站舊編并復添

青陽店馬驢工食銀二千一百二十五兩

即今驛遞馬驢

工 額雜工費鹽鈔等項編派銀六千二百二十

六兩五錢八分九厘七毫五絲八忽二微內錢奇兵餉府

庫鹽鈔土牛菟符心紅紙張由帖卓圍等項與今

存留歲用款目相同外至本折馬價京庫鹽鈔今

改入起運項下訖 又有南兵工食本省人丁兵

餉糧石兵餉三項共編銀七百餘兩今無此名想

改卽今之 本省兵餉

以上共計編徵銀四萬八百三十三兩五錢三分

六厘九毫四絲三忽四微四塵本色糧米亦折徵在內

上地每畝徵銀六分三厘七毫四絲四忽五微

中地每畝徵銀五分三厘七毫四絲四忽五微

下地每畝徵銀四分三厘七毫四絲四忽五微

人丁每丁原徵銀二錢五分外凡有地人丁按地

之多寡分派金木水火土五則每丁自五分遞至

二錢五分爲率

新訂全書順治十六十七年按此徵輸

夏稅麥五千六百六十四石四斗四升四合八抄

五撮七圭內起運折徵麥二千九百九十三石三

斗六升五合二勺八抄五撮七圭編派 折銀一千二百五十五兩八錢五分六厘九毫二  
絲八忽六微除荒亡外實銀八百五十二兩一錢  
四分八毫五絲九忽八微六纖 存留折徵麥二  
千六百石三合八勺編徵折銀一千八百二十兩



一分一厘五毫三絲四忽九微一纖除荒亡外實  
徵銀一千二百三十四兩九錢一分四厘五絲四  
忽三微七纖 存留本色麥七十一石七升五合  
除荒亡外實徵麥四十八石三斗九升九合三勺

六抄

農桑絹二百五十三疋二丈二寸二厘每疋折銀

七錢 編徵銀一百七十七兩五錢四分三厘除荒  
亡外實徵銀一百二十兩四錢六分七厘二

毫二絲三  
忽五纖

稅絲三百四十九斤九兩八錢六分五厘七毫六

絲五忽每斤折銀一兩 編徵銀三百四十九兩六  
錢一分七厘除荒亡外實

徵銀二百三十七兩二錢二分  
三厘五毫九絲七忽二微二纖

鄒平縣志

卷之三

二十二

秋糧米共二萬四千三百八十一石四斗八升四

合九勺四抄五撮七圭三粟 內起運折色米一萬  
五千九百五十五石

一斗四升四合六勺五抄五撮 編徵折銀一萬二  
千九百三十四兩三錢三分三厘七毫二絲四忽

除荒亡外實徵銀八千七百七十六兩二錢五分

八厘五毫一絲六忽三微四纖 存留折色米一  
萬九千九百九十九石九斗九升九合三勺

分三絲二忽九微三纖 起運本色米八千二百  
八十二石八斗四升九勺九抄五撮除荒亡外實徵米一  
萬五千八百八十二石一斗五升九合五

荒亡外實徵米五千八百八十二石一斗五升九合五

抄七撮三圭九粟 存留本色米一百四十三石  
四斗八升二勺九抄五撮除荒亡外實徵米一百  
石五斗八合四勺四

馬草二萬七千三百八十二束 編徵銀一千七百  
五兩一錢七分八

厘七毫除荒亡外實徵銀七百二十九兩  
五錢三分四厘七毫七絲三忽四微一纖

鹽欵蘄鎮柴直馬價工屬宗祿民校柴薪藥材等

項共銀六千三百四十五兩一分九厘六毫除荒亡外

實徵銀四千三百五兩二錢四分九厘三毫八絲四忽二微六纖不撈糧石起派

九釐地畝銀二千四百九兩三錢五分一毫四絲

除荒亡外實徵銀一千六百三十四兩八錢二厘三毫九絲萬曆三十七年則例無此今按地畝派

本色花布花絨正銀一千九百四十五兩八錢二

厘三毫四絲二忽八微六纖二沙五塵除荒亡外實徵銀一

新平縣志 卷之三

千三百二十兩二錢七分三厘九毫八絲九忽一  
微二纖五沙七塵四渺內辦辦本色紅花五十二  
斤二兩四錢六分六厘八毫八絲舊編在夏麥上  
起派係全辦本色此係折存辦本之數獨自綿布  
四百一十九疋二丈七尺舊編在夏麥起派全辦  
本色此係折存辦本實數京庫綿花絨一百五十  
斤一十一兩二錢三厘八毫五絲舊編在秋糧米  
起派全辦本色此係折存辦本之數地畝綿花絨  
八斤九兩四錢九分七厘八毫九絲舊編仍在地  
畝起派全辦本色此係折存之數除各辦本色外  
除俱改折徵銀起辦比前全辦本色有寬民力多  
矣外有各本色添編時價雖係隨時增減不常故  
不俱

原額銀四萬一百三十四兩二錢一分九厘二毫

七絲二忽六微二纖五沙九塵一渺內除荒亡免徵銀一萬二

千九百二兩一錢八分一絲九忽三微九纖五沙  
九塵一漉實徵起運四部折色木色花布常豐常  
盈倉米折宗祿等項正銀一萬七千九百七十五  
兩九錢五分七毫三絲三忽二微六纖五沙七塵  
四漉實徵脚價盤費鋪墊輕賫蕭草等銀一千一  
百六十五兩一錢六分二厘二毫八絲七微三纖  
九沙二塵六漉實徵有留兵餉經費驛站夫馬祭  
祀考試等項銀八千九十兩九錢二分六厘二毫  
三絲九忽二微二纖五沙

起存通共實徵銀二萬七千二百三十二兩三分

九厘二毫五絲三忽二微三纖

原額本色米八千四百二十六石三斗二升一合

二勺九抄七圭三粟 內除荒亡免徵米二千五百  
二十三石六斗五升三合七

鄒平縣志 卷之三 三十四

勺八抄七撮七圭五粟實徵起運漕糧臨德二倉  
祿米孤貧米等正耗共米五千八百二石一斗五  
升九合五抄五撮五圭九粟實徵有留孤貧等  
米一百石五斗八合四勺四抄七撮三圭九粟

起存通存實徵米五千九百二石六斗六升七合

五勺二撮九圭八粟

原額本色麥七十一石七升五合 內除荒亡免徵  
麥二十二石六

斗七升五合六勺四抄實徵麥四  
十八石三斗九升九合三勺六抄

人丁每丁一例徵銀二錢七分 總徵銀數載  
前丁額下

上地每畝徵銀六分五厘七毫五絲三忽五微六纖

二沙八塵九漉三漠六埃 徵米一升五合三勺

一抄三撮四圭二粟八顆 徵麥一勺一抄三撮  
五圭一粟四顆

中地每畝徵銀五分五厘七毫五絲三忽五微六纖

二抄八塵九渺三漠六埃 徵米一升三合三勺

一抄三撮四圭二粟八顆 徵麥一勺一抄三撮

五圭一粟四顆

下地每畝徵銀四分五厘七毫五絲三忽五微六纖

二抄八塵九渺三漠六埃 徵米一升一合三勺

一抄三撮四圭二粟八顆 徵麥一勺一抄三撮

鄒平縣志 卷之三

三五

五圭一粟四顆

新增丁地派徵

本色麥一十三石七斗四升五合三勺三抄 抵孤貧月

糧缺額

本色米一千三百九十一石一斗六合八勺七抄

起運新屯地漕米臨德二倉及克餉祿米孤貧月糧

折色銀五千七百四十二兩七錢八分八厘五毫

五絲二忽八微八纖 內奉 部文撥捕官員俸薪

布驛站夫馬餉額銀兩及撥外驛驛站外餘銀二千九百八兩六錢九分三厘四毫五絲三忽八微

每人丁一丁 一例徵銀二錢七分

派徵法則實徵與新增丁

畝相同

每上地一畝 徵麥一斗一抄三撮五圭一粟四

顆 徵米一升五合二勺一抄三撮四圭二粟

八顆 徵銀六分五厘七毫五絲三忽五微六

纖二沙八塵九渺三漠六埃

每中地一畝 徵麥一斗一抄三撮五圭一粟四

顆 徵米一升三合三勺一抄三撮四圭二粟

鄒平縣志

卷之三

三

八顆 徵銀五分五厘七毫五絲三忽五微六

纖二沙八塵九渺三漠六埃

每下地一畝 徵麥一斗一抄三撮五圭一粟四

顆 徵米一升一合三勺一抄三撮四圭二粟

八顆 徵銀四分五厘七毫五絲三忽五微六

纖二沙八塵九渺三漠六埃

內寄莊地七十八頃六畝五分除照則派徵外每

畝另徵銀三分

嘉隆以前戶丁田賦前志載錄未詳無從考證萬曆三十七年則例及今順治十六年新刻全書其

間夏秋糧石起存木折數之多寡款之有無各不相侔者舊冊分夏稅秋糧均徭銀力二差爲則以故起存款日不分前後本色花布每多全辦又從糧石起派馬價柴直料價等項解部正供禱入均徭今則以夏稅秋糧分立兩大總綱凡屬起解項款悉歸起運其解部者又立爲四部提名分別序次應辦本色不入糧石竟歸抽編取其簡捷俸薪領原彙入經費錄地方歲用均入存留除去銀力二差之名此新舊則例之所以不同也

### 馬政

萬曆年間共編設本折馬一百八匹 內折色馬七十二匹每匹折銀二十四兩 本色馬三十六匹每匹徵銀三十兩分春秋二季辦馬解赴太僕

### 鄒平縣志

#### 卷之三

寺 萬曆三十七年 奉本色馬匹奉文改折後添本折馬各五十四匹

順治二年原馬亦設一百八匹 折色五十四匹

每匹原編銀三十兩折色五十四匹每匹原編銀

二十四兩今不論本折俱徵折色銀三十兩每匹

加銀六兩全行折徵起解 在前項大糧內 自此民免辦解

牧養之累矣

### 驛遞

縣驛走通馬匹查萬曆三十七年則例編載驛站舊編銀一千九百六十五兩一錢七分奉文添

復青陽驛馬驢工食銀一百五十九兩八錢三  
共實編銀二千一百二十五兩未經詳載順治

三年驛馬二十二匹每匹草料銀三十兩原編

銀六百六十兩又添復銀一千二百一十兩走

遞驢四頭每頭草料銀一十九兩該銀七十六

兩共銀一千九百四十六兩順治四年仍照原

編減去添復銀兩至順治十一年奉部減存

驛馬十二匹每匹草料銀三十六兩驛四頭每

頭草料銀一十四兩四錢攤派閏月銀及馬夫

工食俱在外今照此額

里甲走遞馬萬曆三十七年則例編載二十五匹

每匹舊編并加添工料銀二十六兩共編銀六

百五十兩走遞騾十三頭每頭舊編并加添工

料銀二十四兩共編銀三百一十二兩順治三

年走遞馬二十二匹每匹工料銀二十二兩八

錢八分共編銀五百七十二兩騾十三頭每頭

工料銀一十八兩四錢六分一厘五毫共編銀

二百四十兩順治四年走遞馬二十五匹每匹

工料銀二十二兩連每年攤派閩共銀五百六十八兩三錢三分三厘二毫驃十三頭每頭工料銀二十兩連每年攤閩共銀二百六十八兩六錢六分六厘四毫順治十一年奉部校定走遞馬二十四匹每匹草料銀三十六兩并攤閩共編銀八百九十二兩八錢驢四頭每頭草料銀一十四兩四錢連攤閩共編銀五十九兩五錢二分馬夫工食在外

里甲走遞白夫萬曆三十七年則例額設七十名加添十二名共八十二名每名工食銀十二兩順治三年同此順治四年爲始每年仍用七十名連攤閩共編工食銀八百六十八兩今照此

額

里甲走遞青夫萬曆三十七年則例額設五十名每名工食銀八兩共銀四百兩順治三年于內扣減五名銀四十兩作加添快手二名工食草料之用順治四年仍照額設五十名連加攤閩月銀共編銀四百一十兩六錢五八六厘順治



十五年減存二十名連攤派閏月共編工食銀一百六十五兩三錢三分三厘三毫

外查天啓年間遼海有事差繁馬少加添走遞馬十二匹猶不敷用紳衿里老公額上臺又加添馬十五匹驢六頭至崇禎十六年裁減于順治元年仍復至順治三年又奉裁減

自隆慶四年歸併青陽驛一切祇應迎送之煩喂養買補之費悉縣官任之况年來驛道改衝輪蹄輻輳供億倍煩額設工料增減不常官自喂養疲

鄒平縣志

卷之三

三

困猶甚

鹽課

原額引票九百六十引按季領銷原額票價銀一百

二十八兩六厘四毫按季徵解原額鹽斤鹽物變價

銀三十三兩按季遞解原額民佃銀九兩八錢五厘

七毫向入則例編徵至順治四年減編嗣後設法徵解

物產

邑之風土大抵與隣封不殊無異產而特志之者以備物理而勤民隱也夫鄒平南薄大山北

之阻猶不給而租稅出其中力役出其中一切無名之征出其中民貧而物訕然則先王茂對之仁古后阜財之化亦惟節事而厚生焉盡之矣

穀之屬其凡八種曰麥曰粟曰稷曰黍曰藟曰苽曰芡曰芡曰菽曰蕎麥而菽之屬又凡數種有黑豆黃豆藁豆白豆之類至餘細微區別不足論也潔流之濱近始藝稻貨帛之屬養蠶之家十不一二而辛家寨之

鄒平縣志

卷之三

絹僅以善名西北諸鄉農種木棉婦女爲布黃山東南種藍爲靛邑之衣染取給焉

一統志載絲章丘鄒平二縣出 蔬之

屬東南宜芋薯蕷潞澤之中多藕芰菱芡實茨菰近水之家多以茨茨爲糧外此則常蔬數種不足悉載

果之屬桃杏李柰梨棗林檎安石榴木瓜依山之曲柿栗胡桃花之屬牡丹芍藥海棠玫瑰木香木槿蓮

梅菊榴紫薇紫荆丁香夜合玉簪薔薇其餘草卉瑣瑣春生秋萎亦無取焉藥之屬舊志所載黃精半夏

參遠志防風蒼木車前益母地黃薄荷艾而

蒲地榆丹參沙參知母黃芩柴胡桔梗荆芥  
忍冬紅花天南星覆盆牽牛王不留行栝蒌根五加  
皮天花粉葛根獨活常長紫蘇楮實豨薟漏蘆蒲公  
英玄胡索天麻百部狼毒穀精草夏枯草旱蓮草舊  
所遺也木之屬楊柳榆槐梓榭樹生近山者猶多可  
以養山蠶桐椿楸桑檮松棟紫微觀之栢舊以景稱  
故室之榭其大合抱云生黃山而今則無矣羽毛之  
屬馬牛驢犬羊豕鷄鴨鶩所以爲畜鴿則爲屋以飼  
之雉兔則獵於山野亦以供食爵穴於房燕巢於梁  
鄒平縣志 卷之三 三

鳥鵲依樹此皆近於人者狐鹿狼獾野豬伏處原谷  
鳧鷖鵲鴉水際成羣此皆遠於人者鱗介之屬鯉鯽  
鰕鱖鯉鱧蝦鼈蟹蚌亦有蛤蜊螺螄鼃土人不食  
豸之屬其醜孔繁不能備書



鄒平縣志卷之四

吳郡徐政聖齊父輯

封建

范蔚宗不作王子功臣侯表以致一代封爵無可考馬貴與取其雜見于紀傳者錄之以繼西京之後若鄒平侯見于溫序傳並其姓名而失之是何其不幸也歷考茲邑之各自古以來列五等者多有今著于篇

古鄒侯 水經注鄒侯姚姓舜後

鄒平縣志

卷之四

封建

漢梁鄒孝侯武虎 漢書年表梁鄒侯武虎 史記作武儒

兵初起以謂者從擊破秦入漢以將軍擊定諸侯高帝六年正月丙午封梁鄒侯功比博陽侯三千八百

戶 史記作二千八百戶 十一年薨謚曰孝侯孝惠五年侯最嗣

五十八年薨孝武元光三年頃侯嬰齊嗣二十年薨元陽四年侯山柎嗣一年坐耐金免國除元康四年虎玄孫之子夫夷侯國公乘克竟詔復家

晉梁鄒侯解修 晉書解系傳濟南著人父修魏琅

鄒太守梁州刺史考績為天下第一武帝受禪封梁



鄒侯

梁鄒縣侯劉頌 晉書頌字子雅廣陵人官至光祿大夫以誅賈謐督攝衆事有功追封梁鄒縣侯食邑千五百戶

唐鄒國公張公謹 唐書公謹字弘慎魏州繁水人初爲王世充洧州長史武德元年與世充所署刺史崔樞以州降國授檢校鄒州別駕累官至襄州都督封鄒國公

鄒平郡公段文昌 舊唐書文昌字墨卿一字景初

鄒平縣志

卷之四 封建

二

西河人褒國公志玄之三世孫 新書志玄齊州臨淄人 穆宗時

拜中書侍郎同中書門下平章事歷西川淮南荆南

節度使封鄒平郡公有文集三十卷 按唐志不言鄒平立郡今文昌

傳云然而文苑英華亦有鄒平郡丞未詳其立自何年○文昌子成式字柯古有文名世傳文昌封公遂家於鄒平今之段家橋是也故成式著酉陽雜俎多記長白山事然史無其事不敢傳疑且淄青之地久爲藩鎮所據即文昌未必非遙封也

明鄒平王秦騰 吾學編魯靖王第三子 年

封謚莊靖 年薨子陽鏞嗣封 薨謚恭

懿子當溟嗣封

其以先賢追封者一人宋大中祥符二年封孔子弟子商澤爲鄒平侯

### 職官

郡邑之志多述古今攻戰分合之故以爲大事記鄒平事史多闕遺不能以年次故附見於職官而昔之鄉大夫或國相或統部或將帥凡弭節於茲土者皆書焉自元而下但紀令長其善惡具書則取諸康對山武功胡可泉秦安之例要采之通國之公評而不拂於三代之直道若

### 鄒平縣志

#### 卷之四 職官

三

乃年代未久而姓名莫聞則亦無得而稱之矣漢溫壽太原祁人父序爲隗囂別將苟宇所劫伏劍而死賜葬雒陽城旁除三子爲郎中長子壽服竟爲鄒平侯相夢序告之日久客思鄉里卽棄官上書乞骸骨歸葬

晉何機陳國陽夏人太傅魯之孫爲鄒平令性矜傲張豁爲平原太守慕容德伐廣固豁屯鄒泉承檄遣子降德

宋垣苗少帝時爲濟南太守魏太宗詔叔孫建等擊

青州苗自梁鄒奔東陽城

崔勲之爲梁鄒戍主宣威將軍樂安渤海二郡太守  
元嘉二十八年亡命司馬順則詐稱晉室近屬自號  
齊王勲之出州順則聚衆乘虛據梁鄒城又有沙門  
自稱司馬百年號安定王亡命秦凱之祖元明等各  
據村屯以應順則司馬曹敬會拒戰不敵出走刺史  
蕭斌卽遣勲之率行建威將軍濟南平原二郡太守  
申坦長流參軍羅文昌等討順則攻之不克城內並  
爲賊堅守殺傷官軍甚多祖元明又據安丘城斌更  
鄒平縣志

卷之四

職官

四

遣振武將軍劉武之等討司馬百年斬之順則衆稍  
離阻賊黨李繼叔踰城出降乃四面進攻衝車所及  
輒三五丈崩落時南門樓上擲下一級並垂繩釣取  
外人外人上賊並放使云向已斬順則所投首是也  
秦凱之走河北

申纂爲平原太守

見災祥

劉休賓字處幹本平原人祖昶從慕容德渡河家於  
北海之都昌縣休賓及兄弟乘民延和等皆有特譽  
休賓爲幽州刺史鎮梁鄒魏慕容白曜軍至升城遣

人說之令降休賓不從龍驤將軍崔靈延行勃海郡  
房靈建等數十家皆入梁鄒同舉休賓爲征虜兗州  
會明帝遣使授休賓輔國將軍兗州刺史白曜於魯  
郡得休賓妻崔氏及其子文燁以報休賓又於北海  
執延和妻子送至梁鄒巡視城下休賓答白曜許以  
歷城降當卽歸順密遣主簿尹文達向歷城詣白曜  
覓休賓妻子持其爪髮以歸休賓涕泗又使文達反  
與白曜爲期尅日許降休賓以告兄子聞慰使早作  
降書聞慰沈疑不作白曜遣人至梁鄒南門下責以

鄒平縣志

卷之四 職官

五

無信遠期於是門人唱告城內悉知遂相維持欲降  
不得經冬至春歷城降魏白曜遣文燁至城下休賓  
乃出及宿有名望者十餘人俱入魏都爲客及魏立  
平齊郡乃以梁鄒民爲懷寧縣休賓爲縣令

魏堯暄字辟邪上黨長子人高宗時以中散大夫奉  
使齊州檢平原鎮將及長吏貪暴事推情診理皆得  
其實

鄭平城滎陽開封人安東將軍羲之兄子爲東平原  
太守性清狂使酒爲政貪殘



房士達清河繹幕人孝昌中齊州平原民劉蒼生廣川民劉均清河民房須等作亂攻陷郡縣頻敗州軍時士達以父憂在家刺史元欣欲逼其爲將士達固辭欣乃命其友馮元興謂之曰今合境從逆賊徒轉熾萬一陷州君家豈得獨全士達不得已而起率州郭之民二千餘人東西討擊悉平之武泰初就家拜平原太守抑挫豪彊境內肅然永安末轉濟南太守士達不入京而頻爲本州郡時人榮之爾朱兆入洛齊州刺史蕭贊爲城民趙維周所逐變形爲沙門逃

鄒平縣志

卷之四

職官

六

入長白山流轉卒於陽平城內無主維周等以士達鄉情所歸乃就郡請之命攝州事永熙二年卒贈平

東將軍齊州刺史

廣川今長山清河今淄川

元欣孝莊初通直散騎常侍高乾邕及弟等率合流民起兵於齊州之平原頻破州軍詔東道大使元欣

喻旨乃降

按本傳欣爲征虜將軍齊州刺史孝莊封沛郡王不言東道大使

羅道珍襄陽人爲東平原相有治稱

隋張須陀弘農閬鄉人煬帝大業七年帝征高麗詔山東置府養馬以供軍役又發民夫運米積於瀘河

懷遠二鎮道路險遠加以官吏貪殘因緣侵漁民不聊生始聚爲群盜齊郡王薄孟讓等擁衆據長白山剽掠諸郡薄鄒平人自稱知世郎言事可知矣又作無向遼東浪死歌以相感勸避征役者多往歸之衆至十餘萬九年春郡丞張須陀將兵擊王薄於泰山之下時天下承平已久人不習戰郡縣吏每與賊戰望風敗沮唯須陀勇決善戰得士衆心薄恃驟勝不設備須陀掩擊大破之薄收餘兵北渡河須陀追擊於臨邑又破之薄北連豆子航賊孫宣雅石祗關郝鄒平縣志

日戰場十十五五把長鎗不畏官軍于萬衆只怕榮  
公第六郎

唐張公謹為鄒州別駕見封

李士衡為鄒州刺史武德七年州人鄧同穎反見殺  
李萬安趙郡鄙人為鄒平郡丞

後唐顏衎字祖德兗州曲阜人天成中為鄒平令苻  
胄初鎮天平以書告屬邑毋聚歛為獻賀衎未領旨  
以故規行之為吏所訟胄遽召衎笞之既而悔焉表  
為觀察推官長興初召拜太常博士胄力奏留之官  
鄒平縣志 卷之四 職官 八  
至工部尚書

宋范諷字補之齊州人遷大理評事通判淄州歲旱  
蝗他穀皆不立民以蝗不食菽猶可藝而患無種諷  
行縣至鄒平發官廩貸民縣令爭不可諷曰有責令  
無與也即出貨三萬斛民皆先期而輸

李澣紹聖中為鄒平縣尉

元孟德濟南人國初為鄒平令累官至同知濟南路

事 按元史縣正官曰達魯花赤日尹無  
日令者此蓋初年尚沿金之官名也

回回為鄒平縣達魯花赤世祖至元二十三年以能

捕盜理財進秩有差

馬驢日按金史宣宗興定元年十月辛未元兵收

鄒平長山及淄州二年十月甲辰李全破鄒平縣

元史張榮傳金季山京羣盜蜂起榮率鄉民據濟

南費堂嶺泉稍盛遂畧章丘鄒平濟陽長山辛市

蒲臺新城及淄州之地而有之兵至則清野入山

歲丙戌東平順天皆內屬榮遂舉其兵與地納款

張起畧順帝紀至正十二年二月甲申鄒平縣馬

子昭為亂捕斬之皆邑事之見於史者附載於此

鄒平縣志

卷之四 職官

九

其雜見於碑記者達魯花赤則有阿里張哥辛丑年

號昔溥至元普顏帖木兒皇慶撒都兒丁至順重喜

九住並至正年

尹則有蕭革並至元乙荅反失名大完顏從善

至大江武皇慶曹明叔至順王好謙元統孫周卿至正

年按崇經閣舊碑記有云至元丁丑慶陶孫侯周卿

舊志誤刻孫為縣道明萬曆中重修碑記輒云閣創

于元丁丑知縣周卿既脫年號至字文又以尹為知縣

而失其姓將來承訛襲舛不可考正矣又按元有兩  
至元丁丑前則世祖至元十四年每後則順帝至元三  
年今據唯鎮福寧寺碑至元十四年縣尹乞荅反則  
此為順帝姜伯源 陳墊仙並至正年通志稱從善興學  
至元矣

敦民斷獄明允舊志稱堊仙興學禮賢不尚苛猛今  
各宦祠祀堊仙云

編修元明善記曰齊處士張臨先生走書京師曰  
縣長完顏枚考七八十年無今大夫賢請子書大  
夫賢爲狀重長者之要我故述其凡焉剛以勵氣  
廉以養分威而能和嚴而有恩精於綜覈纖微致  
察果于裁判糾結必詳六始至也文書填委連逮  
者日閤堊下下車不旬浹而事皆決白園扉夜啟  
坐獄于堊開譬百至請退自新而敬禮賢逸崇尚  
鄒平縣志

卷之四

職官

十

儒學務革素習導民趨義一年而小治三年而不  
變庭無傲吏邑無冤人無田不治民日加富寇盜  
不興賊殺屏息移鞠他縣亦稱平之恪恭朝夕以  
至受代老少一口頌之曰賢哉大夫

丞則有孫福

辛丑年

碑云本縣人金末爲衆所推保守

鄉邑元初授本縣丞居官三十年人民畏愛 劉程

谷大錫

並至元年

失名大

李德佐

皇慶年

王克謙

至

年李瑞

元統年

張子寬

至正年

舊志云吳元年徐達常遇

春統兵下山東子寬率民全城歸附

主簿則有霍祐辛丑年 賈鑑 孫英並至元年 丘失名大德年

王秉智皇慶年 楊溫大曆年 楊禮元統年

尉則有張貴辛丑年 蘇汝霖 孫榮並至元年 石君玉皇慶年

劉藝至順年 張惟則元統年 楊守約 張仲並至正年

典史則有唐銓 王斌並至元年 王國昌大德年 李吉皇慶年

張中至順年 釋思溫後至元年 賈彥禮至正年

儒學教諭則有聶居貞 霍邦獻並至元年 馬禧 孟珪

並皇慶年 高惟忠至順年 張思碑缺一字 張崇文 李輔臣並至正年

明制知縣一人 縣丞管糧管馬各一人 主簿一人 典

鄒平縣志 卷之四 職官

十一

史一人 嘉靖四十年裁革 管馬縣丞 崇禎初年裁革

主簿

知縣張椿 寧國府人 由都省掾任 馬仲玉 南昌縣

人 施敬 高郵州人 沈彰 泉州府人 楊成 張

仲和已上並洪武年 李昉 昌黎人 舉人 正統 石璞 顧瑄

潞州人 監生 並景泰年 李儒 涇陽人 監生 天順 舊志列書

椿 昉 瑄 儒 四人 並稱其有治行 通志惟載椿 儒 二人

馬驢曰 余考洪武題名碑 自張侯以下 得馬 施 沈

三公於他碑 又得楊 張 二公 而正統題名碑 李 侯

以下有豐潤某公壽州某公二公姓名磨滅然張侯之名木旁隱隱從幾蓋名機不名椿也今通志一切作椿豈皆承舊志之譌邪夫志者志其實爲後人鑒也善惡美刺宜無不備焉乃載在題名者志猶遺之且自洪武以迄宣德垂七十年其爲令者多矣既不取其政蹟因並沒其姓名而寥寥百年惟四公之是稱甚矣舊志之疎也

劉鎰羅山人舉人舊志云政尚平易

費宏記曰劉侯知鄒平六年而去民立祠生祭之

鄒平縣志

卷之四

職官

十三

蓋侯視民如子其愛出於至誠持已雖嚴然不尚威猛興學召農如有弗及歲侵賑貸全活者無筭時有蝗災狼禍侯禱之輒息是在祭法所謂禦災捍患有功德於民者其食報也宜矣

李興嵩縣人進士舊志云涖政嚴明持身廉介 樊

毅安吉人監生

已上並成化年

趙昱滑縣人舉人 趙瑄

定興人舉人 鄭瓊蘭谿人進士舊志云立心正直

處事嚴明 李貞朝邑人舉人 秦環祥符人舉人

舊志云勤於勸農工於修建

已上並弘治年

薛瑞長洲人

進士舊志云公廉明決爲令稱首時畿輔盜起郡縣風靡公修戰具固城守賊連營數十里來攻城自卯至晡飛矢如雨公號令益嚴賊乃宵遁以異政薦擢及行百姓遮道泣留之 辛志清固安人舉人 鍾錫澤州人進士舊志云清慎威明 王瀛洲蒲州人舉人以本縣縣丞陞舊志云廉謹寬平 已上並正德年 郝榛綏德州人舉人

張松曰郝侯明不盡人之私惠不取人之愛威不致人之懼直不指人之恥

鄒平縣志

卷之四 職官

三

徐九疇江寧人舉人舊志云明敏而心術未正 葉林武進人舉人

張松曰葉侯乘徐侯極弊之後公慎匪懈刮污剔蠹百廢俱舉理亂之才於是乎可稱然果於用法人不敢干以私故羣不逞爭訟之

自葉侯修志迄今百二十餘年令長姓名不能悉具今據碑識及故老所傳聞者續爲

隆文良霸州人 鄔志臯永川人 曹來賓鄭州人 吳俊順天人進士



張松曰葉侯之令行禁止未易及矣隆侯之遺愛終不可設分者邪古所謂酷鷲貪饕殘賊之吏來賓爲近之君子謂吳侯不善爲吏孔子曰善爲吏者樹德不善爲吏者樹怨

胡介南通州人 劉格安城人進士 馮秉儀慈谿

人舉人 龍失名 張中復仁和人 甄有恒曲陽

人已上並嘉靖年 趙維卿栢鄉人舉人修理公署均徭役

以除民害 宋瑋慶都人貢士聞之故老趙宋皆賢

尹也已上並隆慶年 李瑞林縣人舉人創修石城清丈田

鄒平縣志 卷之四 職官 古

土公正仁明當時有神君之號 張書蒲圻人進士

以給事中降任陶情詩酒尤善草書 侯職榆林衛

人 許國忠宣城人舉人善書工詩 翁愈祥常熟

人 張延登記曰翁侯天性明恕寬平曉暢吏事在任

僅八月餘諸所謂劑行之皆有次第大要法簡而

因俗不爲一切慘礪而四境之內提筆而理矣侯

初至值有開採之役使者四出中貴人嚙益都令

至逮繫詔獄一時海岱騷動宦者陳增尤橫當過

吾邑民多竄避山谷侯曰第無恐吾素悉此闔易與耳遣使持一刺逆之境上至則與分庭抗禮佯爲交驩闔大悅反戒其奴曰此賢令萬勿有所科索鄰邑聞之皆自以爲不如

姚誠立安邑人進士 王嚮明整屋舉人性褊急時號聒王 王紹徽三原人進士清風勁節仕至吏部尚書自二瑞之後稱賢尹者以公爲最

張延登記曰吾邑彈丸地田最阤窶而賦獨重於他邑兼以東西之達輪蹄輻輳供應浩煩王公在

鄒平縣志

卷之四 職官

五

事之日民獨不知有秤頭之美行戶之賠里甲之苦衙蠹之擾四民安居樂業而不覺鄒之贏也蓋公性閎而密衷毅而慈爲政一本之真誠豈弟視利若染焉以余所睹記三四十年来吾邑賢令之最者無如王公與林縣李侯李侯時道不拾遺四境熙熙如杲日其去也民歌思之相去二十餘年王公繼之六載深仁千秋遺愛至今窮山幽谷父老言之有泣下者亦如古之前有召父後有杜母並美爲不朽矣

汪晉吉武昌人舉人有文采尤工儷句 王點魏縣

人進士蕭灑風流仕至右僉都御史 裴鉉聞喜人

進士用刑過嚴 魏克佳高陽人舉人歲大侵人相

食侯捕盜惠民境內以安 高金魏錢塘人舉人

許失名籍舉人自齊河調至士民寒慄不數日死于官

已上並 劉紹芳新鄭人舉人催科有法 蘇希轍

萬曆年 安邑人舉人以健墨聞已上並天故年武用費邢臺人舉人

楊汝楨涿州人舉人真率豪飲時叛兵自西而東

鄰邑多陷公登陴守禦既而寇不至 楊士奎任丘

鄒平縣志 卷之四 職官 共

人舉人 王樂成商丘人舉人樸陋無威儀 韓文

焯涇陽人舉人

張延登記日戊寅十一月滿洲兵過德州謀犯濟

南紳士謁縣主議城守與士民各分雉堞十二月

二十五日晨明有數騎至西門外殺人余急上城

未至西門樓數十步流矢已集目前遙中屋角鏡

甕間取之鏃入寸餘是夜西北北花庄一帶火光

燭天則滿洲兵屯營也次日朏明西北五百餘騎

蜂擁來須臾至角下指城索賄飛矢如雨家丁施

鎗火後發自焚三人衆幾譁已引鳥鎗彈一紅衣  
頭目墮馬其衆齧指遁遂轉西南角家人張驥發  
神鎗中二人自屋墜地又攻東南角家丁亦彈一  
人墜馬死已攻南門發數矢而去逼午西北風大  
起人盡寒慄遙見甲騎三千餘負標自西北奔突  
吹菰而去蓋固山也屯紇營莊沙水之陂發甲士  
三百飛馳復攻西南角三番其騎勢如風雨暴騰  
忽仆其標卽時東走是夜宿黃山下鄒家莊次日  
赴長山一到立陷二十九日凱回分兩路夾縣而

鄒平縣志

卷之四

職官

七

過聲勢撼城有數騎直至東門呼城上人請款僕  
對以朝廷法度嚴明蠲赦之罪與陷城等又求私  
賞不已僕叱之乃舉火燒屋而去時固山管干城  
西古韋莊以待聞之大怒號其騎盡披甲將返忽  
紅白旗二對持令箭催赴濟南攻城乃卸甲馳去  
楊可經鄒縣人貢士

馬驢曰楊令輕躁猥薄好自况誦以濟貪濫飽之  
家攫金殆盡加以凶荒兵燹吾邑自此弊矣壬午  
之變令已陞青州同知未去紳士自爲城守令束

手無所區畫先是貢生張萬鍾請救於副將丘壽  
壽遣部將押住率遼丁二十餘人來援冬十二月  
朔東兵至城下分布八面立馬黃山之巔以窺虛  
實其遊騎環城發矢人情鬼懼押住等數人沿城  
巡視詐建旗纛黃蓋交錯遶行須臾有百餘騎屯  
聚北極廟押住自城上與之語矢鋒各相及薄暮  
騎盡回營其前隊已陷長山後隊繼至不絕分屯  
原野山谷火光竟夜次日黎明黃霧四塞遙見西  
南隅白旗招搖驚顧間雲梯已至城下騎甲三千

鄒平縣志

卷之四 職官

六

人擁之飛矢雨集喊聲震地披甲者突至城梁城  
上錯愕欲潰遼丁露刃當前生員劉璽韓之琦持  
槌奮擊一時衆皆鼓勇矢石亂投墜者復上典史  
張恩督戰甚力東敵臺燃砲橫擊之其梯皆壞又  
以牛皮爲障鑿城二孔用蘆蓆裹火藥投之皆焦  
頭辟易火連城屋自焚三十餘人遼丁死其五生  
員成端徵與焉自寅及午力戰不休而城外居民  
各持利兵或懷瓦礫爭來赴敵城內婦女亦助運  
磚石是以僅能獲濟是時貢生張萬鍾調度整暇

方懸重賞募勇士出城生獲一人以獻是夜固山大營住城北馬家莊一帶縱火大焚光燭城堞聽營中若斧鑿聲不絕或言其築壘欲爲長久計或言多造雲梯將四面齊攻然實伐木積土防城中出兵劫襲遲明拔營東行離城五六里以輜重爲南蔽經過三日卒無一騎近城是役也死者三十六人傷者九十七人俱紳士公貲優恤而物力益耗竭焉楊令將去要邑民數輩脫靴遺愛去之日則或取其靴送之獄舍矣其後當道奏請鄉官孫

鄒平縣志

卷之四 職官

九

曠生員劉璽等城守有功屬京師陷事遂寢

工作賓義烏人舉人當創傷之後政頗廉平甲申李賊陷京師侯聞變遁去而賊黨王世傳來爲縣尹

張爾奎曰賊在山西時多取豐順偉幹者授以僞官知縣謂之縣尹印文用小篆謂之契縣尹之來也無兵衛輿從惟單身乘驢與一二騎卒偕至則揚言蠲租而刑逼鄉官按品誅求漸及富戶謂之追餉世傳者汾陽人或曰寧鄉人爲鄒平縣尹諸縣尹多以暴橫敗而世傳獨寬厚是以保其首領

得還原籍云

縣丞林文壽福州人 劉檝吉安人 俞文熙杭州

人已上並 羅政並景泰年 祝賢並景泰年 劉淵 阿賢並天順年

宗璽 汪恢並弘治年 尹莘 王瀛洲見知縣 崔環

葉縣人監生舊志云勤于職業善于孳牧 遂佐薊

州人監生舊志云政尚寬平已上並 封遐齡宜君

人 王寵鉅鹿人 劉士達贊皇人監生舊志云歷

任有聲善於馬政修范文正公祠 魯本寶應人

商萬鍾 朱仲恩 高尚儒 唐隆 王子庸太倉

鄒平縣志 卷之四 職官 二十

人 黃佐鳳陽人 羅廷寶安寧人 高道已上並

劉汝器 安廷璞 李熠襄陽人 張一相已上並

李汝讓 田郊 楊邦楨已上並 王家材天啟年

石瑋 武之翰 李鍾棟善楷書 阮士奇 施大

楨 陳一耀當塗人 武檄已上並 崇禎年

王簿汪斌瑞州人 丘宏明定海人已上並 錢鎮

景泰年 郝謙弘治年 錢佐正德年 程寬蒙城人 郝

錫河津人 陳廷佐鹿邑人 馮鉞 李三異密縣

人 黎杲任丘人 耿秀已上並 李緝隆慶年 洪

歲 杜良儒 黎民表 渾源州人 樊永安 王瑤

汾西人 孫佳高 郵人 已上並 萬曆年 黃樹龍 龍溪人 博學

有行長于古文辭善書法著樓枳錄轉清遠術經歷

不赴而歸 天啟年 唐有陞 崇禎年

典史孔文煥 東平府人 張通甫 解州人 已上並 洪武年

葉得 趙禮 並景泰年 韓俊 弘治年 石厚 正德年 張仲

綱泗州人 劉綸 舒震雲 安義人 李從仁 河間

人 已上並 嘉靖年 梅守儉 隆慶年 童蒙 鄭嘉榮 岳池人

王惟恭 常熟人 已上並 萬曆年 施仁恩 天啟年 張恩臨

鄒平縣志 卷之四 職官 三

潼人 守城有功 王宗湯 並崇禎年

張松日 丞稱高道道以下無能述焉簿如寵如廷

佐俱老不任事郝錫侗侗如也程寬耿秀俱有能

為之資然廉介不足稱焉 寵下其姓 幕則澳也憤珣也

辱綱也舞文富也好賭必也與乎 皆亡其姓綱 或即張仲綱

儒學教諭一人訓導二人崇禎初年裁革訓導一員

教諭張禮 涑水人舉人學克教善 周弘歸 德州人

舉人德行可法 賈陝西考官 賈遠 霸州人舉人

侯得臨 汾人舉人 劉信泰 和人儒士 鄒正瑞 安



張倫錢塘人舉人 朱定閩縣人舉人

張紳貴州人舉人 王鼎均州人舉人 已上十人 舊志不著其年

蔡蘭江陵人 景泰年 易升固始人舉人 天順年 周璉

樂城人監生 王佐閩縣人舉人 已上並 成化年 張翰

工捷清源人監生 弘治年 蔡正緒潮陽人舉人聘考

四川再聘考順天 莊文學南陽人舉人聘考湖廣

脩本縣志 已上並 正德年

邊貢贈莊邑博選鄉平詩 一官欣得孔門登品

秩休論第幾層壇杏午陰看鳥下市槐秋晚對山

鄉平縣志 卷之四 職官

三

荒鳴鐘講道求多士跨馬尋詩問老僧聞過范公

書院裏拜瞻應拂座塵埃

王贊清苑人監生 陳文旆山陽人監生規矩嚴肅

善於訓迪 張邦禮 李季武強人 關純仁南宮

人 已上並 嘉靖年 黃榜 胡夢暘金谿人 陳王道莆田

人 施紀江山人 鄭彥清湘人 王永祚 金陞

舉人文雅訓士有體 田泮 已上並 萬曆年 佟守任遼東

人舉人 熊棐卿四川人舉人 已上並 天啟年 張文乙濟

寧人舉人 秦士奇 程陞徽州人 吳孝可 吳

煥浙江人 曾鳳翔登州人 已上並崇禎年

訓導王煥 洪武年 李道 李幹 並景泰年 師勝均州人

天順年 丁溶 成化年 侯廣 張楨 並弘治年 卞驥祥符

人 薛達 尤復晉江人舉人聘考陝西 王謚邳

州人監生 已上並正德年 黃鏜信陽人監生 張肖深州

人監生老成善教 林恕金山衛人監生少年力學

辛卯科山東鄉試中式 趙獻 熊達 郝廷祐無

極人 孫東序睢州人 徐洞武清人 李光先孟

縣人 已上並嘉靖年 郭包田長子人 關訥 姜仲卿

鄒平縣志 卷之四 職官 三

張鈇 崔學詩東阿人 張洙平度人 周懷魯

張克明營丘人 張繡魚臺人 嚴可象寧海州人

已上並萬曆年 王道同黃縣人 劉珽 孫棻東昌人

孔 失名 賈希魯 已上並天啟年 陸加彥貴州人 王國猷

棲霞人 侯元佐東平州人 已上並崇禎年

大清

知縣周邦翰遼東人順治元年任貪橫巡按御史以

職奏斥 馬炤蔚州人貢士二年任平恕 趙永祚

汾陽人進士四年任時山東寇亂不已連年淫雨城

壞戊子秋以鄉試同考赴省羣賊夜入焚掠膠兵偶  
駐西關入城驅殺數人餘悉遁去令得左遷是科獲

雋者四人至今鄉邑猶念其崇文得士之盛云許崇禮遼東人生員

五年任務為威虐未踰月而死高寨海州衛人貢

士六年任清廉安靜枕戈城頭八年不懈徐政太

倉州人舉人十四年任見任庚子科本省同考

縣丞邵汝賢姚人監生多機術然運漕米有法

王世臣香河人白永清餘姚人馬純良江陰人

吏貞杜維標扶溝人李含蕊光化人貢士陞知縣蕭士龍遼東人生員

鄒平縣志 卷之四 職官 五

典史韓學愈鄆人鄭國傑武清人侯可封富平

人馬啓元安肅人見任

教諭葉汝馨遼東人類人龍沂水人方之璧膠

州人舉人嘗酒能書郭推已單縣人曲士標蓬

萊人卓公祥范縣人端方和厚焦芳聲曹縣人

見任

訓導趙廷佐遼東人何天衢荏平人薛桓莒州

人王士琦鄒城人戚永嗣寧海人

鄒平縣志卷之五

吳郡徐政聖齊父輯

后妃

昔西京薄后猶重觀津東漢陰妃尚榮新野此皆起自側微未膺選擇靡不侈爲盛事以迄來今若孝恭之出自鄒平作嬪帝室尊爲母后壽歷三朝固已匹龔山而侔有娥矣今據鄭曉雷禮所撰書錄之或曰魏孝文貞皇后林氏平原人而不志何也曰有兩平原焉于史文不言東

鄒平縣志

卷之五 后妃

一

平原者弗敢錄

明孝恭章皇后孫氏鄒平人父忠河南永城縣主簿選入官冊封爲貴妃宣德二年十一月誕生英宗皇帝三年春三月立爲皇后十年春正月英宗卽位尊爲皇太后正統十四年九月景帝卽位十二月上尊號曰上聖皇太后天順二年春正月上尊號曰聖烈慈壽皇太后六年九月崩上尊謚曰孝恭懿憲慈仁莊烈齊大配聖章皇后

感概

鄭端簡序列侯而附外戚於功臣之後在鄒平亦得一焉幸遭盛世始終恩寵雖訓戒之辭備書左史保全之論時切東朝而居鄉謹飭不奪沁水之園在位恪共未騁濯龍之馬垂諸邑乘可謂光榮矣故具錄焉

孫忠字子敬初名愚貢入太學歷介休永城主簿率人供役天壽山陞鴻臚寺序班宣德三年以女立爲皇后賜名忠陞都督府僉事又明年封會昌伯食祿千石與世券忠長厚好施年八十五卒贈侯謚康靖

鄒平縣志

卷之五

戚宦

二

五子長繼宗次紹宗顯宗續宗皆都指揮純宗錦衣僉事孫十人皆錦衣千戶顯宗稍驕橫忠不喜景泰三年繼宗嗣伯天順復辟進保加祿二百石與世券逾年贈忠安國公改謚恭憲已而革奪門功繼宗家子弟蒼頭冒功得官者二十餘人疏謝罪辭免英宗念繼宗母家革諸蒼頭官官諸子弟如故五年總兵討曹吉祥加大保弟顯宗蒼頭坐法繼宗爲請上不悅繼宗頓首以母九十老爲辭上終不允一日論輔臣曰祖宗來外戚不得預政今繼宗得典兵太后顧

不樂初爲內庭寺人言防閑須戚里惑其言至今猶  
悔李賢對曰孫侯醇謹無他腸後不可爲例耳成化  
元年又革奪門官傳旨繼宗出特恩如故卒贈郊國  
公謚榮襄子璉錦衣指揮使先卒十六年璉子鎮嗣  
侯避先帝諱改名銘正德十五年卒明年子杲嗣侯  
嘉靖初坐營八年以安昌伯故盡革外戚恩澤封十  
六年杲卒子應乾不得嗣以上出吾學編其居原籍  
鄒平者繼宗姪璉錦衣衛  
鎮撫璉子雲龍生員雲龍子儲秀錦衣衛千戶儲秀  
子世勳鎮撫世勳子重光衡府典儀今其子孫有爲  
諸生者云一統志云忠爲人謙恭小心  
節儉未嘗以貴驕人享福祿榮名數十年

鄒平縣志

卷之五

戚畹

三

御製綠竹引賜都督孫忠

薊門八月霜華濃何時種竹能成叢鳳城之陽禁苑  
東琅玕萬樹凌清空光搖太液波心月高出三山頂  
上松祥颯拂拂來天上鳴金戛玉聲玲瓏蓬萊宮中  
日如年高柯密葉霏雲煙春陽擬秀百花表秋月增  
輝仙桂邊九夏繁陰覆靈囿祥麟瑞鶴相周旋六花  
凝寒羣卉老清標轉覺生光妍軒皇昔日初製律截  
筩來自崑崙谷江心蟠石甃竹杖斬根削皮誇紫玉  
何如蓬萊宮中竹雨露偏多生意足盤根固節千萬

年遠勝猗猗淇水澳上林花木熙青春靈芝瑞草爭  
芳芬愛此蒼蒼大古色竹邊幾度停遊論世云鳳凰  
食竹實又云鳳凰棲竹枝鳳笙九奏太平曲鳳兮鳳  
兮今來儀予將拭目而觀之

宣德四年二月十二日

賜會昌侯孫忠還鄉詩

序曰會昌伯孫忠中宮之父也中宮有賢德佐  
朕治內皆父母之教朕旣崇忠爵秩又推恩其  
三世忠詞告歸省母展焚黃之禮于祖考孝之

鄒平縣志

卷之五

戚畹

四

道也特賜詩以華其行云

秋露如玉金氣涼丹桂飄拂揚天香雕鞍繡勒五花  
馬東望山東歸故鄉愛卿純誠美無度被服芙蓉佩  
寶璐碧梧翠竹映瀟灑白石清泉愜貞素上承百世  
之碩宗好仁施德善慶崇爰生賢淑位中壺輔我內  
政光軒龍推原所自錫嘉命五等之爵隆褒封貂玉  
榮次侯與公其先三葉顯秩同纓金鸞誥五花文親  
捧升堂歸拜親手膾黃紙薦丘壠冠衣簪篋紛前陳  
髻童白叟滿道路聚望歎羨咸忻忻榮光佳氣溢鄉

里山川草木皆回春人生富貴還家好况是豐年秋  
穫早廣筵芳酒會親知敬展寒暄慰耆老不伐不矜  
行乃惇既貴能約貴永存及時勤德在勉勵無忝濟  
南慈善門門前北望歸來道河冰未合須迴權愛親  
奉國兩不忘令譽兼全忠與孝

宣德四年九月初三日

賜中軍都督府都督僉事孫愚改名忠勅

勅中軍都督府都督僉事孫愚卿爲國懿親操履端  
謹今特賜名曰忠以彰厥美卿其益效勤誠以副朕  
鄒平縣志

卷之五

感

五

眷念之重故勅

宣德二年五月初八日

追封會昌伯孫七翁誥

奉天承運皇帝制曰朕惟君之嘉寵其臣必推恩其  
先世况中壺之所自而儲闈之外氏哉肆在先朝明  
著國典推誠宣忠翼運武臣特進榮祿大夫柱國會  
昌伯孫忠之曾祖孫七翁積善行慶源遠流長用致  
曾孫薦生賢淑輔朕理六官之政有子正元良之位  
泝厥所本宜有褒崇今特追封爾爲會昌伯惟德必



褒何間幽遠英靈不泯服此光榮

宣德四年三月二十八日

追封會昌伯孫七翁夫人張氏誥

奉天承運皇帝制曰朕惟善德之厚者其慶遠以弘  
國家於崇報之典蓋亦酌宜而施焉朕今建中宮正  
儲副之位而覃恩其外氏必泝所自此有國之常經  
也推誠宣忠翼運武臣特進榮祿大夫柱國會昌伯  
孫忠之曾祖妣張氏樂善施德垂裕有源致其令孫  
光我內輔今特追封爾爲伯之夫人服此恩榮永賁  
鄒平縣志

卷之五

戚畹

六

冥漠

宣德四年三月二十八日

加追封會昌伯孫復初誥

奉天承運皇帝制曰國家薦姻親之誼推福慶之本  
以爲其積厚者報亦厚蓋古今所同也推誠宣忠翼  
運武臣特進榮祿大夫柱國會昌伯孫忠之祖贈驃  
騎將軍僉都督府事孫復初好善樂義積德彌深致  
乃曾孫正位中壺今特加追封爾爲會昌伯靈爽尚  
存永膺光寵

宣德四年三月二十八日

加追封會昌伯孫復初夫人高氏諡

奉天承運皇帝制曰朕既冊建中宮立儲闈以隆王化之大本中宮父母咸錫褒榮泝厥慶源其來遠矣國之通制必有褒封夫人高氏寔推誠宣忠翼運武臣特進榮祿大夫桂國會昌伯孫忠祖妣善福之本世積孔厚今自忠而上三世咸加伯爵故特加追封爾爲伯之夫人服斯茂恩永光泉壤

宣德四年三月二十八日

鄉平縣志

卷之五 戚畹

七

加追封會昌伯孫士英誥

奉天承運皇帝制曰朕惟帝王之御天下后之祖考皆有封贈之制所以重善福之源厚姻親之道厥惟公典匪自朕私推誠宣忠翼運武臣特進榮祿大夫桂國會昌伯孫忠之父贈驃騎將軍僉都督府事孫士英茂德弘慶裕其令孫正位中宮助隆化本今特加追封爾爲會昌伯尚其歆服永賁無窮

宣德四年三月二十八日

加封會昌伯孫士英太夫人丁氏誥

奉天承運皇帝制曰朕於中宮之父母咸舉褒封之  
典然善慶所積其來有自故必褒封其祖父母焉推  
誠宣忠翼運武臣特進榮祿大夫柱國會昌伯孫忠  
母太夫人丁氏淑德賢行克積于家用致令孫表正  
中壺今加封爾爲伯之太夫人尚克欽承茂膺多福  
宣德四年三月二十八日

加封會昌伯孫忠誥

奉天承運皇帝制曰朕祇膺天命嗣統萬邦荷佑啟  
於祖宗建元良於國本瞻官闈之所自爰爵秩之有

鄒平縣志

卷之五 咸覽

八

加驃騎將軍都督府都督僉事孫忠躬履謙和志存  
端厚樂善無已不以貴而或淪循義有常蓋雖老而  
益慎用生賢淑光應星軒慶鍾嫡長之祥已正儲副  
之位褒顯之命宜爾增崇今特加封爾爲推誠宣忠  
翼運武臣特進榮祿大夫柱國會昌伯惟率禮允延  
於茂福惟好德克廣於令名其懋祇承永隆壽祿

宣德四年三月二十八日

加封會昌伯孫忠夫人董氏誥

奉天承運皇帝制曰朕統御國家致隆化本爰崇賢

德正位中宮矧時元良已陞儲貳母之所自宜進褒  
榮推誠宣忠翼運武臣特進榮祿大夫柱國會昌伯  
孫忠配夫人董氏慈順恭和內美彰著是生賢淑表  
正宮闈今特加封爾爲伯之夫人蹈善履謙福禔之  
本用儀戚畹永介壽康欽哉

宣德四年三月二十八日

賜會昌伯孫忠券

維宣德四年歲次己酉三月丁未朔越二十八日甲  
戌皇帝制曰朕祇膺天命嗣統萬邦荷佑鈔於祖宗

鄒平縣志

卷之五 戚畹

九

建元良於國本瞻宮闈之所自爰爵秩之有加中軍  
都督在都督僉事孫忠躬履謙和志存端厚樂善無  
已不以貴而或淪循義有常蓋雖老而益慎用生賢  
淑光應星軒慶鍾嫡長之祥已正儲副之位褒顯之  
命宜霽增崇今特封爾爲推誠宣忠翼運武臣特進  
榮祿大夫柱國會昌伯食祿一千石子孫世世承襲  
仍與爾誓除謀逆不宥其餘雜犯死罪爾免二死子  
孫免一死於戲惟率禮允延於茂福惟好德克廣於  
令名其懋祗承永隆壽祿

加封會昌侯孫繼宗券

維天順元年歲次丁丑十月壬辰朔越初七日戊戌  
皇帝制曰崇德報功聖王之典禮乘時奮義臣子之  
忠誠誕紀勲猷庸登爵土爾會昌伯孫繼宗乃戚里  
之懿親會昌伯之家嗣持已謙冲操存簡靜孝悌行  
於家德義聞於人旣襲簪纓之貴訖無驕怠之容乃  
者夙居南宮心便安適爾能慎防機禍密護朕躬已  
而奸臣謀變社稷幾危爾又能會合腹心之臣同爲  
迎復之計大寶復登臣民咸戴論功行賞而戚踈無  
鄒平縣志

卷之五

戚職

十

間酬勞獎善爾茅土宜加茲特授爾爲奉天翼運推  
誠宣力武臣特進光祿大夫柱國會昌侯食祿一千  
二百石子孫世世承襲仍與爾誓除謀逆不宥其餘  
雜犯死罪爾免二死子孫免一死以報爾功於戲爵  
祿者報功之器致之不易保之尤難惟秉忠盡孝可  
以事君親惟奉法循禮可以盡臣職毋怙勢以干政  
毋矜已而傲人懋膺寵嘉以克永世欽哉

御製祭文

維宣德六年歲次辛亥十月壬辰朔越二十九日庚

甲皇帝遣內官許源賜祭于會昌伯太夫人丁氏之靈曰爾有德有行善施于家用裕賢孫正位中宮佐朕治內爾身有褒封光膺榮養康寧壽考諸福兼全雖沒無憾矣訃音來聞特遣人賜祭仍勅有司厚加卹典用著親親之恩爾靈不昧尚克饗之

維宣德六年歲次辛亥十月壬辰朔越二十九日庚申皇后孫氏敬遣內官許源致祭于祖母太夫人丁氏之靈曰嗚呼哀哉惟我祖母恩德深厚教我育我用臻貴富方圖報效于劬勞曷意遽焉而謝世訃音

鄒平縣志

卷之五

感覽

十一

遠至哀慟奚勝敬用遣人詣祭靈筵嗚呼哀哉尚饗維宣德七年歲次壬子四月己丑朔越二十一日己酉皇帝遣內官許源賜祭于會昌伯太夫人丁氏之靈曰爾以椒房之親康寧壽終今當歸窆特用賜祭以著親親之恩靈爽如在庶其饗之

維宣德七年歲次壬子四月己丑朔越二十一日己酉皇后孫氏敬遣內官許源致祭于祖母太夫人丁氏之靈曰惟我祖母永終不復追思厚德欲報無繇嗚呼哀哉今當卽安窆敬用致祭惟靈如在

哀忱尚饗

御書扇賜會昌伯孫忠

手中鶴羽纔翻影座上松風已送涼  
幾陣風從窓下起半輪月在手中搖  
中署御書二大字  
廣運

之寶

今真蹟在孫氏邑人左都御史張延登摹刻于石

李賢撰特進榮祿大夫柱國會昌伯太傅安國公  
謚恭憲孫公神道碑節文  
公諱忠字主敬姓孫  
氏世家濟南之鄒平高祖而上代有顯宦曾祖復  
初父士英俱不仕以公貴皆追封會昌伯曾祖妣

鄒平縣志

卷之五

咸院

十三

張氏祖妣高氏俱贈夫人姚丁氏封太夫人公自  
幼端重稍長知向學選入邑庠力學不怠久之入  
貢太學聞見益廣洪武己卯擢山西介休簿邑素  
號難治令丞已爲豪橫所梗公至凡不率者悉置  
諸法政聲大振尋以外艱去服闋調河南永城時  
營造天壽山陵寢公率邑夫赴工撫恤惟周他邑  
夫多亡去公所部者俱存督理總戎嘉其能召與  
計事凡所需悉以委公事竣內補鴻臚序班時宣  
廟爲皇太孫將議婚仁宗昭皇后之母太夫人知

公第四女有淑德太宗文皇帝特遣彭城伯張昇奉太夫人之永城遷至京立爲皇太孫妃治宣廟踐阼冊爲貴妃陞公驍騎將軍中軍都督府都督僉事賜宴並錦袍犀帶宣德丁未今上皇帝誕生冊貴妃爲皇后越三年進封公推誠宣忠翼運武臣特進榮祿大夫柱國會昌伯食祿千石子孫世襲復賜誥券追封三代進公還家煇黃以中官隨仍幸其第慰問甚至未幾太夫人卒公乞奔喪復遣中官督葬事又嘗念公居第湫隘欲命工撤而

新之公辭曰自臣親之已爲寬矣勞人費財非所安也遂止公天性樂善好義鄉人有餓而請成者助周之不倍及卒葬以地有罷職而不能舉喪者助之棺衾而恤其家有受誣而請成者力爲申雪蒸用之有左遷者助其無一錢者鑿以金有坐受賂而貧無貸者爲償以其數有遺女無依者備粧奩以嫁有罷爵無贖田者推以與之有蒼頭詐取人財者代償而遣之歸凡善行不可勝紀疾亟謂子曰吾起家寒微不自意相連戚曉身都鄙爵實在



望外奈何起家難保家不易汝輩勉之以景泰二年九月十七日卒享年八十有五勅營葬于宛平縣西香山之原追封會昌侯謚康靖天順改元皇上復位復追封奉天佐理推誠宣力武臣特進光祿大夫右柱國太傅安國公改謚恭憲太夫人董氏加封安國夫人夫人諱元貞公同邑人父彥恭母齊氏皆邑之好善家夫人自幼莊重寡言既封夫人常被召入內小心慎密未嘗一語及外事出則未嘗一語及內事雖發予駟蒼若不與者凡公

濟貧恤寡施予之際夫人未嘗不極力贊之公歿有欲以烈禍中公家者事勢恟恟夫人教諸子辭以守之卒消其變天順以來夫人壽益高福益備子孫益盛而朝廷篤念外戚之意益厚一門榮顯前代無比已而遽以命醫治遣中官問安相屬於道既愈復作至彌留乃召諸子囑之與公治命一同夫人卒于天順四年四月四日享年九十有二卜以是歲五月十五日故公窆而合葬焉子男五人長繼宗會昌伯以翼戴功封侯次紹宗顯宗

伊都指揮同知次續宗都指揮僉事次緡宗錦衣衛指揮僉事女九人皇太后后各四

劉吉撰太傅會昌侯追封郊國公謚榮襄孫公墓誌銘節文 公諱繼宗字光輔姓孫氏孝恭章皇后之兄贈太師安國公恭憲公之長子母夫人董氏公幼天資凝重器宇不凡侍安國遊太學官介休永城鴻臚克修子道安之宣德初以椒房親授府軍前衛指揮使與弟指揮紹宗顯宗續宗純宗皆風彩峻整衷誠暴白宣宗皇帝持愛重之

鄒平縣志

卷之五

賦呢

五

每遊內苑及演武較射輒隨侍左右詩書圖書珍玩衣服鞍馬之賜前後不一公雖被寵榮愈謙抑守禮罔敢或矜時論稱焉正統中英宗皇帝顧遇益隆公益循孝謹與物無競作其慶堂適求諸公卿詩文爲二親壽遇儒紳至必延款與談道理論古今事得失成敗以擴其見聞因自號後樂已已之變痛惟大駕北巡竭家資以助迎復之使陞都指揮僉事景泰壬申安國薨襲會昌伯給世襲誥命是時英宗皇帝居南宮小人有構誣騰謗者或

爲公慄慄公曰禍福天也人無能違惟靜以自遣  
爲庶幾耳未幾羣疑果釋然公亦善自處於凡防  
危慮險密保翼消弭之計甚悉天順初因人心  
效順率弟姪子男迎駕復辟以功授奉天翼運推  
誠宣力武臣特進光祿大夫柱國會昌侯食祿一  
千二百石子孫世世承襲曾祖祖俱封會昌侯妣  
皆侯夫人考加太傅安國公妣封安國太夫人尋  
奉勅總督五軍等營操練並掌後軍都督府事加  
祿米三百石時權寵如曹吉祥石亨輩特迎駕功  
鄒平縣志

卷之五

職

七

皆勢賊熏天人莫敢近中外洶洶朝廷獨倚公爲  
重久之亨敗吉祥子欽反夜紉所結番胡攻燒禁  
門戕害朝臣公倉卒率家人往禦或曰賊氣且銳  
宜少止公曰朝廷有急吾爲勳戚大臣義當死何  
恤也卽會諸軍總戎督兵殺賊賊平而貪功者猶  
爭取類胡之人俘戮不已公請下令禁止其已俘  
者悉送官審實由是獲免者衆加太保給誥命次  
年奉安孝恭章皇后梓宮於景陵成化改元今土  
卽位尤加眷注新定十二團營命公總提督操練

開經筵勅知經筵事監修英宗皇帝實錄成又加  
太傅無何以年老且國戚不宜久典兵柄屢上章  
辭免上皆不允於後重違其意乃降勅其畧曰卿  
以戚畹之賢事我祖宗多歷年所股肱匡弼功在  
國家又曰今卿年躋八十復以老病請再覽情詞  
實爲懇切其輟五軍管管操仍理府事公復辭府  
事不允令有事免承旨旣又令雨雪免朝叅并朝  
朔望公不得已力疾視事數年乞贈安國爲太師  
遂薨時成化己亥十一月二十八日壽八十有五

公爲人至誠謹厚舉止詳慎雖處富貴無驕侈之  
習自天順後在朝元老莫逾之者代祀天地者二  
太廟一山陵一及充正使持節於東宮親王行冠  
禮成化初又冊后皆能謹慎儀度鮮有訾忒四夷  
朝貢位至及進士瓊林必陪宴有大政事必預議  
或有故不預必署公名一日英宗察知謂曰此事  
卿不預議而亦署卿名恐朕不行故也公叩首曰  
此無他皆爲朝廷耳英宗笑而從之後辭兵柄令  
舉可代者對曰知臣莫如君進退人才國之車事

臣何敢輕議嘗有所薦拔者不令其人知有所申  
救者如郭定襄天順初得保全亦深愜輿論至於  
治家睦族孜孜孝友侍安國太夫人瀕老無惰容  
比沒執喪不以衰替哀與禮愛諸弟情好備至與  
其季弟指揮純宗尤厚平生好善樂施周貧卹匱  
不可殫紀下迨僕從有貧苦者恒釋之石亨子宏  
沒爲奴相待如昔家人數百疾病昏喪撫助徧給  
配夫人丁氏先公薨子男四瑾早卒瓚珍璉俱錦  
衣衛指揮璉亦早卒孫男五鎮指揮鉞冠帶舍人

鄆平縣志

卷之五 感覽

六

鐸鏞鑿皆敦尚詩禮孫女八人長適駙馬都尉孫  
王漢次適武靖伯孫趙宏澤次在室次聘永康侯  
孫徐錡次俱在室諸孫及姪孫任指揮者八任千  
戶者五鎮撫者三冠帶舍人九武學生一餘有四  
人公卒之明日訃聞上深悼惜輟視朝一日遣中  
官賜白金楮幣綵段爲喪禮費皇太后皇貴妃皆  
有賜詔贈鄆國公謚榮襄遣官諭祭勅工部營葬  
事生榮死哀卹典備矣子瓚等謝恩訖將以明年  
二月四日安葬於祖塋之次乃具行實請銘

程敏政撰昭勇將軍錦衣衛指揮使孫公墓誌銘  
節文 公諱璉字國用姓孫氏濟南鄒平人孫氏  
自故安國恭憲公以宣宗章皇后之父顯其子今  
太傅會昌侯繼之歸然國之元舅胤系日蕃家法  
滋備若公亦可謂稱其家兒者矣然壽不逮其爵  
君子惜之公生而淳謹不與諸貴遊相將恭憲公  
鍾愛之論今太傅曰此子必克荷吾門宜善視之  
稍長出就外傳通經史大義學詞翰皆有可觀雅  
嗜古名賢書畫及山石花竹之勝以自適凡聲色

寶玩若不介意今太傅旣嗣伯爵天順初以翼戴  
功進封侯公遂以世嫡嗣太傅之舊官爲錦衣衛  
指揮使雖貴富而所處益謙無一毫侈倨之態今  
太傅摠五軍幾二十年公長贊畫其閒戲下之人  
多以濟而綜理家政尤克當太傅之心內外僮僕  
咸職其職而不敢肆與二兄瓚珍及羣從極親友  
歲時設燕奉諸父于堂以次稱壽驩如也諸勳戚  
家以爲美譚一或有不睦者卽相率以孫氏諭之  
公居母夫人丁氏喪哀毀甚或勸止之公泣謝曰

惟送死可以當大事執禮彌篤卒襄事得孱疾數  
載弗愈疾革諭其子曰孝事吾親勤學以無玷先  
範吾目瞑矣成化丁酉三月二十日卒年三十有  
六配蔣氏定西侯貴之孫先公沒繼湯氏參將胤  
勛之女俱封淑人子一人鎮異日當嗣侯者張氏  
其生母也

毛紀撰太保會昌侯孫公神道碑節文 正德庚  
辰三月二十四日太保會昌侯孫公銘卒于位上  
聞之悼情親視朝一日諭祭十有四壇賜齋糧麻

布各若干命有司營葬域如制公諱銘字自新世  
家山東濟南之鄒平曾祖諱忠由國學生歷任山  
西介休河南永城縣簿陞鴻臚寺序班篤生淑女  
簡入爲宣宗章皇后累官中軍都督府都督僉事  
以誕育恩封推誠宣忠翼運武臣特進榮祿大夫  
柱國會昌伯終贈太師左柱國安國公益恭憲配  
黃氏封安國太夫人祖繼宗襲伯爵南城翼戴英  
宗復辟進封會昌侯命總督五軍營掌後軍都督  
府事凡遇經筵侍班國有大事與會議我朝外戚

不預政繼宗以勲德故特命之時以爲鮮憲宗朝  
疏修國史書成加大傅沒贈鄴國公謚榮襄配丁  
氏封侯夫人父諱璉錦衣衛指揮使未襲爵卒追  
封太保會昌侯配蔣氏定西侯琬之女繼湯氏信  
國公和之孫女生母張氏錦衣衛指揮使貴之女  
俱封侯太夫人公以成化庚子襲祖爵自幼莊重  
沈毅脫去綺紈之習嗜讀小學武書習射藝天性  
甚孝痛父早世思慕至廢寢食事母敬養備至立  
身嚴慎處事詳審雖居勲戚不改儒素之風尚禮

敬賢人多稱之累命冊封親藩饋遺一無所受歲  
時遣祀皇陵必敬以將事癸卯兵部推公管理三  
千營弘治辛酉遷五軍營轉耀武營甲子兼理礮  
忠效義二營正德紀元改坐奮武營尋掌府軍前  
營事已巳廷薦提督神機營軍務僉後軍都督府  
事西夏平以功加大保賜金牌緣段公歷典兵戎  
克修厥職軍士畏威懷德退無間言而騎射閑熟  
一時武臣尤爲稱首先帝嘗御大內演武公以技  
能稱上意賜蟒衣玉帶寶鈔命掌右軍都督府事



轉中軍都督府正德末上北巡南征公總營務乃  
與文武重臣同心協議保固京師中外倚重竟以  
勞瘁成疾不起屬纊之際屬其子杲曰予德薄官  
以世爵兼太保名位已極恨無以報國恩身後勿  
請謚贈以重予杲遵其言享年五十有九配汪  
氏戚院都督英之女繼王氏嘉善大長公主女俱  
封侯夫人子男一卽杲承世爵才畧有父風娶顧  
氏鎮遠侯溥之女

正統十二年二月諭府軍前衛指揮孫繼宗等曰爾

鄒平縣志

卷之五

戚職

三

族人孫奉祖父子屢恃玩法恣肆克暴毆人至死法  
司鞠明請處以重法朕念聖母皇太后在上特推恩  
屈法寬貸姑令戍邊俾其追悔自新用蓋前罪朕嘗  
觀前代外戚族屬子弟憑藉聲勢肆爲橫暴卒致禍  
敗歷歷可覽况我祖宗法度嚴明尤非前代可比爾  
等務守禮分戒約族屬毋仍縱肆庶幾永保爵祿

天順二年太后母太夫人董氏壽九十兄弟五人長  
孫繼宗廕會昌侯次皆都督子孫數十人皆授官又  
有爲其宗親求恩澤者上謂輔臣李賢曰外戚孫氏

一門榮貴足矣太后之心正不以此爲慰此者授其子弟官請于太后數次方允且不樂者累日日何功於國家濫受祿秩物盛必衰一旦有于國憲吾不能採若聞求恩澤必大怒矣賢曰此太后盛德因問祖宗以來外戚不預政繼宗爲侯太后知乎上曰太后正不樂此初爲內庭近侍惑以關防之說至今猶悔日侯爲人淳謹不妨但後不可爲例耳上曰然四月繼宗弟顯宗家人私起塵肆專利病商事聞上謂李賢曰皇親豈可如此法之不行自上犯之賢曰陛下

以至公斷之誰不畏服乃命毀其塵肆家人抵法顯宗始免罪戒飭繼宗爲其弟乞恩上謂賢曰繼宗不知自責爲弟乞恩朕終不允賢曰真可謂王者不私矣

四年二月孫繼宗以子弟家人月報功陞官者二十餘人具奏辭免上召賢謂曰此事何以處之賢曰以正法論之盡當革去但念國戚於親子孫存之革其家人月陞者庶全恩義上曰然但此事若白於太后必盡革去雖侯爵未可保也賢曰惟陛下裁之上不

夫母后之心幸甚上日須如先生之言然後允當特命親子弟存之其家人昇陞者查革

成化元年科道合奏會昌侯孫繼宗叨居戚畹掌握重兵又命其子璜理錦衣衛事內外之權歸於一門非所以保全之也上日朕念皇祖妣遺德故特用璜今爾等陳保全之道深得治理其卽罷之

已上採皇明通紀憲

章錄  
等書

鄆平縣志

卷之五 戚畹

五

鄆平縣志卷之五

終

鄒平縣志卷之六

吳郡徐政聖齊父輯

名賢

邑之前詰首自伏生晉唐以下遂無傳人史冊所書多系長山章丘二縣雖出境內亦難追考五代之後遺獻足徵或采史書或稽祀典惟張氏二公則以不入賢祠特收之輿論定品流于月旦蓋取于精觀名德于九原嘗聞叔向然而邑之士夫大都淳謹忠厚邇自數十年間水火頻更玄黃屢戰而黨論盈朝不入甘陵之部奄權震國蔑趨常侍之門此則隻出熙豐待高蜀朔者也因並表而出之

漢伏生濟南人也

張晏曰名勝伏生碑云

故爲秦博士孝文時

求能治尚書者天下亡有聞伏生能治欲召之時伏生年九十餘老不能行於是詔太常使掌故鼂錯往受之秦時焚書伏生僻藏之其後兵大起流亡漢定伏生求其書亡數十篇獨得二十九篇卽以教于齊魯之間學者由是頗能言尚書諸山東大師亡不

尚書以教矣伏生教濟南張生及歐陽生張生爲博  
士而伏生孫以治尚書徵不能明也

史記漢書同○後漢書伏湛瑯

琊東武人九世祖勝字子賤所謂濟南伏生者也湛高祖父孺武帝時客授東武因家焉因徙去本邑故

不載五代田敏通春秋學梁貞明中登科調補淄州主簿  
不之任留爲國子四門博士後唐天成初改尚書博  
士賜緋滿歲爲國子博士上言請四郊置齋宮不報  
秩滿轉屯田員外郎以詳明典禮兼太常博士奉詔  
與太常卿劉岳博士段頤路航李居浣陳觀等刪定

鄒平縣志

卷之六

名賢

二

唐鄭餘慶書儀又詔與馬鎬等同校九經改戶部員  
外郎賜金紫清泰初遷國子司業晉天福四年授祭  
酒仍檢校工部尚書俄兼戶部侍郎開運初遷兵部  
侍郎充弘文館學士判館事改授檢校右僕射復爲  
祭酒漢乾祐中拜尚書右丞判國子監周廣順初改  
左丞周祖將親郊命權判太常卿事世宗卽位真拜  
太常卿檢校左僕射加司空顯德五年上章請老不  
允遷工部尚書改太子少保致仕歸淄州別墅恭帝  
卽位加少傅開寶四年卒年九十二敏解官歸鄉有

良田數十頃多釀美酒待賓客體強少疾徒步往來  
閭巷間不以杖每日親授諸子經自作父墓碑辭甚  
質敏嘗使湖南路出荆渚以印本經書遺高從誨從  
誨謝曰祭酒所遺經書僕但能識孝經耳敏日讀書  
不必多十八章足矣如諸侯章云在上不驕高而不  
危制節謹度滿而不溢皆至要之言也時從誨兵敗  
於郢故敏以此諷之從誨大慙敏雖篤於經學亦好  
爲穿鑿所校九經頗以獨見自任世頗非之子章至

殿中丞

宋史

鄒平縣志

卷之六 名賢

三

宋周起字萬卿幼敏慧如成人父意知衛州坐事削  
官起才十三詣京師訟父寃父迺得復故官舉進士  
授將作監丞通判齊州擢著作佐郎直史館累遷戶  
部度支判官真宗北征領隨軍糧草事以右正言知  
制誥權判吏部流內銓尋爲東京留守判官判登聞  
鼓院封泰山攝御史中丞考制度副使所過得採訪  
官吏能否及民利病以聞東封還近臣率頌功德起  
獨以居安爲戒進金部員外郎判集賢院初置糾察  
司獄司因命起起迺請諸已決而事有所枉及官吏

非理撈掠者並聽受訴從之擢樞密直學士權知開  
封府起聽斷明審舉無留事嘗奏事殿中適仁宗始  
生帝卽入禁中懷金錢出探以賜起改勾當三班院  
兼判登聞鼓院從祀汾陰留權知河中府徙永興天  
雄軍所至有風烈數賜書褒論三遷右諫議大夫知  
并州拜給事中同知樞密院事進禮部侍郎爲樞密  
副使起素善寇準準且貶起亦罷爲戶部郎中知青  
州又降太常少卿知光州稍遷秘書監徙揚杭二州  
又徙應天府復爲禮部侍郎判登聞鼓院以疾請知

鄒平縣志

卷之六 名賢

四

潁州徙陳州汝州卒贈禮部尚書謚安惠起性周密  
凡奏事及答禁中語隨輒焚草故其言外人無知者  
家藏書至萬餘卷起能書弟超亦能書集古今人書  
並所更體法爲書苑十卷累官主客郎中起子延荷  
以孝友聞官殿中丞延雋頗雅厚官太常少卿朱史  
元劉汝翼沈酣六籍該博古今登延祐進士授刑部  
侍郎兼行省左右司郎舊志作延祐狀元按元史無此狀元又云子衡拜監察御史次子原任翰林直學士玄孫文芳登進士第任翰林講制今亦附載焉  
王文燁字章甫勵志勤學博通經史天曆三年狀元

及第授翰林修撰累官至樞密院判文章政事爲世所尚以上舊志

明孫恪洪武末累遷懷柔縣簿民深感之奏陞知縣官至福建參議律身廉謹家無蓄積惟收書以遺其

後一統志

孫文澤字■孝友敦睦以貢爲陽城主簿邑大饑

白當道出倉粟賑之活數百千人陽城多山羣不逞聚黨爲亂文澤奉檄捕之乃練鄉兵陳山下爲檄諭

羣盜曰若以饑故亡命至于國憲累父母妻子若何

鄒平縣志

卷之六

名賢

五

法不治齊從吾不窮若盜聞之散者半越數日復陳

山下又令如前散者十八文澤曰盜可擒矣率兵鼓

行薄之盜悉奔竄山遂空當道太奇之曰得吏如陽

城者三晉可銷甲矣謝病歸龍陽城名宦

以下俱新脩

張一元字鳴春以進士知陽曲覈得豪宗隱田若干

頃治號敏幹陞考功司主事調文選歷員外郎中起

補驗封考功郎一秉公直不阿執政指出爲叙州府

同知未任改戶部郎尋擢光祿寺少卿太常寺少卿

提督四夷館通政司右通政陞都察院右僉都御史



巡撫河南歲大饑上疏請留贖金借鄖餉河北漕米請發內帑上悉從之全活甚衆葉大盜李自省挾饑民爲亂一元計擒之巡按御史希旨上言開礦一元執奏不可事得寢請告歸唯書數篋內行淳備置義田以贍族邑人稱之

張一亨字仲春少時父以失愛繼母出居兄一元爲諸生讀書隣郡菽水不給一亨乃自任紀綱力田作以養父母數歲家累千金又能先意承志得父心父卒兄宦京師喪禮悉出一亨晚年事兄如父訓子以鄆平縣志

卷之六

名賢

六

廉靖不黨其居鄉好施恒爲人排難以助賑千石賜義民爵一級以子延登封禮部祠祭司主事累贈至右都御史私謚惠康先生

張奇策字獻廷邑諸生事繼母撫庶弟以孝友稱樂施周急置義田以贍族衆置義塾以訓里人以子毓泰贈奉政大夫山西按察司僉事

成巳字爾仁以舉人知雄縣以節約自矢薄征緩省尉傳然不爲勢林中貴人弟姪素橫巳乃收其甚者窮竟之升固原州知州居家以孝友聞

張延登字濟美以進士知內黃有治行起復補上蔡  
歲饑以羨銀買牛種開荒田數千頃立共濟莊一所  
以給貧民爲令十年凡所費用一切取諸家中考選  
兵科給事中起復補吏科上疏平黨議止藩地飭軍  
實皆剴切可見之行以公事投劾去起陞太僕寺少  
卿大理寺左少卿太僕寺卿陞都察院右副都御史  
巡撫浙江首上疏毀權奄所立祠闖賊周三老擁三  
百餘艘闖入石浦延登率標兵疾馳賊圍昌國衛守  
將擊走之賊急攻爵谿不下聞官兵至宵遁延登乃

鄒平縣志

卷之六

名賢

七

會三區兵勦之賊犯石浦延登遣叅謀成大用以火  
攻之焚巨艦三十餘擒賊首滾江龍賊走大陳山立  
柵自固延登督諸軍深入燬其巢追至下鎮關賊遂  
潰去加兵部右侍郎乞歸起陞南京都察院右都御  
史陞工部尚書改都察院左都御史掌院事再乞歸  
再起南京都察院右都御史赴京考滿卒于家贈太  
子太保賜祭葬謚忠定有奏疏詩文二十卷行世延  
登立朝侃侃不阿三管內外計分考河南禮闈武闈  
主考浙江再掌都察院一署南刑部以却儷以得士

以平反見稱奉 旨有端凝夙執之褒居家孝弟先  
繼伯父一元以獨子上疏歸復本生每休沐杜門讀  
書二十一史諸子百家無不徧涉邑凡兩被兵而固  
守不下蓋張氏父子功爲多

張爾奎曰考之絳州志稱言芳博學謹守多善政  
滑縣志稱王廷對以正持已以禮訓士此見于他  
郡邑之志者法得附書

馬驢曰若張松之爲祁縣存治行著瀛南子及祁  
大夫嗣記傳於時劉光澤之勤學好古辭官不就

鄒平縣志

卷之六 名賢

八

孫熿之嚴重端方一介不苟林棠之好學不仕晚  
年樂施著荒政畧等書成嘉運之棄官學道號爲  
參寥子皆邑之一節自好可稱于後者附載於此  
無使其沒沒焉

隱逸

詩咏考槃易稱嘉遯是以班書始創已標王貢  
之篇范史嗣興特立逸民之傳鄒平在元有張  
慎與已祀學官如長白山人邵貞一者潔身牝  
朝垂名唐史千載以下無表而出之者不亦此

加之闕典歟安仁甫不詳其名滕處士并亡其  
字豈昔人所謂有迹無名號爲真隱者與無亦  
文獻之不足徵乎合而傳之亦高士之林而天  
民之鵠也已

唐長白山人邵貞一以武后革命終身不仕

唐書邵  
說傳

元張臨字慎與苦志勤學淹貫經史嘗讀書于長白  
山因號長白先生三徵不起教授生徒不遠千里而  
來延祐二年秋典山東試首得張起巖鄒維學皆名

士按元楊維禎文集云張公臨至元間由丘園官至  
祭酒布衣時讀書長白山中因以自號至今鄉人

鄒平縣志

卷之六 隱逸

九

十長白先生門人顯者爲狀元張夢臣中丞張朴大  
亦張誠李憲等數十人然則先生固嘗官祭酒矣  
安仁甫博通經史不樂仕進以耕讀爲業年踰七十

不入城市

建遐景翠微  
二亭見山川

滕處士性恬淡好遜屢徵不就

並舊  
志

孝子

梁鄒始侯其謚曰孝而事不著于史策惟元之  
鮑孝子則楊廉夫之文有足徵焉自茲以降代  
有其人並足補東哲之亡詩續黃香之遺傳矣  
昔夫子與子貢論士行次及宗黨之稱與曾子

言先王下列庶人之孝故雖微而必錄毋使其無聞焉

元鮑興字熊飛長白先生之外孫至正間隨父宦遊浙上值兵變避難於淞輒詭名氏逐時以事轉貨母王氏病罄貲求醫母喪三年守墓不入私室哀毀形骨服闋慮其父闕侍置大樓船一具摒擋家物共載父隨寓爲家父名隱字起之浮游湖海號漁樵主者楊維禎曰陶朱公端木氏皆用世之才不幸仕亂世有不能周身者輒退而積居與時逐然未聞二

鄒平縣志

卷之六 孝子

十

子孝而克養其志於父者也史氏載貨殖具四德曰仁曰智曰勇曰斷鮑孝子之轉化吾知其仁矣孔子曰孝弟也者其爲仁之本於乎鮑孝子之仁豈直施於貨殖而已哉

明劉興祖父母世貧無力去喪不舉興祖不避寒暄傭工市地收先世遺骸列昭穆以葬之躬負土封墓洪武二年有司以事聞于朝賜錢與衣十七年旌表其門

王勝年三歲父亡母改適依祖母馬氏撫育及長孝

事祖母比亡竭貲殯葬廬于墓側

高樂年五歲喪父及長充本府吏事母伍氏孝母終樂時赴京聞訃奔歸廬于墓側朝夕號泣負土築塋仍遷祖考妣叔嬖骸骨序葬成化中旌表

辛恕字貫之生員母喪廬墓朝夕號泣父亡如之凡五年未嘗返家



旌表

以上並舊志

張毓乾字健甫生員父喪廬墓三年歷任按院給獎列女

列女之名昉于劉向列三代以來之女而書之

鄒平縣志

卷之六 列女

十一

不專以節烈也夫以二帝三王典謨訓誥之書而出自一女子之口授則一伏生之女而已足為鄒平千古矣自時厥後史傳無聞唯節義者稱焉然非旌自

天朝獎諸憲府者留之以俟論定若乃抗節從夫甘心一瞑則不待上聞而錄之亦志家之例也又魏書載梓潼太守苟金龍妻劉氏遭梁兵圍城金龍疾病拒戰百餘日卒以全城受封但曰平原人而不著其為齊州故不列焉

漢伏生女衛宏古文尚書序云伏生老不能正言言不可曉也使其女傳言教鼂錯齊人語多與頽川異錯不知者凡十二三畧以其意屬讀而已

漢書注

元張義婦年十八歸三人李伍伍與從子零戍福寧死張家居養舅姑甚至父母舅姑病凡四割股及死喪葬無遺禮旣而嘆曰妾夫死數千里外妾不能歸骨以葬者以舅姑父母在無所仰故也今不幸父母舅姑已死而夫骨終暴棄遠土妾敢愛死平乃臥積冰上誓曰天若許妾取夫骨雖寒甚當得不死踰月

鄒平縣志

卷之六 列女

七

竟不死鄉人異之乃相率贈以錢大書其事于衣以行行四十日至福寧見零問夫葬地則藜藿四塞不可識張哀慟欲絕夫忽降于童言動無異告張死時事甚悲且指示骨所在處如其言發得之持骨祝口爾信妾夫耶入口當融如冰雪黏如膠已而果然官義之上于大府使零護喪還給錢使葬仍旌門復其役

元史 宋文 憲集作李午

明劉氏李進妻也夫亡子拳年三歲守節洪武十六年旌表

王氏楊煥妻也夫亡女幼奉養舅姑氏晝夜悲涕勤於女工葬祖舅姑夫四喪  
年旌表

滕氏韓傑妻也年十八夫亡守節孝養舅姑成化十年旌表

王隆女字孫守祖爲妻守祖九歲而死女守節不再  
年旌表

賈氏生員王庭芝妻也芝於萬曆乙亥二月卒氏守節六十年亦於崇禎乙亥二月卒撫孤灼及孫脉壯爲諸生萬曆四十四年旌表

鄒平縣志

卷之六

列女

三

孫氏生員呂從周妻也年二十夫病不食亦不食夫亡自縊死萬曆二十七年旌表

滕氏監生劉曷妻也年二十一夫亡撫孤延祚爲諸生守節六十年萬曆四十七年院獎

王應科女字康黑漢爲妻黑漢七歲而死女紡績事親終身不再字年至六十二天啓二年旌表

呂氏熊樹京妻也年十七夫亡孝養舅姑守節至七十五院獎

于氏廩生張萬程妻也年二十夫亡守節孝事舅姑



訓子同居官至知府廣居爲諸生封太安人年至七十六順治九年旌表

徐氏生員張毓坤妻也年二十五夫亡守節訓子景耀景輝爲諸生年至七十二院道獎

王氏張毓兌妻也年十八夫亡守節年至六十三縣獎  
孫氏劉汝錫妻也年二十三夫亡數日內舅叔俱亡氏孝養其姑及姑亡有遺女亦孀招之同居餽粥供給四十餘年無倦容

張氏生員孫熙然妻也年三十夫亡守節訓子葛森

鄒平縣志

卷之六

列女

古

爲諸生年至五十九府縣獎

劉氏宋儀妻也年二十八夫亡撫孤支燁守節五十六年院道獎

劉氏生員劉永錄女新城張三朋妻也十六歸張夫

有族兄張某欲逼之氏泣罵不辱全節以死知縣李  
世振治其事開棺相驗氏顏色如生

處張某如其辜  
兩院有獎待旌

王氏生員左永宏妻也夫亡年二十四子女俱無守節見年八十院獎

紀氏耿珠妻也既字珠而珠貧其父母改許他姓女

於將嫁之夕偕保母適耿氏謁其姑越六日歸寧父母拒之遂終身不見年三十而死珠亦義不再娶李氏夏加植妻也崇禎戊寅夫婦同被擄至章丘木寨氏謂夫曰今我不死汝必不逃乃吞砒而死植遂逃

梁氏王自申妻也戊寅年二十九新乳卽被劫氏大罵云速殺我定不出此房遂被殺

王氏梁某之妻也戊寅之變氏已避匿聞姑被執卽出詒之曰我新婦有裴奩姑得釋氏大罵而死姑竟

鄒平縣志

卷之六 列女

十五

以此全

王氏宗賢之女年十六歲戊寅被擄脫手投井而死越四日出其屍面如生

孫氏李作舟妻也年二十夫亡語人曰我所以不死者有子在也未幾子殤氏卽於柩旁縊死縣祭之

流寓

邑在春秋時傳爲夫子過化之地遠不可考矣惟漢宋以來徃徃跡以名留地因人重范相之金猶聞古寺鄭公之草偏出空山千載之下聞

風興起者必於焉繫之固茲邑之人所歎誦而  
不忘者也爰撫古今寓賢合爲一編以附人物  
之後

齊陳仲子元和郡國志云長白山昔陳仲子夫妻隱  
此

漢鄭玄字康成三齊畧云嶺山鄭玄注書之處山上  
有古井獨生細草葉似薤俗謂鄭公書帶草

魏劉芳字伯文彭城人父邕同劉義宣之事死彭城  
芳隨伯母房逃竄青州曾赦免舅元慶爲青州刺史

鄒平縣志

卷之六

流寓

十六

沈文秀建威府司馬爲文秀所殺芳母子入梁鄒城  
慕容白曜南討青齊梁鄒降芳北徙爲平齊民芳雖  
處窮窘之中而業尚貞固聰敏過人篤志墳典後官  
至太常卿謚文貞

宋范仲淹字希文唐宰相履冰之後其先邠州人也  
後徙家江南爲蘇州吳縣人仲淹二歲而孤母更適  
長山朱氏從其姓名說少有志操旣長知其世家迺  
感泣辭母去之應天府依戚同文學舉進士第爲廣  
德軍司理叅軍迎其母歸養改集慶軍節度推官始

遷姓更其名官至叅知政事以戶部侍郎知青州卒  
謚文正

明夏允彝字彞仲華亭人爲都御史張公延登門人  
携孥至鄒平讀書三年中崇禎十年進士官至吏部  
考功司主事聞國難赴水死

鄒平縣志卷之七

吳郡徐政聖齊父輯

科目

進士之科始自唐代邑無聞焉豈無其人蓋湮滅而不傳也宋元之傳者已載之名賢而自洪武至今三百年得進士十八人舉人七十五人雖其人之樹品砥行不盡繫乎此亦可以見國家待士之隆而茲邑人材之盛也故具而錄之毋使其無傳焉

鄒平縣志

卷之七

科目

進士

洪武二十一年戊辰

李儀

官至刑部左侍郎

成化五年己丑 言芳

官至廣平府知府

八年壬辰

張

鳳騫

官至太僕寺寺丞

隆慶二年戊辰 王之士

官至河間府知府

五年辛未

張一元

官至巡撫河南都察院右僉都御史

萬曆二十年壬辰 張延登

一元侄官至都察院掌院事左都御史太子太

保

天啓二年壬戌

張毓泰

官至江西右布政使

崇禎元年戊辰 劉開文官至湖廣布政司參議 呂弼周官至

河南布政司參議 兼按察司僉事

順治三年丙戌 張萬綬延登任博野縣知縣 梁知先見任武昌

府知 六年巳丑 劉愷麻城縣知縣 成晉徵巳孫歷任

太原府 十二年乙未 李棟朝見任宣城縣知縣 十

五年戊戌 成瑞石巳孫 十六年巳亥 馬光狎漢

子 馬驥光從兄 十八年辛丑張爾奎延登孫 韓敬所

又萬曆十四年丙戌科有王嘉謨以豹韜衛人原

籍鄒平登進士

鄒平縣志 卷之七 科 二

舉人

洪武十七年甲子 張傑官至北平布政司左叅政 二十年丁

卯 李儀見上 二十三年庚午 周幹監察御史

景溥鄭州學正 韓迪太原府教諭 二十六年癸酉 孫

碩官至四川按察使 李奇無為州訓導 張儀義勇衛經歷 二

十九年丙子 劉睿寧遠縣知縣 景琛清豐縣知縣

建文元年巳卯 李肅徽州府推官 張昂漳縣教諭

仍稱洪武三十五年壬午 王訥陽曲縣教諭 耿昇監察

史 御

永樂三年乙酉 周冕 官至延安府同知 李止 咸寧縣丞

九年辛卯 張魯 官至廣平府知府 十二年甲午 韓

進 官至太僕寺卿 王惲 晉府審理 十五年丁酉 任俊 當

縣知 十八年庚子 王鎰 順德府推官 任亨 訓導

王震 鳳陽縣主簿

宣德元年丙午 張紀 榆社縣教諭 十年乙卯 賈諒

滑縣教諭 王理 唐府紀善

正統九年甲子 傅顯 象山縣知縣

天順六年壬午 言芳 見上

鄒平縣志 卷之七 科目 三

成化四年戊子 張鳳騫 見上 七年辛卯 呂正

常德府推官 十三年丁酉 孫鵬 崔獻 桃源縣知縣

弘治二年巳酉 孫大經 官至南京戶部郎中 五年壬子

張永康 孟縣知縣 十一年戊午 耿尚忠 句容縣教諭

正德十一年丙子 賈懋 官至衛輝府同知 呂夔 正子鉅鹿縣知

縣 劉戡 劉濶

嘉靖四年乙酉 孫文瀛 官至唐府長史 陳嘉言 二十

五年丙午 陳其蘊 解元 劉漑 洺弟 三十四

年乙卯 孫養默 夏縣知縣 四十年辛酉 劉棟 光澤子獲鹿知縣 四十

三年甲子 張一元 見上

隆慶元年丁卯 王之士 見上

成巳 官至固原州知州

四年庚午 郭崇儒 知縣

萬曆十九年辛卯 秦宗周 張延登 見上 二十

八年庚子 李度 官至海間府同知 三十一年癸卯

林棠 三十四年丙午 孫熿 鵬曾孫官至 呂

弼周 見上 三十七年巳酉 張毓泰 見上

天啓元年辛 劉開文 見上

崇禎三年庚午 崔凌霄 十五年壬午 梁知先

鄒平縣志 卷之七 科二 四

見上 張萬綏 見上

順治三年丙戌 馬驥 見上 韓毓質 賈士準 見

黃縣 教諭 五年戊子 王錫申 之士曾孫見者 劉

愷 見上 成晉徵 見上 韓敬所 八年辛卯

張爾奎 延登孫 馬光 見上 成瑞石 見上 十一

年甲午 張景欵 毓泰子 劉玉森 延孫 李棣朝 見上

劉竹素

辟舉

古之取士往往科目與辟召兼行其後慮人之



月濫而一切委之衡文于是科目畸重而賢良之舉人材之薦茂聞矣考之舊志得三人焉志之

孫恪 洪武中以人材舉官至福建布政司參議

劉文進 以人材舉官至都察院右副都

御史 劉文義 官至平涼府同知

貢監

國家貢士之制其初有歲貢有恩貢其後乃有拔貢有副榜貢有功貢有例貢夫士之所遇各以其時至于宣力

鄒平縣志 卷之七 科目

五

天朝垂名異日則一而已矣是以合而列之而例監之出仕者亦附見焉舊有貢士榜在明倫堂比年棟折榱崩已亡之矣詢之士林多不記憶嘉靖以後姓名遂寥寥云

朱恣 孫愚 賜名忠太傅封會昌伯見朕晚 耿寬 李餘 侯郁

賀儼 梁堅 任企 李勝 劉耀 禹珪 韓

嵩 涑水縣知縣 段浩 遼州知州 李衡 言顧 彭城衛經歷 管

敬 嵩縣教諭 王賁 階州知州 黃寧 孟灝 無為州判官 張靖

鳳陽縣 主簿 宋徵 介休縣丞 姚允 大興縣丞 王慶 廬江縣知

縣 魯能 高陽縣知縣 管陽 河優縣知縣 張賢 張敦 傑

寧海衛 任傑 龍驤衛經歷 宋崇 靈石縣主簿 衛拯 寧州吏目

耿聰 穆恭 永和縣知縣 耿璧 朔州大使 張慎 麻城縣丞

呂剛 主簿 周毅 肥鄉縣丞 張祥 張翊 台州府經歷

李謹 永口縣大使 張睿 臨淮縣丞 耿居 永年縣知縣 張迪

泰和縣 孫鉞 李森 桃源縣主簿 于聰 訾俊 豐潤縣縣丞

李裕 宜陽縣主簿 張好學 深澤縣主簿 張昂 長子縣主簿

張瓊 典縣主簿 郭敞 上虞縣大使 李宗州 李璿 在東縣知

蓋聰 蒙城縣知縣 傅選 真定府通判 顏正 高郵州州判

鄒平縣志 卷之七 升目 六

韓鈺 無為州州判 王瑾 鴻臚寺序班 耿俊 蒼梧縣主簿 辛恕

南和縣 張濂 臨城縣訓導 王九成 口山縣丞 張英 上蔡

縣縣 張琴 傑玄孫荆州衛經歷 張杲 景州訓導 傅廷訓 清河縣訓

導 張寶 遼州州判 孫芳 陳明 鳴驤衛經歷 馬京 王

思增 韓昂 隆慶州訓導 魯珣 畧陽縣主簿 訾綬 孫鼎

束鹿縣 辛希仁 高邑縣教諭 穆縉 甘泉縣訓導 韓範 長葛

縣訓 霍典 孟津縣訓導 李遷 磁州訓導 言棠 延長縣訓導

穆綬 韓繼 王璿 崔棟 劉遠 陳州訓導 呂岳 正子

衡州府 張申 傅淵 並舊志 呂克恭 官至榮府左長史

推官

宋翰州同知 劉應祿學正 韓鏜學正 趙常生州同知

劉光澤 張朝臣傑玄孫武清縣訓導 孫寶磁州州判 張松祁縣

知縣 李馨官至魯府教授 呂克敬昌樂縣訓導 胡大化雒陽縣教諭

論 孫繩 孟豪 李超庭馨子黃岡縣教諭 孫養朴登州

府教 傅好古登州府訓導 石永貞訓導 張表靖海衛教授 孫讚

王之賢文登縣教諭 梁雲鴻州同知 張表靖海衛教授 張

維寶坻縣縣丞 李勝靈寶縣知縣 孫志堅教諭 石永安訓導

梁雲峯 孫思忠博野縣訓導 孫梯鵬孫高郵州同知 劉

治 成功 劉雲翼訓導 賈正金華府教授 張問明魚臺

鄒平縣志 卷之七 科目 七

縣教 張師載陳留縣教諭 秦宗道宗周弟寧津縣知縣 魏應

乾 教授 張一貞一元弟 劉文燁嶺子豐縣訓導 王廷對之上

子雙流 刁輔漢曹縣訓導 孫善教魏縣訓導 景星夏津縣訓導

導 孫炳然淮安府訓導 王孔化 賈思信 張萬選

延 登子歷任刑部 曹應召知縣 程惟幾 程惟康

西安衛 薛培元范縣教諭 成景運巴子絳州州判 成嘉運

巴子高郵 成昇運巴子兩淮運使名官 呂士周克恭子 張萬

鍾 延登子鎮 趙士元堂邑縣訓導 孫燦莘縣訓導 韓緒

愈 滋陽縣 孫銓 成澹石巴孫應天府訓導 王思讓

劉繩休 樓霞縣訓導 劉允珍 嶧縣教諭 薛之白 蓬萊縣教諭

呂繹如 彌周姪歷任湖廣布政司參議 張景燊 毓泰子 張萬斛 延登

子 郝大綬 沈丘縣教諭 劉巨鯨 馬獅漢 沂水縣訓導

張世居 延登孫 崔冲霄 伏羌縣知縣 劉羽達 見任新塗縣知縣

郝玠 傅元弼 高密縣訓導 張協居 延登孫 馬翎漢

見任海陽縣 王命申 之士 成象台 已孫 成和徵 已孫

孫鍾璜 丁酉訓導 趙天民 已上貢生舊志例不載 孫

鵠 任丘縣縣丞 孫昱 長興縣縣丞 穆崑 會稽縣主簿 孫鵠 鹽山

縣知 李永昌 盧龍縣知縣 趙存仁 揚州府知事 李汝舟

鄉平縣志 卷之七 科目 八

寧國府 劉載 同官縣主簿 李簡 尉氏縣縣丞 孫文瀚 陽

前部 孫文澤 文瀛兄陽城縣主簿見名賢 韓鏜 鉅野縣教諭 傅

繼志 潞城縣縣丞 景陽 溧陽縣縣丞 傅繼美 主簿 孫養素

武平衛 傅居巖 婺源縣縣丞 劉樞 主簿 孫養初 文瀛子和

州同 傅瑞璋 縣丞 孫煥然 鄖陽府照磨 張延庚 應天府簡

較 陳王前 邳州吏目 王仰 光祿寺署丞 孫楨 兵馬司指揮

王錢 昭磨 孫栻 寧國府經歷 劉埏 兵馬司副指揮 劉翼明 西

衛經歷 已上監生 舊志例止載出仕者

邊貢孫生送行卷後序 贈行詩一卷凡若干篇

蓋朝之諸大夫爲孫生作也生故鄒平人年十六入太學能修其業有聲譽籍籍縉紳間故諸大夫皆內交焉太學五年入譯館爲譯館生又能修其業有聲籍籍也居六年業成而將仕乃一旦翻然曰吾父在外吾親老孰爲養者不歸吾無以子爲也卽日上書皇帝闕下上憫其情而允之遂束裝歸諸大夫相告曰吾屬在朝所內交者亦衆矣然少年而修其業有聲譽籍籍如孫生者幾人也卽有能修其業有聲譽籍籍如孫生者然將仕矣而

又能思其親遂一旦去者幾人也是惡可以弗有言也此詩之所以作也詩之作蓋在弘治丁巳春又十一年爲正德戊辰生來京師會予逆旅中出其卷以相示已而愀然曰鄉也吾得諸大夫之詩也以爲吾親榮吾未嘗以去左右今吾親墓木已拱而卷中之人有去者有死者有仕於四方者而亦老矣而在朝者幾人也言旣歛歛以泣予感其意爲之辭以志之然又恨諸大夫之不及見其將

身慕也

按孫生不詳名字以其文存之

封廕

國制之有封也是人子本諸父母之義其有廕也是

帝王賞延于世之心合是二者而天倫具人情

浹矣志烏得不紀焉以之教孝作忠必繇乎此

孫資

以子文瀛贈文林即亳州知州

孫文瀛

以子養初加封進階朝議大夫

孫

文澤

以子養默贈文林即夏縣知縣

言賓

以子芳累贈奉直大夫南京兵部武選司員外

張佩弦

以子一元累封吏部郎中以孫延登累贈資政大夫南京都察院右都御史

張一亨

以子延登封吏科給事中累贈資政大夫南京都察院右都御史

王陽

以

之士封南京

成憲

以子已封文林即雄縣知縣

呂輓

以子克恭贈文

鄒平縣志

卷之七 封廕

十

林即靜樂縣知縣

呂克恭

以子彌周加贈奉政大夫

孫梯

以子熿加贈儒林郎

李萼

以子度贈文林即臨縣知縣

張奇策

以子毓秦累贈奉政大夫山西按察

使司副

劉延祚

以子開文封文林即武安縣知縣

張萬程

以子同居贈南

戶部廣

呂典周

以子繹如贈承德郎大名府通判已上封贈

張同

居

以祖延登廕仕至廉州府知府已上廕子亦止載出仕者

武職

自二南之日而赳武夫詩人已致思焉至于

四郊不寧拔卒為將而韎韐跼注之倫乃綦重

矣文事武備國所不廢而將帥之選其容已乎

邑以經術著于古初然未嘗無習六韜之書者也故志之

**楊榮**

武功中衛  
指揮同知

孫雄

潼關衛  
指揮使

王九思昭勇將軍孫鑑碑節文 昭勇將軍孫公者諱鑑字克明其先山東淄川人徙鄒平乃遂爲鄒平人七世祖福金末備盜鄉邑有功元興授銀符爲軍民千戶以收河南功當調而鄉人愛之留爲鄒平將丞福四子長子希武襲爲千戶授金符守備睢州後征海州不幸中流矢死希武六子其

鄒平縣志

卷之七

武職

十一

仲子惟方惟方二子其長子曰繼祖繼祖子讓讓四子其長子曰本當是時元末天下亂高皇帝提兵驅逐胡虜而本以壯士歸附隸籍濟南追寇金山下戰死其弟智代之智亦戰金山死而其弟雄復代之隸燕山右護衛洪武三十二年文皇帝南靖內難雄爲前鋒攻懷來雄縣莫州取之陞小旗又取大寧鄭村壩敗齊秦軍進爲總旗取蔚州攻圍大同大戰白溝河招募忠勇千二百人陞武功中衛左所副千戶又克滄州戰夾河藁城勝之救

捕開州叛民若干人獲哨馬數十匹陞正千戶又  
攻東阿東平汶上克之南攻靈壁破大軍克泗州  
渡江克金川門有功陞羽林右衛指揮使文皇帝  
平定海內雄虜從而北又北擊達賊木鴨失里阿  
魯反瓦刺是時關中無事而襟喉在潼關不可無  
人帝獨念之深一日熟視雄而曰舍雄無可守潼  
關者雄頓首謝乘傳至關而孫氏之隸潼關也蓋  
自雄始雄以天子心腹臣受命當要路又智勇絕  
人者以此名動關中雄生子真真生一子是爲昭

鄒平縣志

卷之七

武職

十一

勇將軍孫公者也

自鑑以下皆隸潼關不錄

王節

錦衣衛指揮使子佐孫綱襲有記文見冢墓

李銘

武成衛指揮使掌後軍都督府

性都督僉事

劉信

武功衛千戶

丘磊

山東總兵掛鎮東將軍印後軍

都督府

張萬選曰丘將軍故儒生高才能文喜爲詩歌無

投石超距之力而運籌決勝一身皆膽曾遣部曲

保全縣城杆遭讐陷而死異日史臣自當爲之昭

雪若本邑之人固難忘其杆禦之功者矣

詳見職官條下

張萬毅

開歸游擊將軍



馬驢日記言君子聽鐘聲則思武臣聽磬聲則思死封疆之臣二者並舉是以先王既立武勲爲勇爵而于死事之喪則下及平廝養以余所見壬午之冬有張守備者奉丘副將令來守城身當矢石不避與其屬五人皆死葬城之西南五人者皆遼人而邑人有呂成名者天啓初爲臨清營旗牌官以征妖賊陣亡法竝得書故附之武臣之後

吏掾

漢初重刀筆之吏以文無害得至大官今則循

鄒平縣志

卷之七

吏掾

三

資平進而巳即有超軼之材無以自見而志不沒其名使邑人之以是途舉者讀之而知自立亦厲官方之一道也

李鎮

太醫院院正

劉伸

欽天監五官靈臺郎

穆君儀

縣丞

紀邦

文

溧陽縣典史

李從義

遼州吏目

劉壑

睢州州判

宋翰

義勇後衛

經

呂瑛

史

孫三畏

陝西山陽縣林關巡簡

宋文燁

天津左衛

歷

劉允璉

懷慶府倉官

吳一魁

絳州吏目

孫徽宗

吏目

明道

巡簡

孫縉

吏目

劉璣

蘄州巡簡

張身

定興縣典史

刁

應魁

巡簡

前朝官

劉霆

太醫院吏目

李正開

潼關衛

歷

成正立省

鄒平縣志

卷之七 夏錄

古

鄒平縣志卷之七 終

鄒平縣志卷之八

吳郡徐政聖齊父輯

僊釋

自昔安期羨門之倫迦葉毘盧之輩無不棲跡  
名山留情勝地而邑之長白高稱副嶽玄號洞  
天雪山真果視此非遙姑射神人去之何邈固  
宜靈僊高袖時出其中覽故碑而神飛睇青松  
而願往矣若附會之流夸誕之說吾無取焉

由吾道榮琅琊沐陽人少爲道士入長白山泰山又

鄒平縣志

卷之八 仙釋

一

遊燕趙間後見異人於晉陽乃傳其術隋開皇初徵  
授上儀同三司諫議大夫沐陽縣公今山下多姓由  
者

釋寶誌不知何許人

梁簡文帝慈覺寺碑云  
師自說姓朱名寶誌

有人於

宋泰始中見之齊宋之交稍顯靈跡被髮徒跣語默  
不倫預言未兆言多玄驗梁武帝尤深敬事天監十

三年卒今醴泉寺有碑

見遺文

宗泐號季潭姓周氏臨海人元末學佛凡經書過目  
輒成誦寓情詞章尤精隸古洪武初嘗命往西域取

佛經還授僧錄右善世有奉詔註心經金剛楞伽三經及所著全室集行世永樂二年寓長白山劉氏有詩刻于石見遺文 此皆一人而更歷數代故不書代

### 寺觀

昔韓昌黎欲廬老佛之居而不知三代以下名山勝地徃徃二氏為主而吾儒為客若夫醴泉之寺范公所由奮跡而伏生之祠香火寥落乃更委之羽流使一切去之則荒祠無灑掃之人古寺絕伊吾之士矣留之以助吾儒而不以之

### 鄒平縣志

### 卷之八 仙釋

亂吾儒何必鯁鯁議去哉邑無巨宮名刹即私朔之宇亦數今僅載其領于祠部者

真如寺

在縣治南

醴泉寺

在縣西南三十六里有范文正公祠及誌公碑

福

興寺

有二一在縣西北四十里哩鎮

興隆寺

在縣東北

五十里龍桑樹

觀音寺

有二一在縣北六十里一在縣東北二十里言李莊

講主

寺

在縣東北四十五里

三教寺

在縣東北七十里何家店

鳳凰寺

在縣西

十里鳳凰山

大雲寺

在縣西北十五里

釋迦寺

在縣東北十里

紫微觀

在縣東關今為東嶽廟

長春觀

在縣西四十里辛梁鎮今為寺

墓

過歷山者每疑太甲之陵適海上者或弔康王之冢皆事闕曩文名湮今代邑之山野古墓頗多如城西十里隆然二冢號爲太子陵者固不可知其爲何代也若景相公之墓大書周顯德三年者而舊志誤爲晉之景延廣通志仍之王元美作魏勗妻景氏誌又仍之雖其子孫亦從而惑焉聞舊有祠堂而縣令以爲石晉誤國之臣毀之矣吁作志之害乃至於此今並考而正之異日名卿覽古追思武子之原霸國交兵特

鄒平縣志

卷之八 丘墓

三

禁士師之壟是不爲無助云

虞世子墓在縣東南一里許黃山西麓下

或疑以爲古姚姓之

君而譌爲世子也然邑境內有魚子溝又有于茲山又有虞世子墓魚于虞共是一字以音而轉耳其爲姚姓之君與否亦不可得而詳矣

漢梁鄒侯墓在縣東南一里

舊志作鄒虎大王云是本邑始封之君世稱陵

寢近年被僧徒混葬于內幸舊址尚存嘉靖二年巡撫陳公按臨命同知李黼毀其塔徙其骸按漢梁鄒侯武虎此或併其名而稱之又附會之以大王耳

伏生墓在縣東北一十八里

見祀典

提學副使陸欽詩 斜日下荒壠蕭蕭溪樹陰白

頭秦博士青史漢儒林古碣龜文斷平沙鳥篆深  
祇餘齊魯化絃誦滿青衿

後周中書侍郎同平章事景範墓在縣西南五里見遺

宋王泉墓在縣東南十里大峪山舊志泉字永清官至西衙丞相立朝

目不他視惟瞻其靴人號靴頭丞相按宋史無此人  
其墓上有碑乃弘治二年儒學教諭張輪立誌其官  
日西衙相府丞而已碑云丞之後一日伯馴日原衛  
指揮使再傳至  
孫綱立此碑

劉真人墓在縣東南一里舊志今湮無考

鄒平縣志 卷之八 丘墓 四

元追封京兆郡侯宋敬之墓在縣西南三十里滑莊

東一統志云鄒平人官至輕騎都尉追封京兆郡侯  
子紹明官至和州行省參政今墓上有碑已作文

多磨 城

縣丞孫福墓在縣西北十六里孫家莊碑額曰總把孫公祖考之

碑其文為歸德路儒學教諭張德翁撰畧云公諱最  
其先淄川人祖諱福以材武見稱金季兵荒眾推為

總領盜莫敢侵後受撒里歹駙馬劄付懸帶銀符充  
軍民千戶壬子收口河南既畢論功行賞授鄒平縣

丞居官三十年闔境人民咸感愛焉長子希武承父  
職換授金符從征海州為飛矢所傷卒于軍次希亮

初除長山簿再任襄強次希何至元己巳大例簽軍  
受本路總管府劄付充百夫長領軍圍用襄樊遂撥

屬水軍萬戶府甲戌渡江所至有功授忠顯校尉官  
車總把丙子收隆興收建昌下昭廣戰功最多戊寅

加昭信校尉收廣州博羅縣及黃瀝水寨奪其戰艦  
軍資甚衆換承信校尉癸未入廣收捕賊首黎德等  
於三江門紫泥口丁亥賊元帥張公下交趾到安邦  
與賊交戰彼衆我寡挺身直前陣亡公于辛卯十  
一月承襲父職授昭信校尉管領父元管軍馬充上  
百夫長壬辰癸巳隨行院副樞于曹都鎮撫行贛州  
南安南雒等入敵壘殺死三十餘人賊兵大潰振旅  
而還甲午乙未丙申間再隨行院官收贛州長老山  
及汀潮二郡公家祖宗以來從戎出東江西廣南瀾  
北征戰屯戍衝霄矢石出百死得一生者不可勝計  
其碑銘俱  
全可讀

賈氏墓在縣西三十里

其碑爲參知政事劉敏中撰  
文曰賈氏世爲濟南鄒平人

祖諱福二子長諱珍次諱友爲人淵淳慎靜寡婦孫  
老矣以白金一口見託而他適踰十年歸付其所託  
封識宛然婦驚泣再拜願分其半爲謝弗受嘗遇口  
人遺口道上去無口口者獨追及與之又嘗以生組  
鄒平縣志 卷之八 丘墓 五

若干絢送染人既染染人以歸他日福之則絢多以  
十數亟持往還其人其人愕然悟曰此某氏組也忘  
之矣微子吾惟償之耳至元辛巳六月十日辛年六  
十四二子曰馴字致道尚書君也曰騏字顯道監濱  
州稅尚書君始由提刑吏陞察院轉戶部歷臺省掾  
爲戶曹主事進中書檢校官劄繁析剗擢右口都事  
遷兵部員外郎時附京諸驛煩弊君爲一一設法使  
得輕重均壹君以歲秩當更驛夫數百人遮宰相號  
日若賈員外去吾屬困苦死矣會成宗獵城南宰相  
以君見即日進授郎中官奉直大夫踰年改工部加  
奉政大夫君益精口自勵毅然口口部口口爲已任  
不以次列介意凡百工五材之用審曲面執之宜多  
寡之殊久速之程皆心規日度靡不曲當吏弊無所  
措京師始未有孔子廟至是詔有司建止并置國學  
丞相備以委君君入理曹務出營廟事旦夕勤劬無  
風雨寒暑已而構締宏麗廟學俱興朝野瞻仰莫不  
咨嗟美贊謂君爲有功於斯文矣以朝請大夫進授  
口口即聖天子嗣位拜其部尚書加少中大夫初至

元間巨姦專政竊生殺柄弊制外內視臺憲善良如仇敵山東提刑副使李唐卿正人也爲其使所誣巨姦奏請省臺雜治欲置李與數十人若於死君時爲小吏以連證逮口同口署口口風旨一與所誣合而君獨以實對困辱百至不易巨姦使啖以利誘以官不易苟以死亦不易繫凡三歲執如前李竟得訟大獄以解時論翕然以古人期君其末云至大二年巳酉三月二十一日嗣男少中大夫工部尚書馴立石

賈氏墓在縣東北六十五里其碑爲元至順二年國子司業張臨撰

孟氏墓在縣西南三十五里董家莊東碑已仆其額云孟公摠把

先塋之碑其文磨滅不可識

陳氏墓在孟氏墓東半里碑已仆其額云濟南陳氏

行云至大元年戊申

鄒平縣志 卷之八 立墓

明孝子劉興祖墓在縣南五里

追封會昌伯孫七翁墓在縣西三十里青陽店南鳳

凰山中順大夫詹事府少詹事兼翰林院侍讀學士曾榮撰碑

追封會昌伯孫復初墓在縣西三十里青陽店南鳳

凰山中順大夫詹事府少詹事兼翰林院侍講學士王英撰碑

追封會昌伯孫士英墓在縣西三十里青陽店南鳳

凰山中順大夫詹事府少詹事兼翰林院侍讀學士王直撰碑 三碑並完以文多不錄

贈太子太保南京都察院右都御史張延登墓在縣

西五里詹事府少詹事兼翰林院侍讀學士方拱乾撰碑



災祥

春秋書災不書祥而水旱蝻螽與日食星隕之類比而書之凡以告有國者敬天渝重民事也沈休文作宋書而立靈徵志是符瑞之所由始矣史之所存志烏得而削諸若夫弭災召祥則繫乎司土者

晉太康六年春三月戊辰梁鄒等八縣隕霜傷桑麥  
南宋孝建三年春閏二月乙丑有白兔見平原獲以獻  
大明五年秋九月庚戌河濟俱清平原太守申

鄒平縣志

卷之八

災祥

七

纂以聞

宋乾德三年冬十月丙寅濟水溢鄒平 四年秋八月清河水溢壞鄒平縣田舍

元至元二年秋八月丙寅鄒平縣進芝一本 大德六年春正月鄒平縣進芝一本五枝五葉色皆赤 至正十九年蝻五穀不生

明成化九年春三月四日晝晦 十六年九月地震

正德元年鄒平王府產芝二本

按此不在邑境以其名存之

嘉靖三十二年大旱 萬曆四十三年大饑人相食

四十八年城西南碑樓莊地裂廣尺許長數丈深不可測數日復合 天啓元年旱蝗 二年春二月癸未地震 崇禎十一年夏蝗夕時有赤氣如火亘天凡三月 十三年大饑人相食 十四年冬桃李實 十五年城西南閭產芝三本 十七年春三月丙午大風晝曠

大清順治三年夏大雨水 七年夏五月城西馬家莊芝草藜生百餘本八年九年復生 八年秋河決入縣境仁義梁鄒二鄉漂沒民居萬計九年十年夏鄒平縣志 卷之八 災祥 八  
大雨河復決漂沒仁義梁鄒二鄉 十一年秋九月黃山有虎 十二年夏大早有牛生五足 十三年戴家莊猴與狗交生子頭與爪類狗身似猴能吠 十六年夏梁鄒鄉有婦人一產四子

馬驢曰聞之故老明萬曆中南山草結實如瓜果或爲人物今忘其年矣以余所見天啓末長山石家墓百草悉變人馬之形執戈盾又如龍鱗爪皆具志曰草子千年能爲百物之形豈其然乎

遺文

夫邑志之作既爲異日史書之據亦補前朝記  
載之遺若夫以誌公之靈異而梁書不爲立傳  
以景範之勤能而五代史不爲立傳乃並見於  
茲邑之碑苟不收之志中將使埋跡空山淪名  
後代不亦重可歎乎今其文字雖闕而作者之  
意斐然可觀孔子曰吾猶及史之闕文也闕文  
而存之聖人之好古也此皆歐陽永叔之所未  
觀趙明誠之所未錄故備載于書以示博古者  
季潭之詩辭意深雅亦得附焉

大唐齊州章丘縣常白山醴泉寺誌公之碑

口口京大薦福寺奉勅口慶口綴文沙門口口口

口口口口薦福寺口口翻經院校勘沙門正智寺

都維口僧道寂建此寺口口口口口口口口口

口口口口口口口口口口口口口口口口口口

口

口口曇花未出庸詎知寂滅之名覺日猶口曷嘗識

苦空之相口夫金儀下降舍靈口淨月之光寶教旁

流口口口口雲之潤三車口駕口口口口口口口



之才五層系口重標戰勝之門海目山亭妙相輝於  
變態虹梁鳥革大壯口口口口口口口口口口口口  
口口口口口口口口口口口口口口口口口口口口口  
口口塵凡口口香口水調八解之口風口五音之說  
息心之輩見流注以超昇廻面之徒仰幽關而悟入  
時逢口口代屬口口口口口口口口口口口口口口  
口口口口口口口口口口口口口口口口口口口口口  
玉口寥落幽巖我國家灌頂四天纂圖千帝以佛乘  
爲爲馬用道品爲城郭八方起塔口口道形九口聚

鄒平縣志

卷之八 遺文

士

鹽情殷口口口口口口口口口口口口口口口口口  
口口口口口口口口口口口口口口口口佛口口此精  
廬口通堯日三齊族姓向梵境以翹誠四履口口仰  
釋天而矯首又屬中宗孝和皇帝龍興漢道馬入天  
經口口口口口口口口口口口口口口口口口口口口  
口口口口口口口口口口周法界去景龍二年歲次景子  
爰有齊州正智寺都維僧仁万俗姓李字道寂慨茲  
隳墜抗表口宗天鑒至誠特賜名口口口口口口口  
口口口口口口口口口口口口口口口口口口口口口

口口口口口口否而還泰山靈掩以重開法俗歡康  
人神一悅初師之行進表也夢乘船上山及翌口赴  
朝所司無礙豈非興廢口定通口懸期口口口口口  
口口口口口口口口口口口口口口口口口口口口  
口口口口口口俶裝東上將口口州口口三藏義淨法師  
各代高僧天下重德先奉勅於大薦福寺口口口律  
以口口口口口口勝緣口城在東倍增口口口口口  
口口口口口口口口口口口口口口口口口口口口  
口四口降靈五口德口人天之表名揚宇宙之間聖

口難口神功叵測及將命星發載達京口口口口  
口口口口口時有口口口口口口口口口口口口口  
口口口口口口口口口口口口口口口口口口口口  
口身口口輟絃歌歲口口口卽以二月八日親率闔  
境老幼大會新寺表慶天恩至於口口之口尊卑就  
列鴈行齊聽口口口口口口口口口口口口口口口  
口口口口口口口口口口口口口口口口口口口口  
有醴泉口口口口三四尺深淺三尺餘色淨味甘爰  
符瑞典挹酌同飲咸覺蠲痼豈不以口福口圓三靈



少出家口口道林寺僧儉法師爲和上業存禪口宋  
太始初漸彰異迹居止不定飲食無時長髮跣足每  
口口口口口口口口詞同讖記言不虛發應驗如神或  
口視通於北口分形遍於南國竒怪忽恍不可殫論  
以天監十三年歲次甲午十二月八日口口口口口  
口口口口口口口口口口口口口口口口口口口口  
口口口口口相奄然示終時有異香口口芬馥特勅厚  
加殯送葬於鍾山獨龍阜仍於墓所口開善精舍勅  
鄒平縣志 卷之八 遺文 古

陸倕製銘於家內王筠勒碑於寺陰口口口口口口  
口口口口口口口口口口口口口口口口口口口口  
生及其去也以精靈度物哀憐庶類福祚皇王且彼  
託鍾山此依常白彼葬龍阜此口龍臺前王挹風建  
開善之墳口後帝傾口口體口口口口口口口口口  
口口口口口口口口口口口口口口口口口口口口口  
太極元年歲次壬子皇帝御天下之三載凡一百九  
十九年化化之緣古今無盡明明之德日月彌新其  
所變現之梗慨口口口口口口口口口口口口口口口







默贊形散影既墓彼山又墳茲嶺寶鐸雙振金

共炳化口口口真身永永其功口泉口口口口天

口口口口口口口口口口口口口口口口口口

口口口口口口口口口口口口口口口口口口

式讚王猷口口淨度勒像賢劫刊碑覺路其

開元三年歲次乙卯二月巳酉朔十五日癸亥下

此碑一面為誌公像一面為碑文其下方斷齧不

存不知何年何人斷而平之另作一跋以碑陷入

其中夾之以牘今欲撤而觀之既慮勞人而其下

終已不能全具故就其可辨者錄之尚有待于後

人之補正云像之上兩字亦有文不錄碑文

每行七十九字中有止辨其半者書半字

鄒平縣志 卷之八 遺文 七

大周故銀青光祿大夫中書侍郎同中書門下平章

事上柱國晉陽縣開國伯食邑七百戶贈侍中景公

神道碑銘并序

翰林學士朝議郎尚書水部員外郎知制誥柱國

賜緋衣袋臣扈載奉勅撰

翰林待詔朝議郎守司農寺丞臣孫崇聖奉勅書  
帝軒轅乘土德之運其臣曰奢龍祝融能辨方域以  
制區夏帝嬀氏禪陶唐之基其臣曰伯夷后夔能典  
禮樂以和人神上古佐命之道口口口口口口焉三政

嗣興圖史寔盛彌綸輔翼代有其人皆金策丹書絢  
績功業垂其訓聚而爲墳典形其美流而爲歌頌陋  
篆籀之質略我則潤之以口口口口之淪朽我則  
鑲之以貞珉銘以紀功碑以誌行千載之下粲然可  
觀者其惟神道之表乎故中書侍郎平章事景公諱  
範皇朝元佐口口顯德二祀冬十一月薨于淄川郡  
之私第天子廢視朝軫殲奪之念制贈侍中遣使贈  
奠飾終之典優而厚口口詔詞臣口文口琰盛矣口  
口口孔悝彝鼎不出廟門杜預豐碑空沈漢水姑自

鄒平縣志

卷之八

遺文

六

矜于名氏誠未顯于邦家與夫輝煌帝恩導揚休烈  
口口口口口口口口者可同日而語也口口口口  
口綸有直而叙之用丕顯我大君之命臣聞景氏之  
先出于芊姓從楚王于夢澤差口侍臣畫漢口于雲  
臺丹推名將濟美垂口口口口口生偉人維周之  
輔長山之下淄濟爲川地勝氣清惟公故里夫嘉遁  
絕世高卧于是者足以口顯氣而爲口口口口  
口生于是者足以口口口而爲世傑故公之先由烈  
考太僕府君之上曰王父賓大王父閏皆貞晦不仕



口口口口口口口口而君臣之口口口口口口口口  
龍飛在天躬載熙靈至於霄極皇業肇建制以公爲  
秋曹即進階至朝散大夫而口口口口口口口口  
萬口口口口口口口口口口口口口口口之樞惟聖人執左  
弊臨萬邦經久制大命日政之機國之大柄總於樞  
務者可謂重矣而公口口口口口口口口口口忠而賢  
口口口口口口口口口口口口公爲左司郎中克樞密  
直學士尋轉諫議大夫克城今皇帝嗣位之時登用  
臣而并人乘我大喪擁衆南寇親征之舉迅若奔

雷分命大臣保釐口口口口口口口口于公仍拜貳卿  
口口口口口口口口口口振帝伐張黃鉞白旄殲羣寇  
而皆盡參旗河鼓導清蹕以言旋大校旣已平九服  
又已定口口口口口口特惟輔臣而公昌言可口口口口  
口口口口口口聖謨碩望可以鎮流俗爰立之命帝心允  
孚六府肇修兵賦元大邦之調用口口口口口口公自  
立不回信而有守口口口口口口口口口口哉大用  
逢時洪均在手資忠孝於君父享富貴之崇高而盡  
悴之勞因成美戒封章疊上優詔褒稱聽解利權口

專口口口口口口口口以列卿歸第懸車故鄉嗟風樹  
之忽驚訴昊天兮何極見星而往夕露方多泣血以  
居晨熒屢絕哀與性盡臥疾而終享年五十有二口  
口口口口口口觀夫公之行事則其道也淳而粹克  
克焉無能稱其言也直而肆審審焉無所忌耿介以  
自立強幹以自口故其仕也口一命之卑口三口口  
口口口口無悔吝古人之操何以尚也秉筆者得無  
愧於詞矣許國夫人李氏嗣子太廟齋即儼信等口  
口口靈口光口口烝嘗翼翼賢人口口口口口口口  
鄒平縣志

卷之八 遺文

三

口口子事終之禮佳城閉日長楸篲雲勒銘垂休以  
示千古其詞曰

長白蒼蒼淄水湯湯哲人之生逢時會昌哲人之逝  
魂遊故鄉口高山兮峩峩逝水兮驚波口而口死口  
口口口口口口口口口口口口口口口山有  
頽坂水有高岸人何世而弗新善有名兮獨遠猗歟  
公兮時用丕顯

顯德三年歲次丙辰十二月己未朔十日戊申

宗泐詩石刻

進兵龍城南轉戰天山道烽煙漲平漠殺氣霾荒徼  
將軍重爵位天子尚征討不辭鬪死多但恨生男少

戰城南

南

泛舟出晴溪溪迴抱山轉欲采芙蓉花亭亭秋水遠  
心非牆上帆隨風豈舒卷但得紅芳遲何辭歲年晚

江南曲

祖龍乃好長生者沉璧徒來華山下目斷樓船海氣  
昏鮑車亂臭沙丘野驪山下錮三泉開泉頭宮殿仍  
崔嵬當時輸作方壘壘函谷無關小龍死百尺降旗

鄒平縣志

卷之八

遺文

三

軹道旁十二金人淚如水

祖龍歌行

明月照孤營蕭條數聲角開門天宇高仰見妖星落

撫髀一長歎龍泉自鳴躍

從軍行

春日遊茗雪復茲對畫圖青山白雲際綠樹幽人廬  
衆芳生澗曲新泉落巖趺不見黃叔度東風忽愁予

雪上題青山書舍圖

青山澹斜暉驚風在高樹行客起遐思雙親髮垂素  
雲飛滄海遙雁下長空暮老來惟夢歸隨君故鄉路

送銛上人省親



梁朝雨花臺近在城南陌不見講經人空林澹秋色  
登高俯大江目送千里客白鳥下滄波孤帆遠山碧  
雨花臺  
送客

我此松下居卽事良可悅閉戶留日雲開軒放明月  
松響風忽來泉流雨初歇時有西齋人相親默無說  
松下居  
偶作

揚舲下大江江寒欲飛雪高帆天際遠獨雁雲邊沒  
煙波渺何之倏忽成楚越遂令負首人年華感消歇  
送瑄  
上人

鄒平縣志

卷之八

遺文

三

日出山上去日入負薪歸明月照菴屋涼風吹薜衣  
濁醪在瓦缶大白兀自持平生一丘壑此志良弗違  
隱

黃蘆獵獵江浩浩洪濤簸天昏復曉一日舟行兩日  
留上水風多下風少未出門時思遠道在躡還思在  
家好坐看鴻雁去遙遙却笑人生不如鳥  
阻風  
行

林下可逍遙閒行意頗超香花不礙路偃木自成橋  
度嶺何須屐剡泉豈用瓢無媒甘老去愛爾草蕭蕭

行

又向南陵去復携良友同人煙千嶂裏客路百花中  
雉雊初晴日鶯啼滿樹風漸知精舍近清磬出林東  
與徐伯廉  
再往南陵

海外趁商船江東住幾年華音雖已習鄉信若爲傳  
一鉢隨緣飯諸峯到處禪涼秋明月夜夢度石橋煙

贈丘  
恒中

四山一片秋色野客獨坐茆亭渡頭紅葉如雨石上  
長松自青

山中

右諸詩皆予洪武初雜處於亂軍中迄今已三十年

鄒平縣志

卷之八

遺文

二

偶持鉢過長白山宿劉老別業憶舊作書之懔然自  
失時永樂二年九月天台釋宗勸

此長白山名蹟也嘉靖乙丑三月歷下李攀龍書

雜志

史稱齊多迂怪之士而又有齊諧志怪之書然  
則齊人之好怪乃自古記之矣且彭生之豕左  
氏著其妖京王之蛇水經表其異故閱覽之儒  
或有徵于稗史洽聞之士不無資乎外編聊備  
前文務芟俚說

長白山相傳古肅然

一作肅慎

山也峴南有鍾鳴燕世桑

門釋惠霄者自廣固至此峴聽鍾聲稍前忽見一寺門宇炳煥遂求中食見一沙彌乃摘一桃與霄須臾又與一桃語霄曰至此已淹留可去矣霄出迴顧失寺至廣固見弟子言失和尚已二年矣霄始知二桃兆二年矣

長白山西有夫人墓魏孝昭之世搜揚天下才俊清河崔羅什弱冠有令望被徵詣州夜經於此忽見朱門粉壁樓臺相望俄有一青衣出語什曰女郎須見

鄒平縣志

卷之八

雜志

五

崔郎什恍然下馬入兩重門內有一青衣通問引前什曰行李之中忽蒙厚命素既不叙無宜深入青衣曰女郎乃平陵劉府君之妻侍中吳質之女府君先行故欲相見什遂前入就牀坐其女在戶東立與什叙溫涼室內二婢秉燭呼一婢令以玉夾膝置什前什素有才藻頗善風詠雖疑其非人亦愜心好也女曰比見崔郎息駕庭樹嘉君吟嘯故欲一叙玉顏什遂問曰魏帝與尊公書稱尊公爲元城令然否女曰家君元城之日妾生之歲什乃與論漢魏時事悉與

魏史符合言多不能備載什曰貴夫劉氏願告其名  
女曰狂夫劉孔才之第二子名瑤字仲璋比有罪被  
攝乃去不返什乃下牀辭出女曰從此十年當更相  
逢什遂以玳瑁簪留之女以指上玉環贈什什上馬  
行數十步回顧乃一大冢什屈歷下以爲不祥遂請  
僧爲齋以環布施天統末什爲王事漸牽築河於垣  
冢一作桓家遂於幕下話斯事於濟南奚叔布因下泣曰  
今歲是十年可如何也作罷什在園中食杏唯云報  
女郎信俄卽去食一杏未盡而卒什十二爲郡功曹  
鄒平縣志

卷之八

雜志

三

爲州里推重及死無不傷嘆

平原縣西十里舊有杜林南燕太上時有邵敬伯者  
家於長白山有人寄敬伯一函書言我吳江使也令  
吾通問於濟伯今須過長白幸君爲通之仍教敬伯  
但於杜林中取樹葉投之於水嘗有人出敬伯從之  
果見人引入敬伯懼水其人令敬伯閉目似入水中  
豁然宮殿宏麗見一翁年可八九十坐水晶牀發函  
開書曰裕興超臧侍衛者皆圓眼具甲冑敬伯辭出  
以一刀子贈敬伯曰好去但持此刀當無水厄矣敬

伯出還至杜林中而衣裳初無沾濕果其年宋武帝  
滅燕敬伯三年居兩河間夜中忽大水舉村俱沒唯  
敬伯坐一榻牀至曉著岸敬伯下看之乃是一大龜  
一日也敬伯死刀子亦失世傳杜林下有河伯家上

龜並酉陽雜俎

釋寶誌本姓朱金城人少出家止江東道林寺修習  
禪業至宋泰始初忽如僻異居止無定飲食無時髮  
長數寸常跣行街巷執一錫杖杖頭挂剪刀及鏡或  
挂一兩疋帛齊建元中稍見異迹數日不食亦無饑

鄒平縣志

卷之八 雜志

七

容與人言始苦難曉後皆效驗時或賦詩言如識記  
江東士庶皆共事之齊武帝謂其惑衆收駐建康旣  
旦人見其入市還檢獄中誌猶在焉誌語獄吏門外  
有兩舉食來金鉢盛飯汝可取之旣而齊文惠太子  
竟陵王子良並送食餉誌果如其言建康令呂文顯  
以事聞武帝迎入宮居之後堂一時屏除內宴誌亦  
隨衆出旣而景陽山上猶有一誌與七僧俱武帝又  
嘗於華林園召誌誌忽著三重布帽以見俄而武帝  
崩文惠太子及豫章王相繼而薨永明中嘗往東宮

後堂一日平明從門出入忽云門上血汚衣褰衣走過及鬱林見害車載出此帝頸血流於門限齊衛尉胡諧疾請誌誌註疏云明日竟不往是日諧亡載屍還宅誌曰明日屍出也齊太尉馬殷齊之隨陳顯達與江州辭誌誌畫紙作樹樹上有鳥語云急時可登此後顯達逆節留齊之鎮州及敗齊之逃入廬山追騎將及齊之見林中有一樹樹上有鳥如誌所畫悟而登之鳥竟不飛追者見鳥謂無人而反卒以見免齊也騎桑偃將欲謀反往誌遇見而走大呼云圍

鄒平縣志

卷之八

雜志

天

臺城欲反逆斫頭破腹後有句事發偃逃往朱方爲人所得果斫頭破腹梁鄱陽忠烈王嘗屈誌至第忽令覓荆子甚急旣得安於門上莫測所以火時王出爲荊州刺史其預鑿之明此類非一誌多往來興皇淨名兩寺及梁武卽位下詔曰誌公迹均塵垢神遊冥漠水火不能焦濡蛇虎不能侵懼語其佛理則聲聞無上談其隱淪則道行高著豈得以俗事凡情空相拘制何其鄙陋一至於此自今行來隨意出入勿得復禁誌自是多出入禁中嘗於臺城對梁武帝喫

鮪昭明諸王子皆侍側食訖武帝曰朕不知味二十  
餘年矣師何謂爾誌公乃吐出小魚依依鱗尾武帝  
深異之今秣陵尚有鮪殘魚也有陳征虜者舉家事  
誌甚篤誌嘗爲其見真形光相如菩薩像焉誌知名  
顯竒四十餘載士女供事者不可勝數然好用小便  
濯髮俗僧聞有譏笑者誌亦知衆僧多不斷酒肉譏  
之者飲酒食猪肚誌勃然謂曰汝笑我以溺洗頭汝  
何爲食盛糞袋譏者懼而慙服晉安王蕭綢初生日  
梁武遣使問誌誌合掌云皇子誕育幸甚然冤家亦

生於後推尋曆數與侯景同年月日而生也會稽臨  
海寺有大得常聞都下有誌公語言顛狂放縱自在  
僧云必是狐狸之魅也願向都下覓獵犬以逐之於  
是輕船入海趨浦口欲西上忽大風所飄意謂東南  
六七日始到一島中望見金裝浮圖干雲秀出遂尋  
徑而往至一寺院宇精麗花卉芳菲有五六僧皆可  
年三十美容色並著員緋袈裟倚杖於門樹下言語  
僧云欲向都下爲風飄蕩不知土人此處何州國今  
四望環海恐本鄉不可復見答曰必欲向揚州御時

便到今附書到鍾山寺西行南頭第二房覓黃頭付  
之僧因閉目坐船風聲定開眼如言奄至西岸入數  
王都徑往鍾山寺訪問都無有黃頭者僧具說  
委曲報云西行南頭第二房乃風病道人誌公雖言  
配在此寺在都下聚藥處百日不一度來房空無人  
也問荅之間不覺誌公已在寺厨上乘醉索食人以  
齋過日晚未與間便奮身惡罵寺僧試遣沙彌繞厨  
側漫叫黃頭誌公忽云阿誰喚我卽逐沙彌到僧處  
謂曰汝許將獵狗捉我何爲空來僧知是非常人頂

禮懺悔授書與之誌公看書云方丈道人喚我不久  
亦當自還誌公遂屈指云某月日去便不復共此僧  
語衆但記某月日至天監十三年冬於臺城後堂謂  
人曰菩薩將去未及旬日無疾而終屍體香軟形貌  
熙悅臨亡燃一燭以付後閣舍人吳慶吳慶卽啓聞  
梁武嘆曰大師不復留以燭者將以後事屬我乎因  
厚加殯送葬于鍾山獨龍之阜仍於墓所立開善寺  
勅陸倕製銘於塚內王筠勒碑文於寺門傳其遺像  
處處存焉初誌顯迹之始年可五六十許而終亦不



老人誠莫測其年有餘捷道者居于京師九日臺北  
自言是誌外舅弟小誌四年計誌亡時應年九十七  
矣又後魏有沙門寶公者不知何處人也形貌寢陋  
心識通達過去未來預覩三世發言似識不可得解  
事過之後如驗其實胡太后問以世事實寶公把粟與  
鷄喚朱朱時人莫解後爲爾朱榮所害始驗其言時  
有雒陽人趙法和請占早晚當有爵寶公曰大竹箭  
不須羽東廂屋急手作時人不曉其意經月餘法和  
父亡大竹箭者直杖東廂屋者倚廬初造十二辰歌  
鄒平縣志

卷之八

雜志

三

終其言也此寶公與江南者未委是一人也兩人也

太平廣記引高僧傳及雒陽伽藍記按史書及陸倕碑文所載誌公行游之地皆在建康邑境屬魏此或魏之寶公未可知至唐開元之碑則直云是誌公矣

段文昌爲丞相時精食事第中庖所榜曰鍊珍堂在  
塗日行珍館家有老婢掌其法指授女僕凡四十年

閻百婢嗣法止九婢文昌自編食經五十卷時稱鄒

平公食經

清異錄

唐盧鴻草堂圖舊藏中貴人劉有方家余往有慶曆  
中摹本亦名手精妙猶記後載唐人題跋云相國鄒

平段公家藏圖書并用所歷方鎮印記咸通初余爲  
荊州從事與柯古同在南陵公墓下閱此軸今所歷  
歲祀修驗二紀薦罹多難編軸尚存物在時遷所宜  
興嘆丁未年篤在岐山採郡子著記又書己酉歲重  
九日專謁太儀遂載覽開果經多難頓釋愁襟子墓  
再題鄒平公段文公也柯古其子成式字也成式終  
太常少卿故稱太儀老學庵筆記

邢標刻

鄒平縣志卷之八

終

鄒平縣志

卷之八

雜志

三

